





SUPP. 60095/c








# PHARMACIÆ ELEMENTA CHEMIÆ RECENTIORIS

FUNDAMENTIS INNIXA

AUCTORE

**FRANCISCO CARBONELL,**

PHARMACOPŒO BOTANICO CIVITATIS BARCINONENSIS COLLEGA,  
PHILOSOPHIÆ AC MEDICINÆ DOCTORE, REGALI PHARMACEUTICO  
MATRITENSI COLLEGIO ADSRIPTO, REGIARUM ACADEMIARUM  
MEDICO-MATRITENSIS, AC MEDICINÆ PRATICÆ BARCINONENSIS  
SODALI, ET REGII BOTANICES INSTITUTI  
MATRITENSIS AC CARTHAGINENSIS  
SOCIO DELEGATO.



BARCINONE M. DCC. XCVI.

---

EX OFFICINA JOANNIS FRANCISCI PIFERRER, TYPOGRAPHI REGIS.

SUPERIORUM PERMISSU.

*Ex Biblioth. F. Broussonet Prof. m. m.*

*Nihil est tam nobile , et honorificum , quam in consimilium  
nostrorum utilitatem , labores nostros impendere.*

S. Augustinus de Civitate Dei.

*Quidquid præcipies , esto brevis , ut cito dictæ*

*Percipiant animi dociles , teneantque fideles.*

Horat. de A. P.



MECOENATI

EXCELLENTISSIMO AC POTENTISSIMO

D. D. DIDACO FERNANDEZ DE VELASCO,

ENRIQUEZ DE GUZMAN, LOPEZ PACHECO, TELLEZ GIRÓN, GOMEZ DE SANDOVAL, ET  
 ROXAS, GUZMAN, SUAREZ, ET ALVAREZ DE TOLEDO, PORTOCARRERO, CARRILLO  
 DE CASTILLA, BENAVIDES, VIGIL DE QUIÑONES, CÓRDOBA, PORTUGAL, PIMENTEL,  
 BRACAMONTE, ZÚÑIGA, CÁRDENAS, ET FIGUEROA, CORTÉS DE ARELLANO,  
 MENDOZA, ARAGON, ET LUNA: *DUCI* DE FRIAS, ET DE UCEDA: *COMITI* DE ALBA  
 DE LISTE, DE HARO, MONTALBAN, SALAZAR, ET PINTO: *MARQUIONI* DE  
 CILLERUELO, DE FROMISTA, DE CARACENA, DE BERLANGA, ET TORAL: *DOMINO*  
 CIVITATUM DE FRIAS, ARNEDO, ET OSMA; DOMORUM DE VELASCO, ET SEPTEM  
 INFANTUM DE LARA, GUZMANORUM, ET TOBÁR; OPPIDORUM DE VILLALPANDO,  
 BRIBIESCA, VILLADIEGO, HERRERA DE RIOPISUERGA, MEDINA DE POMÁR,  
 PEDRAZA DE LA SIERRA, CUENCA DE CAMPOS, CASTRILLO-TEGERIEGO, VELORADO,  
 CEREZO, LA PUEBLA DE ARGANZON, GALVEZ, BERZOSA, ALCUBILLA, ÍNES, SAN  
 MUÑOZ, MATILLA, VECINOS, ET OLMEDILLA, ET IN SPIRITUALIBUS, ET  
 TEMPORALIBUS DE BALDEHALUIN, ET LOBÓN, CASTRI DE AVIADOS, ET  
 CAMPOHERMOSO, OPPIDORUM, ET MONTIUM DE BOÑAR, ET CONCILII DE LOS  
 CILLEROS: VALLIUM DE TOBALINA, SOBA, RUESGA, VILLAYERDE, HOZ DE ARRÉBA,  
 ZAMANZAS, ET CURVEÑO: HISPANIAE PRIMAE CLASSIS DYNASTAE: INSIGNIS  
 ORDINIS VELLERIS AUREI EQUITI NOBILISSIMO: MAGNA CRUCE REGII  
 DISTINCTIQUE ORDINIS CAROLI TERTII DECORATO: CATHOLICAE MAJESTATIS  
 CUBICULI SUMMO PRAEFECTO: PRAEDI REGALIS DEL PARDO, ET SIRI  
 ACCEDENTIUM ZARZUELA, ET TURRIS DE LA PARADA PRAETORI:

IN REGALIBUS EXERCITIBUS MARSCHALLO:

MECOENATI. INQVAM

EXCELLENTISSIMO. PARITERQVE. POTENTISSIMO

HVMANIORVM. LITTERARVM. SCIENTIARVM. ETIAM. NATVRALIVM

ET. OMNIVM. FERE. EVROPAE. LINGVARVM

GALLICAE. ITALICAE. ANGLICAE. LATINAE

INSTRVCTISSIMO

QVEM. MORVM. GRAVITAS. COMITASQVE  
 GENERIS. NOBILITAS. RELIGIONIS. ZELVS

VIRTVTES. OMNES. EXORNANT

QVI. PRO. REGE. PRO. PATRIA

PRO. TVENDIS. DOMESTICIS. LARIBVS

AGMINE. TVIS. SVMPTIBVS. COLLECTO

TVAQVE. DEXTRA

IN. TETERRIMVM. BELLVM. PRODVCTO

TVI. VICTRIX

ET. AVLAE. REGIAE. VALEDICENS. MILITASTI

TIBI. INQVAM

MEDICARVM. ARTIVM. IN. HISPANIA. PRAESIDI

ET. VALIDISSIMO. PROTECTORI

HAEC. PHARMACIAE. ELEMENTA

PERPETVVS. TVI. NOMINIS. CVLTOR

FRANCISCVS. CARBONELL. ET. BRAVO

IN. SVMMV. PHARMACIAE. DECVS. AC. LAVDEM

ET. IN. AETERNVM. GRATI. ANIMI. MONVMENTVM

D. O. C.





## PRÆFATIO.

**S**i post hominum memoriam, tamquam præcipuum suorum operum scopum, Reipublicæ utilitatem Authores respexerint, potioribus quam illi rationibus ductus, utilitatem non solum, sed ejusdem in hac materia publicæ instructionis necessitatem attento animo perpendens, hoc meum opusculum jam jam in lucem prodire necessarium duxi. Profectò vix prima Pharmaciæ limina salutavi, ejus principiorum, seu fundamentorum collectionem, cujus ope Candidati suæ facultatis studium rectè instituere possent, non sine publicæ instructionis detrimento planè deficere adnotavi: Paucissima namque à Renodeo, Loeches, Schrodero, et aliis hucusque scripta fuerant, quæ de hac re, ut opus erat, perfectè agerent; imò eorum plurima solidæ ac demonstrativæ recentiorum doctrinæ, ex diametro opposita adinveniebantur. Id ipsum clariori luce perspexi, statim ac Pharmaceuticis notionibus jam imbutus, scientiarum naturalium studio, et Chemiæ præcipuè operam dedi. Hanc quidém sedulò excolere, ejus studium cæteris antepondere, illiusque doctrinam Pharmaciæ applicare, totis viribus curavi; non alia de causa, quàm quod hujusce applicationis defectum, et illius manifestam utilitatem longiùs præviderim.

\*

So-

Solùm Baumei Pharmaciae theoricæ ac practicæ elementa inter alia scripta hucusque adinventæ erant, quæ huic scopo aliquo modo satisfacere possent. Præclarus hic Pharmaciae Heros, cujus indefesso labore scientia maximos in dies fecit progressus, dum selectiora medicamenta descripsit, aliquas operationum, et operatorum definitiones, plurima generalia præcepta, medicamentorum elaborationi propria, quasdam circa simplicium falsificationem notiones, ac de eorundem collectione, exsiccatione, et repositione doctrinam aptissimè simul collegit atque conjunxit. Hoc quidem excelsum opus, *Pharmaciae elementorum* titulo Baumeus voluit insigniri; sed ut advertit sapientissimus Laugerius, denominatio hæc tanquam impropria, et non rationi consona debet dijudicari, atque, non *Pharmacia rationalis*, ut Laugerius ipse contendit, sed potius *Pharmacopœa rationalis* nuncupari mereatur. Equidem vera est Pharmacopœa, à cæteris diversa, et illis hoc ipso præstantior, quod ejusdem formularum methodi excellentiam, cæterarum inutilitatem, atque claram phænomenorum, quæ in operationibus locum tenent, expositionem, solidissimis rationibus evincere Baumeus in ea molitur: Qui quidè progressus, à Baumei in Chemia instructione, ac ab ejusdem sedula in Pharmacia applicatione, ortum duxere; ac si ipsi cum Chemiæ recentiorum principiis conjuncti fuerint, proculdubio hoc opus omnibus numeris absolutum perfecisset. Verùm generalia præcepta Pharmaciae elementis propria, inordinata atque dispersa in ejus Pharmacopœa

vagantur ; prætereà sunt diminuta , ac præcipuè , prout ad operationes attinet , sæpiùs defectuosa , recentiorumque Chemiæ doctrinæ , in qua omninò exterus erat Baumeus , prorsùs contraria ; cujus quidè scientiæ radiorum effluxu tantummodò Pharmaciam felici cum successu excolere valemus.

Cum ergo Pharmaciæ fundamentorum collectio rectè ordinata atque disposita ( mihi saltèm nota ) quæ *elementorum* seu *institutionum* titulo jure merito posset insigniri , nullibi adinveniretur , his supradictis rationibus ductus , quinque circitèr ab hinc annis his elementis seu Pharmaciæ institutionibus efformandis sedulò incubui. Quæ mihi in hoc opere perficiendo difficultates et obstacula se objecerint , is facile concipiet , qui in ejusmodi compendiis redigendis , vel minimum sit versatus. Nihilominùs scientiarum naturalium studio hæc ipsa obstacula , ut mihi fas erat , jam evincens , opus istud ex omni parte ferè compleveram ; quando tunc temporis alia negotia non levis momenti , ab hujusce operis elaboratione longiùs me removerunt ; ita ut per multum temporis spatium cæptum opus prorsùs intermittere mihi necesse fuerit. At verò cum denuò interrupto operi efformando accingerer , analess Chemiæ Parisienses in libro ad Januarium anni 1792 pertinente , toto animo perlegens , Pharmaciæ institutionum à Roberto Laugerio Medico Mutinensi editarum notitiam inopinatè adinveni. Repentè opus istud cognoscere , legere , atque perscrutari vehementèr optavi ; namque *institutionum* titulo , atque definita ejusdem in prædictis analibus expositione , eundem fortè sco-



pum attigisse authorem , mihiq̃ue in hac materia antevertisse , non temerè in suspicionem veni.

Tota ferè Europa bello flagrante , hujusce operis receptionem tantum procrastinatam fuisse , nemini mirum videbitur : Quaproptèr mei operis conclusionem longa distulit mora ; illud enim nequaquam perficere , et prorsus relinquere ex animo decreveram , ne coctam crambem , ut ita dicam , recoquerem. Tandem hunc librum accepi , et alium ejusdem auctoris de productis Pharmaceuticis agentem , quo propositum à se opus perfecit. Istud attento animo perlegi , et utile , indeque magna commendatione dignum reperivi ; sed quem mihi constitueram scopo omninò satisfacere haud poterat. Completa sanè hujusce operis explanatio nimium diffusa foret : Quaproptèr ut plurima consultò prætermittam , solum innuere sufficiat , generalia Artis præcepta Chemiæ doctrinæ , qua imbutus erat Laugerius , respondentia , prædictum opus absdubiò continere. Verum præcepta hæc aliquibus notionibus profectò superfluis consarcinata , quas Pharmacopœus suæ Artis perfectioni intentus ignorare potest , adinveniuntur : Prætereà Chemiæ recentiorum doctrinam Laugerius minimè callens , adeoque essentiali operationum Theoria necessariò destitutus , perfectum illis ordinem conciliare , earum propria , et peculiari analogia perspecta , sub exactis definitionibus operata singula comprehendere , et phænomenorum expositionem in suis elaborationibus demonstrare , minimè potuit. Postremò neque proprium ac rationi consonum systema Pharmaceuticum Laugerii  
mi-

mihi videtur , in quo Pharmaciae operationes in classes , ordines , genera , et species , instar Systematis Botanici Caroli Linnei , distribuere conatur: Namque certis limitibus operationes defigi nequeunt, ut praedicti systematis divisioni perfectè respondeant ; ac si illis similis divisio aliquando efformari possit , solius Chemiae recentiorum auxilio , cuius omninò expers erat Laugerus , fortè consequi posset: quibus praëvisis rationibus , ac maturè perpensis , opusculum meum perficere decrevi.

Rationibus , argumentisque à te jam intellectis, L. B. quæ ad hæc elementa instituenda me commoverunt , restat nunc , ut de meo proposito objecto , ac ipsius distributionis fundamento te certiorrem faciam.

A brevi scientiarum Pharmaciae præviarum notione , ac earundem in Pharmaciam influxu , hujusce operis initium ortumque ducere , oportunum censui ; ut primò intuitu videant Tyrones , antequam Pharmaciae operam dent , studium atque principia , quæ probè callere debent. Cum autem Pharmaciae definitio , atque divisio , cum his notionibus maximè connectatur , primùmque sit quod à Tyronibus debeat addisci , in primo hujusce operis capite omnia accumulare curavi.

Non mihi dissonum quidè apparuit in immediato capite præcipuum Pharmaciae objectum , unà cum generalibus ad hoc objectum notionibus immediatè expectantibus , collocare , tanquam præcipuum , ac necessarium cuilibet discenti argumentum. Cum hoc objectum sit ipsa medicamentorum compositio , ulterius

rius progredi non mihi licebat, quin prius de medicamentorum simplicium cognitione, et electione, utpotè instrumentorum, quibus ad suam praxim Pharmacopœus uti debet, pertractaverim: Qua de causa in capite tertio hanc simplicium doctrinam adducere mihi congruum visum fuit. Ut ordinatè procederem, horum simplicium definitiones alphabetico ordine comprehendam; quoniam eorum doctrina perspecta, nulla methodica divisio se se offert, meritò amplectenda.

Cum hæc simplicium cognitionis, et electionis doctrina cum eorundem collectione, exsiccatione, repositione, et duratione vinculo arctiori conjungatur, de his in capite quarto verba faciam. Hoc ipsum caput in tres sectiones distributum volui, ut notiones Tyronibus clariores, atque ordinatæ obviæ forent; in primò scilicet agens de collectione, tanquam primæ indigenorum simplicium operatione; in secundo de exsiccatione, ut primæ proprius accedente; de repositione, et duratione in tertio, quoniam illarum doctrina immediatè venit peragenda.

His omnibus jam perfectè imbutus quilibet Pharmaciae candidatus, statim ad Pharmaceuticarum operationum studium capescendum, pro illarum accurata elaboratione, omni cura cogitationeque incumbere debet; qua de causa studium istud Tyronibus exhibere conatus sum.

At verò certum ac conscium habeatur, notiones Pharmaciae praxi pertinentes, operationum notitiam, operatorum doctrinam, et exactam præceptorum scientiam, quibus hoc Pharmaceuticum exercitium  
du-



ducitur, in se continere. Quapropter ut omnia amplectar, in capite quinto de operationibus, in sexto de operatis officinalibus, in septimo verò seu ultimò de operatis magistralibus sermonem institutam.

Cum Pharmaceuticum systema à Laugerio propositum omninò congruens minimè videatur, ut superiùs innui, cumque Pharmaceuticæ operationes, ipsarum doctrina perspecta, methodicæ divisioni subijci non valeant, neque propter earundem simplicitatem, sive earum prolixitatem, neque propter phænomenorum rationem; in alphabeticum ordinem eas disponere, premissa sedula assiduaque meditatione, coactus fui. Ordine paritèr alphabetico de operatis pharmaceuticis pertractare constitui; cum enim tanquam illarum producta, considerari debeant, systematico ordine operationibus deficiente, operatis ex æquo deficere necessarium est.

Hæc quidem operatorum doctrina in dua capita distributa manet, vel ut plurium Authorum vestigia insequeretur, vel ut ejusdem præceptorum doctrina clarior magisque ordinata Tyronibus exhiberetur, vel ut minùs diffusum caput emaneret. Nihilominùs hæc duo capita cæteris diffusiora necessariò reperiuntur; quoniam regulas seu præcepta, quorum fundamento praxis Pharmaciæ nititur, et quæ ad ejus exercitium solidè nos manuducunt, includere debent; doctrina profectò magni momenti, præcipua, et majoris notæ, quæ in his elementis venit pertractanda.

Aliquandiù hæsitavi, an hæc generalia præcepta  
sub

sub operationum, an verò sub operatorum capite collocarem; siquidem illorum cuilibet adaptari valerent, quin methodo, aut ordini proposito defecissem: verum diversissima productorum natura perspecta, quæ eadem operatione non rarò perficiuntur, praxis generalia præcepta methodicè, ac scientificè Tyronibus nullo pacto exhiberi poterant, quin aliqua huic doctrinæ necessaria omitterem, aut eadem præcepta minimè grata repetitione sæpiùs exponere deberem: Quod quidem non eveniet, si generalia præcepta praxi necessaria, operatorum doctrinæ, quo in his meis elementis ordine proponitur, applicentur. Ad hujuscæ veritatis confirmationem, ne Lectoribus adeò molestus sim, plurima exempla consultò prætermittam.

Omnes hucusque dictæ notiones in his septem capitibus contentæ, *Pharmaciae Elementa* componunt, in quibus ejus Candidati, principiorum seu fundamentorum collectionem adinvenient.

At verò cum hæc fundamentorum collectio, nedum necessaria esset ad studium Pharmaciae aggrediendum, sed etiam ipsis Tyronibus omninò deficeret ad tentamina Pharmaciae idoneè subeunda, hæc Elementa ita disposui, ut his duobus valerent scopis respondere. Non paucis revera difficultatibus pressus, hæc duo objecta in se diversa, simul coadunare totis viribus tentavi.

Ob hanc rationem singulas notiones, quæ ad aphoristica fundamenta probè callenda maximè pertinere videntur, sub adnotationum forma delineavi, ut dum Candidati instruantur, brevitatis huic opusculo pro-

propria servetur. Hæc adnotationum materia longior atque diffusior me invito absdubio providit ; in illis namque inutiles et superfluas antiquorum plurimas notiones , atque respondendi modum Tyronibus congruenter patefacere , profectò mei muneris erat.

Eisdem rationibus ductus hanc institutionum materiam in aphorismata distribui , ac margini interrogationes apposui , quibus aphorismata tanquam responsa pertineant ; ut dum respondendi modus Tyronibus notus fiat , debitam in Pharmaceutis institutionibus addiscendis instructionem consequi valeant.

Ut hoc Pharmaciae Elementorum studium , ejusdem alumni facilius exhiberem , atque diffusam repetitionis silvam excusarem , in pauciora aphorismata , licet extensiora Elementorum doctrinam ordinavi : Pari jure sexti , et septimi capitis canonibus æqualem ferè , ac proportionalem extensionem præbui , materiam illis propriam , et analogam quoad potui accumulans , aliter enim me rigidiori adstringerem aphoristico methodo.

Propterea quod Pharmaceutica tentamina latino sermone , optimo jure exequentur , eodem pariter sermone hæc Pharmaciae Elementa Tyronibus exhibenda meritò judicavi ; cumque illis gregariis adhuc militibus hæc Elementa præsertim destinentur , perspicuo ac tenui stylo ea scribere decrevi ; quod in toto hujusce operis decursu studiosè observavi : Quamvis autem hæc institutiones minimè Pharmaciae periculo subeundo , sed illius studio aggrediendo tantum constituerentur , illas latino sermone scrip-



sissem, utpotè lingua universalior, cæteris contraccior, minoris corruptionis, ac alterationis experts (id quod scientiarum studio maximè confert) atque Pharmacopœo utilior, magisque necessaria.

Postremò Pharmaciæ Alumnos monitos habere exopto, ut Pharmaciæ Elementorum studio toto animo incumbant, ut illorum doctrinæ radiis, ac scientiarum præviarum luce illustrati, operationum Pharmaceuticarum praxi operam studiosè navare possint.

Hoc quidem ab illis omni cura observato, hanc profectò nobilem tamque necessariam Pharmaciæ facultatem maximo cum honore ac scientificè exercere valebunt: Etenim cum hæc scientia harum notionum principiis antea orbata foret, ac cecæ seu barbaræ rutinæ, aut irrationali praxi maximo ipsius dedecore ac detrimento penitùs derelicta, tanquam humi dejecta hodiernis diebus visa fuit: et si hoc attentè perdendamus, magna nos afficiet admiratione, cum illam, unum ex tribus grandioribus truncis, ex quorum conjunctione arbor Medicinæ coalescit, debeamus jure meritò considerare.

Istud paritèr Elementorum studium Medicinæ Candidatis utile, ac necessarium censetur, namque inter scientias, quæ ad medicinæ perfectionem conducunt, Pharmacia profectò est, quæ cæteris antecellit; et ipsis Medicinæ Candidatis summè necessaria videtur, ut in Medicinæ praxi tractu temporis tutò progredi valeant: Hujusce veritatis demonstrationem, rationalibus, ac scientificis Medicis satis notum, ne Lectorum patientia abutar, consultò omittam. De hac ipsa veritatis certitudine benè sibi conscius erat



erat sapientissimus Gaubius, qui cum de Pharmaceuticis notionibus Medicinæ studio applicandis in suo methodo concinn. formul. Prelegom. n. 8, verba fecerit, ait: *Nec sanè superficialia saltem, ut vulgò occurrit, hic requiritur cognitio; et aptissimè dein addit; qui enim Pharmacopeo dabit leges ignarus ipse agendorum?* postea hæc subjunxit: *Vix profectò dici potest, quantum hæc ignorantia rei medicæ inferat detrimentum.* Ob hanc rationem celeberrimus hic Medicinæ Professor, suadente Boheravio, studio chemico, ut Medicinam optimè calleret, Pharmaceuticum subjunxit.

Quarè miror sanè, multùmque doleo, quàm negligentè Pharmacia, ad Medicinæ studium applicanda æstimatur, cum aliæ Medicorum scopo minùs necessariae, quæque commodiùs atque citiùs absque Professore addisci scientiæ possunt, magnis dispendiis publicè edoceantur. De hoc ipso meritò conqueritur sapientissimus Laugerus in suarum institutionum Præfatione; et miratur valdè celeberrimum Tissot ad novam Medicinæ studiorum reformationem pro Ticinensi Universitate appellatum, de Cathedra Pharmaceutica stabilienda non cogitasse, et alias non tanti momenti, nec adeò longè necessarias publicas disciplinas, huic objecto dicatas, oblivioni minimè tradidisse.

Ego verò potiori jure mirabor, ab ejusmodi negligentia haud immunes fuisse exteras cultas Regiones, cum nuper in medicinæ studio reformando strenuò laboraverint. Hac in parte haud culpari posse vellem Hispaniam nostram, dum hanc studiorum re-

for-

formationem tam felici eventui , tanto Facultatis decore , et tanto humanitatis auxilio apud nos fieri hodierna die conspiciamus.

Huic propterea Præfationi finem imponam his conceptis verbis , à Laugerio in suæ Præfationis fine adductis : *Superest ergo Medicinæ studiosos hortari, ut seriò studio Pharmaceutico incumbant , cum certè ultimum complectetur eorum , quæ in medicinæ exercitio agenda sunt , et ad illud collineare videantur cuncta illa , quæ in aliis Medicinæ partibus docentur, cum tandem ex hoc fonte tanta , et diversa in morbis debellandis præsidia , quotidiano usu confirmata, redundare jam dudum satis notum sit.*

## CAPUT I.

DE NOTIONIBUS PRÆLIMINARIBUS  
PHARMACIÆ.

Quid Pharmacia ?

Quotuplex Pharmacia ?

**P**HARMACIA est scientia , quæ medicamentorum compositionem docet. (1)

Rejecta antiquiori Pharmaciæ divisione , in Galenicam nempe et Chemicam ; in *Theoricam* solummodo et *Practicam*, dividenda est Pharmacia : *Prima* dicitur , quæ regulas ad medicamentorum compositionem præbet ; *secunda* vero , quæ earum in praxi executionem edocet , appellatur. (2)

A

MU.

(1) Medicamentorum compositio secum involvit et præsupponit eorundem cognitionem , electionem , præparationem , et mixtionem , ut in capite de generali compositione medicamentorum inferius exponam : Hac de causa circa medicamentorum compositionem solummodo versari Pharmacia stabilivi ; quod quidem ut recto ordine procedere valeamus , necessarium duxi , quamvis ita ab antiquorum , et recentiorum more , recedam.

(2) Chemicorum quorundam remedium in officinis introductio , dum scientia Chimiæ in tenebris adhuc latebat , fundamentum præbuit Pharmaciæ divisioni in Galenicam et Chemicam : Sed quam immerito nunc temporis hæc viget Pharmaciæ divisio , dum Chimica hodierna die tota facie mutata , solidissimam , præstantiorem , fulgentioremque præbens doctrinam , ac demonstrativis innixa principiis , omnium fere substantiarum constitutiva principia patefacit : Quo fit ut plurima olim decantata remedia Chimica , tamquam inefficacia oblivioni tradantur ; ut plurium novorum introducatum usus , viribus præstantissimis fungentium ; ut aliquorum difficilis olim , et laboriosa præparatio , hodierna die facillima evadat ; tandem ut innumera medicamenta , quæ absque ulla prævia cognitione parabantur , *Galenica dicta medicamenta* , innumeris hodie subjecta varietatibus adinventantur , ac Chemicam lucem pro exacta talium medicamentorum præparatione necessario influere , compertum sit. Quis enim ( ut hoc utar exemplo ) simplicissimum decoctum legitime parare valebit , quin prius corporis decoquendi naturam , et simul liquidi decoquentis actionem , atque varios ignis gradus , vim , in hocce labore applicandi , Chemicè ac Phisicè noverit ?



Quodnam est munus  
Pharmacopœi?

Quibus debet ornari  
scientiis Pharmacopœus,  
ut Pharmacia in statu per-  
fecto possideat?

MUNUS PHARMACOPÆI est, omnia medicamenta  
secundum artis regulas rectè accuratèque parare.

Scientiæ quibus debet ornari Pharmacopœus,  
ut Pharmacia in statu perfecto possideat, sunt:  
*Mathematica, Historia naturalis, Phisica experimen-  
talis, ac Chimica.*

Quid Mathematica?  
Quomodo Mathe-  
matica Pharmacopœo  
deservit?

MATHEMATICA est scientia, quæ de magnitu-  
dine et extensione agit.

Elementa arithmeticæ, algebræ, ac geometriæ  
inferioris, absdubio Pharmacopœo maximè con-  
gruunt; nedum prout aliquæ ejus notiones ad quas-  
dam Pharmaciæ operationes aliquo modo conferunt,  
verum etiam quoniam prædictorum elementorum  
studium præsupponi debet ad Phisicam experimenta-  
lem addiscendam, Pharmaciæ quoque necessariam.

Quid Historia na-  
turalis?

HISTORIA NATURALIS est scientia, quæ omnia  
corpora naturalia dividens in clases, ordines, ge-  
nera, et species, eorumque dotes exteriores, ac  
proprietates observans, ipsa certè cognoscere do-  
cet, ac ab aliis distinguere.

Quomodo historia  
naturalis Pharmaco-  
pœo congruit?

Debet Pharmacopœus historiam naturalem  
omnimode callere prout de vegetabilibus agit  
(quæ in particulari sumpta *Botanica* appella-  
tur), namque vegetabilium usus frequentissimus  
est, ac eorum plurima propter analogiam faci-  
lè confunduntur; quantum ad animalia, et mi-  
neralia, ea presertim quæ officinalia sunt, scienti-  
ficè cognoscere oportet.

Quid Phisica expe-  
rimentalis?

PHISICA EXPERIMENTALIS est scientia, quæ ob-  
servationum et experimentorum ope, corpo-  
rum naturalium proprietates et phænomena do-  
cet, ac motus leges perquirat.

Quomodo Phisica  
experimentalis ad  
Pharmaciæ perfectio-  
nem concurrat?

Licet Phisica experimentalis in omnibus ejus  
tractatibus Pharmacopœo utilissima sit, in iis ta-  
men Pharmacopœo necessaria censetur, qui de  
generalibus corporum proprietatibus, de variis  
fluidis, aliisque substantiis ad chemicas opera-  
tio-

tiones sæpius concurrentibus , ac de variis instrumentis ad perfectas elaborationes necessariis , agunt.

Quid Chimica ?

CHIMICA est scientia , quæ per analisis et synthesis , omnium corporum naturalium principia ac proprietates , et eorundem intimam mutuamque actionem ostendit.

Quomodo Chimica ad Pharmacia colendam est necessaria ?

Elementa chimicæ in omnibus ejus partibus sumptæ , exactissimè debet Pharmacopæus retinere , ac assiduè incumbere omnibus ejus operationibus quæ ad Pharmacia spectant , atque perfectæ cognitioni omnium earum substantiarum , ex quibus operationes Pharmaceuticæ conflantur , aut aliquo modo ad eas concurrunt. (1)

## CAPUT II.

### DE GENERALI COMPOSITIONE MEDICAMENTORUM.

Quid Medicamentum ?

**M**EDICAMENTUM est substantia quælibet usui medendi dicata.

A 2

ME-

(1) In Pharmaciæ studio colendo semper tironibus commendabatur ut Chemicis notionibus operam navarent pro exactissimo ejusdem complemento , ita ut Chimica ex hac parte tamquam Pharmaciæ pars considerata , *Chimicæ Pharmaceuticæ* nomen audiebat. Si rem tamen maturè perpendamus , intelligemus profectò , Chimicæ studium Pharmaciæ studio anteponendum , sicut Chemiæ notionibus , *metallurgiæ* , *tinctoriæ* , aliisque artibus exactè addiscendis præcedunt , ac tamquam scientiam præliminarem Pharmaciæ , Chemicam esse considerandam , propter ejusdem notionum copiam , quæ Pharmaceuticis operationibus magnoperè sunt necessariae ; pari jure uti Botanica ac Phisica hac de causa tamquam scientiæ quoque Pharmaciæ præliminares dijudicantur ; cum hoc tantum discrimine , quod major tironum Chemiæ studio applicatio requiratur , propter majorem ejusdem in Pharmacia influxum. Hisce validissimis rationibus ductus , Chemicam inter scientias Pharmaciæ præliminares annumeravi , ipsiusque objectum à Pharmaciæ definitione ac ejus partium expositione separandum fore , jure merito existimavi.

Medicamentum triplex est : *simplex nempe* , *præparatum* , et *compositum*. *Simplex* est illud , quod ex unico et simplici corpore absque alteratione desumitur : *Præparatum* dicitur , simplex medicamentum arte alteratum , idest ad usum medicum aptatum : *compositum* autem vocatur , quod ex pluribus simplicibus vel præparatis medicamentis simul junctis resultat.

Ex quibus fontibus hauritur medicamenti compositi divisio ?

Ex tribus hauritur fontibus medicamenti compositi divisio ; nempe ab ingredientium unionem , à medicamenti duratione , ac ab ejusdem usu seu administrandi modo.

Quotuplex medicamentum compositum respecta unionis ?

MEDICAMENTUM COMPOSITUM pro ut ad simplicium unionem spectat , duplex est ; *compositum* scilicet *per mixtionem* et *compositum per combinationem*. *Primum* est , quod ex substantiis ad invicem tamquam permixtis coalescit ; *secundum* vero , quod ex substantiis revera combinatis emergit. (1)

ME-

(1) Miror equidem , hanc medicamenti compositi divisionem ab omnibus Pharmacia auctoribus oblivioni traditam fuisse , ita ut nemo hucusque de ea mentionem fecerit , aliis minoris momenti non prætermissis divisionibus , cum , meo judicio , maximi momenti hæc distinctio facienda sit , ac Pharmacopæo nedum , sed et Medico utilissima videatur. Pharmacopæus enim omni cura et assiduo labore in medicamentis per mixtionem compositis , istius perfectionem tentare debet , nam cum ingredientium unio , nulla afinitatis vi fiat , sed à solo mechanico labore dependeat , si exactissima non est præsertim in efficacibus simplicibus , non uniformis erit medicamenti virtus , et aliquando inutilis , ac forte nocivus ejusdem usus : In compositis vero per combinationem , quoniam ingredientium unio , à vi naturali attractiva et reciproca dependet , pro ut diversa erit vis hæc , ac varia ingredientium natura , diversus quoque inter ingredientia contactus adhibendus. A Medicis quoque hæc attendenda distinctio , nam cum in medicamentis compositis per mixtionem , ingredientia corpora suam peculiarem producant effectum , nulla ratione mixtionis habita mutatione , effectum cuilibet ingredientii proprium sedulo teneatur Medicus , sicque ne contrariantur effectus aut debito modo coadunentur , attentè debet observare : in compositis vero per combinationem , non proprios ingredientium effectus , sed effectum composito peculiarem solummodo attendere opus est , quem



Quotuplex medicamentum compositum respectu durationis?

5

MEDICAMENTUM COMPOSITUM respectu ejusdem durationis, duplex est, *officinale* scilicet et *magistrale*: *Officinale* est illud, quod in officinis paratum servatur; qua de causa virtus ejus efficax per tempus perseverare debet: *magistrale* vero nuncupatur, quod mox tantum paratur ubi præscribitur, et ut plurimum alterationi obnoxium est.

Quotuplex Medicamentum compositum respectu usus?

MEDICAMENTUM COMPOSITUM attento ejusdem usu seu administrandi modo, duplex est; *internum* scilicet et *externum*: *Primum* dicitur quod internè sumitur; *externum* vero quod exterius applicatur. (1)

Quænam in Medicamento composito veniunt considerata?

In medicamento composito quatuor considerata veniunt; *basis* nempe, *adjuvans*, *corrigens*, et *constituens*. Nuncupatur *basis* substantan-

quem quidem effectum longa exactaque debet observatione comprobare. Hic non frustra advertendum judico, et à Medicis præsciendum, ingredientia in combinatione non effectus medios producere, et composita mediæ naturæ inter ipsorum proprietates eformare, ut Chimici plures cum Macqueriè contendunt, sed effectus ac proprietates composito proprias, absque ingredientium respectu, corpora adquirere.

(1) Hæc medicamenti distinctio ab antiquioribus decantata, à recentioribus improbatur, eo quod plurima quæ *interna* dicuntur, exterius applicantur, et vice versa; eo quod plurima externa medicamenta, ab internis consistentia non diferunt, et forte eodem excipiente gaudent; quod externorum vis, interiora viscera aliquando penetrat ibique operatur; tandem (et præcipua ratio adducitur) quod medicamenta per anum, aliasque cavitates introducta, ad interiora viscera æque sibi viam faciunt ac medicamentum *internum* dictum, per os assumptum. Hæc tamen argumenta, meo judicio, hanc distinctionem non strictè et rigurosè sumendam, minime vero improbandam evincunt. Medici namque et Chirurgi in externorum præscriptione majores doses adhibere non verentur; ac licet per cavitates introducantur medicamenta, non æquales producentur effectus: Diversæ purgantes confectiones, ac calmantia medicamenta ano introducta, hujusce veritatis exemplum præbent: Pharmacopæi quoque in externorum præparatione aliquas omittere cautelas, et in operatis, et in vasorum electione absdubio possunt, quod in internis parandis, notabili absque detrimento efficere haud valent. Hocce fundamento innixus, talem distinctionem praxi utilem esse, adeoque tironibus commendandam, non vereor affirmare.



tantia illa, ex qua medicamentum principaliorē et efficaciorē virtutem absumit; quæ dicitur *simplex*, quando ex unica substantia tantum constituitur, *composita* vero, quando ex pluribus substantiis efficacior medicamenti virtus ferè æqualiter dependet. Dicitur *adjuvans*, substantia illa, quæ basis virtutem valet adaugere, quæ aliquando, ut *basis* quantitas minuatur, ingreditur, et *stimulans* tunc vocatur. *Corrigens* est substantia illa, quæ *basis* activitatem minuit, vel ingredientium nauseabundum saporem aliquatenus gratum reddit, vel violentos eorum effectus, viscera leniendo, deprimere valet. *Constituentis* nomen audit substantia illa, quæ medicamento consistentiam præbet, et in qua ingredientia veluti distributa sunt; quæ *menstruum*, *vehiculum*, et *intermedium* aliquando nominantur. Animadvertendum vero, *constituens* in omni medicamento composito ferè semper adinveniri; *adjuvante* et *corrigente* aliqua medicamenta carere; adeoque non singulas compositas formulas, quatuor hisce partibus necessario constare.

Quid est compositio Medicamentorum?

COMPOSITIO MEDICAMENTORUM, est medicamentorum conjunctio aptiori modo facta, ut debiti et congruentes effectus adquirantur.

Quænam ad Medicamentorum compositionem requiruntur?

Ad debitam compositionem medicamentorum, quatuor præcipue requiruntur: primo, recta simplicium *electio*; deinde ipsorum congrua (si opus est) *præparatio*; postea perfecta eorum *unio*; postremo tandem debita *repositio*.

Quid est electio Medicamentorum?

ELECTIO MEDICAMENTORUM, est medicamentorum cognitio, ipsorumque distinctio ab aliis inferioris qualitatis, vel aliquo modo adulteratis.

Quænam ad rectam simplicium electionem requiruntur?

Ad rectam simplicium electionem requiritur, omnium simplicium medicinalium peculiare dotes, et suæ perfectionis signa cognoscere; tempus ac modum scire ea colligendi, exsiccan-

di,

di, et reponendi, si indigena sunt, conservandi vero si exotica; ac fraudes non ignorare, quibus simplicia adulterari solent, sicut etiam regulas ut has fraudes eludere possimus.

Quid est præparatio  
Medicamentorum?

PRÆPARATIO MEDICAMENTORUM, est medicamentorum dispositio, congruentiori methodo peracta, ut medicamenta diutius perdurent, vel efficaciora reddantur, vel ut magis grata fiant, aut operationibus subeundis, sint magis disposita.

Quænam ad Medicamentorum præparationem requiruntur?

Ad congruentem simplicium præparationem requiritur, primo; simplicium partes medicamento præparando dicatas et præcisas cognoscere, ac ab aliis inutilibus, fortè nocivis sejungere; deinde partes ingredientibus aptiori modo disponere, ut conjunctionem inter se facilius subeant, vel ut eorum principia activa et congruentia melius depromantur, vel ut ex aliis principiis commodius impregnari possint.

Quid est unio Medicamentorum?

UNIO MEDICAMENTORUM, est medicamentorum permixtio seu combinatio, ut diversorum virtus simul jungatur, vel ut diversæ indolis compositum efformetur.

Quænam ad Medicamentorum unionem requiruntur?

Ad perfectam simplicium unionem, requiritur primò; intima substantiarum permiscendarum principia, ac proprietates cognoscere; deinde operationum omnium, quibus corpora subijci debent, exactam notitiam ac theoriam callere; postea omnes alterationes, quæ corpora in his operationibus patiuntur, exactè dignoscere; quartò certò scire, quænam principia ad novum compositum formandum non ingredientia, separari coguntur; tandem compositi eformati naturam, proprietates, ac singulas ejus affectiones, exactissimè perscrutari.

Quid est repositio Medicamentorum?

REPOSITIO MEDICAMENTORUM, est medicamentorum collocatio in oportunis vasibus, ac sub iis

con-

conditionibus peracta , quæ ipsorum naturæ congruant.

Quænam in Medicamentorum repositione observanda sunt?

In qualibet repositione , observandum primo; opus esse , vasis in quo fit repositio , naturam exactè dignoscere , cavendo ut nulla inter vas et corpus repositum detur nociva reactio ; deinde convenienti operculo vas coopertum habere, pro ut substantia reposita magis aut minus volatilis sit, et per aëris contactum majori vel minori facilitate possit alterari ; postea in loco calidiori vel frigidiori , pro ut operato conveniat , ipsum reponere ; tandem lucis accessum , aut ejus privationem , secundum operati naturam permittere.

### CAPUT III.

#### DE COGNITIONE ET ELECTIONE SIMPLICIUM. (1)

#### SECTIO I.

##### *De Simplicibus é vegetabili regno.*

Quid Absinthium ? **A**BSINTHIUM , planta est officinalis , *arthemisia absinthium* à Linneo dicta , cujus sumitates , et herba in usum veniunt.

ACA-

(1) Quamvis simplicium cognitionis , et electionis doctrina semper Pharmacopæo necessaria judicaretur , potiori jure nunc temporis doctrina hæc , Pharmaceuticæ instructionis basim et fundamentum constituit ; rationales namque Medici ratione et experientia duce , plurium compositorum inutilitatem dignoverunt ; indigestam ingredientium farraginem in quamplurimis antiquioribus formulis contempserunt ; atque solis activis et nota virtute præditis simplicibus , ferè semper ad morborum curationes  
fi-



Quid Acacia?

ACACIA, succus est inspissatus, rufescens, lucidus, et acerbus, ex siliquis *mimosæ niloticæ* Linnei, in Ægypto nascentis extractus: eligatur tenax, non nimis nigricans, atque penitus aqua solubilis.

Quid Acetosa?

ACETOSA, planta est officinalis, *rumex acetosa* à Linneo dicta, cujus folia, radices, et semina, vocantur in usum.

Quid Acetum?

ACETUM, liquor est, ex vino denuò fermentationem suscipiente, emergens; non ingrato odore, nares irritante, sapore acido instructus: præstantior ex vino albo generoso educatus, et acerrimus judicatur.

B

ACO-

fidem adhibendam esse, ex eorundem debita et proportionata mixtura et præparatione, efficacissima, experta, ac tuto medicamina prodire, deductasque ab auctoribus formulas, rarò indicationi completè satisfacere posse, ac tamquam ignorantiae asilum ipsarum abusum considerandum fore, evidentissimis rationibus, solidisque observationibus demonstrarunt. Hocce fundamento innixus, in adhibendis simplicium cognitionis signis, eorumque electionis præceptis monstrandis, curam atque operam studiosè contuli; at eodem tempore simplicium descriptiones, et electiones, paucis complecti totis viribus tentavi, ut tironibus in præsentì addiscenda theoria, auxilium aliquod ac levamen conciliare valerem, quod in hocce labore præcipuus mentis meæ fuit scopus: hac de causa, simplicia tantum usitatiora, et quorum magis interest cognitio, reliquis prætermissis, descripsi; cognitionis characteres, qui in electionis præceptis continentur, de industria omisi; et vice versa electionis signa aliqua consultò tacui, quæ in cognitionis characteribus describuntur, ut simplicior evaderet expositio; adeoque qualitates cognitioni adductæ, in superiori gradu tamquam electionis signa, dum in illis simplicium perfectio consistit, considerentur, quando electionis præcepta manca seu diminuta appareant. Eadem ductus ratione, de simplicium usu medico, nihil tradidi; nam præterquam quod talis usus cognitio, licet utilissima, non adeò absolutè necessaria Pharmaciæ candidatis videtur, sicut cognitio et electio, et quod in pluribus controversia adhuc inter auctores vigeat pro tali usurigurose monstrando, si aliquando fortè hujusce rei notitia egeat Pharmaciæ alumnus, plurima materiæ medicæ exactiora consulat scripta. Pari jure indigenarum plantarum descriptiones silentio premere decrevi; quoniam si diminutæ sunt, ut plerumque contingit, non sufficiunt ut notionem completam adquirant candidati; si autem diffusæ sint, à me propositæ, ac tironibus necessariæ brevitati adversarentur: sufficit ergo ut plantæ officinalis genericum nomen, et specificum calleant Alumni, ut ejusmodi auxilio, in Linneo postea exactam descriptionem valeant adinvenire.

- Quid Aconitum? ACONITUM CÆRULEUM , planta est officinalis, *aconitum napellus* à Linneo dicta , cujus folia in usu sunt.
- Quid Acorus? ACORUS VERUS , radix est *acori calami* Linnei , oblonga , exterius geniculata , et rufescens , interius albida , in Tartaria collecta: acris , et odora eligatur , minimè cariosa.
- Quid Agaricus? AGARICUS , est planta fungosa quæ crescit in *larice* , interius alba , exterius cortice cinereo subrufo obducta , à qua separatur , saporis primò subdulcis , postea amaricantis , et acris : fragilis , splendens , candidus , et levis seligatur.
- Quid Alkekengi? ALKEKENGII , planta est officinalis , *Phyzalis alkekengi* à Linneo dicta , cujus soli fructus cerasi-formes in usum veniunt.
- Quid Alkohol? ALKOHOL , liquor est tenuis , volatilis , spirituosus , inflammabilis , in liquoribus saccharinis , per spirituosam fermentationem productus, et ab eisdem per destillationem elicitus , et purificatus ; ex hydrogenio et carbonio coalescens: purissimum et rectificatissimum dicitur , quando supra pulverem pyrium accensum , ei flammam communicat , et præcipuè quando nec minimum quidè alkali fixi dissolvit.
- Quid Aloe? ALOE , succus est inspissatus, ex varietatibus *aloes perfoliatæ* Linnei depromptus : dividitur in *succotrinam* , *hepaticam* , et *caballinam* : eligatur *prior* lucida , pura , coloris dum teritur, crocei , saporis amari , et odoris non ingrati: *secunda* animalium hepatis similis est , ejusque pulvis flavo-subrufus ; utraque in America , Africa , et Ægipto colligitur : *tertia* quæ minus æstimatur , odore nauseoso mirrhato distingui potest , et in Italia , ac Bætica colligitur.
- Quid Althæa? ALTHÆA , planta est officinalis , *althæa officina-*

*nalis* à Linneo dicta , cujus radix , herba , et semina , in usum veniunt.

Quid Amomum?

AMOMUM, fructus est siccus , racemosus , membranaceus , semina continens purpurea , rugosa , et aromatica in capsulis subovatis , ex *Amomo grano paradissi* Linnei , in India occidentali procedens , unde ad nos advehitur.

Quid Amygdala?

AMYGDALA , fructus est cortice lignoso obductus , qui vel dulcis est , vel amarus , ex *amygdalo comuni* Linnei proveniens : non rancidus nec vermiculosus eligatur.

Quid Amylum?

AMYLUM , fæcula est alba et levis , è granis farinosis extracta , atque per repetitas lotiones ab omnibus materiis extractivis separata.

Quid Angelica?

ANGELICA, planta est officinalis , *angelica archangelica* à Linneo dicta , cujus radix grisea , levis , odorata , et non cariosa , in usum eligatur.

Quid Anisum?

ANISUM , planta est officinalis , *pimpinella anisum* à Linneo dicta , cujus semina subdulcia , aromatica , viridiuscula , in usum veniunt.

Quid Apium?

APIUM, planta est officinalis , *apium graveolens* à Linneo dicta , cujus radix et semina , in usu sunt.

Quid Aristolochia?

ARISTOLOCHIA LONGA , et ARISTOLOCHIA ROTUNDA Linnei , plantæ sunt officinales , cujus radices longæ quoque , vel rotundæ dictæ , ponderosæ , non cariosæ eligantur : utraque in Hispania crescit.

Quid Arnica?

ARNICA, planta est officinalis , *arnica montana* à Linneo dicta , cujus radix , herba , et flores in officinis prostant.

Quid Artemisia?

ARTEMISIA , planta est officinalis , *artemisia vulgaris* à Linneo dicta , cujus herba in usum vocatur.

Quid Arum?

ARUM , planta est officinalis , *arum maculatum* à Linneo dicta , cujus radix in usum venit.



Quid Asarum? ASARUM, planta est officinalis, *asarum europæum* à Linneo dicta, cujus radix, et herba, usui officinali deserviunt.

Quid Asclepias? ASCLEPIAS, planta est officinalis, *asclepias vincetoxicum* à Linneo dicta, cujus radice utimur.

Quid Assa foetida? ASSA FOETIDA, gummi-resina est, rufescens, grummis albescentibus concreta, acris et valdè ingrati saporis, fœtoris allium redolentis, unde *stercus diaboli* dicitur: ex vulnerata radice *ferulæ assa fœtidæ* Linnei, in Persia nascentis, provenit.

Quid Aurantium? AURANTIUM, planta est officinalis, *citrus aurantium* à Linneo dicta, cujus fructus, folia, et flores, in usum veniunt.

Quid Balsamum Copaiba? BALSAMUM COPAIBA, succus est resinosus, oleosus, ex albo-flavescens, acris, amarus, aromaticus, fragrans; ex *copaifera officinali* Linnei, in Brasilia nascente, proveniens.

Quid Balsamum Peruvianum? BALSAMUM PERUVIANUM NIGRUM, seu LIQUIDUM, succus est resinosus, therebintinæ consistentiæ, coloris é rufo ad nigrum vergentis, saporis subacris, et aromatici, odoris ad benzoinum accedentis, ex coctione ligni et foliorum arboris, *myroxylon perviferum* à Linneo appellatæ, in nova Hispania nascentis, proveniens. Ex eadem arbore spontè prodiit *balsamum peruvianum album*, nigro multò præstantius.

Quid Balsamum Tolutanum? BALSAMUM TOLUTANUM, succus est inspissatus, resinosus, fragrantissimus, odoris ad citrum, coloris ad aurum vergentis, saporis subdulcis, grati, et paulò acris, ex *toluifera balsamo* Linnei, in America meridionali spontè fluens. *Balsamum peruvianum solidum* in officinis dictum, eadem hæc substantia est, vel inter ipsa (si adest) differentia, adhuc latet.

Quid Bdellium? BDELLIUM, gummi-resina est rufescens, odorifera, acris saporis, ovalatis et translucidis  
la-



lacrimis coalescens , ex *palma* nondum nota , in Arabia , et India nascente proveniens.

Quid Beccabunga ? BECCABUNGA , planta est officinalis , *veronica beccabunga* à Linneo dicta , cujus herba in usum venit.

Quid Benzoinum ? BENZOINUM , resina est fragilis , flavo-fusca , saporis acris , et balsamici , ex *croton Benzoe* Linnei in Sumatra per incisionem procedens : maculis candidis amygdalarum instar referta , et fragrantissima , æstimatur.

Quid Berberis ? BERBERIS , planta est officinalis , *berberis vulgaris* à Linneo dicta , cujus baccis in officinis utimur.

Quid Betonica ? BETONICA , planta est officinalis , *betonica officinalis* à Linneo dicta , cujus folia , et flores , in usu sunt.

Quid Bistorta ? BISTORTA , planta est officinalis , *polygonum bistorta* à Linneo dicta , cujus radix in officinis reperitur.

Quid Brassica rubra ? BRASSICA RUBRA , varietas est *brassicæ oleaceæ* Linnei , cujus folia in usum vocantur.

Quid Bryonia ? BRYONIA , planta est officinalis , *bryonia alba* à Linneo dicta , cujus radix , in usum venit.

Quid Cacao ? CACAO , semina sunt amigdali-formia , rufescentia , et amara , ex *theobroma Cacao* Linnei , in America Meridionali , et Antillis deprompta.

Quid Camphora ? CAMPHORA , substantia est alba , concreta , cristallina , odoris saporisque summè penetrantis , in spiritu vini et in acido nitrico omnimodè et absque tumultu solubilis , ex *Asiatica arbore* , *laurus camphora* à Linneo dicta , per sublimationem extracta , et purificata : eligatur sine maculis , quæ deflagrando tota consumitur , et in ipsa aqua ardet. Camphoræ

ræ extractionem ex plurimis indigenis aromaticis plantis , facillima exactaque methodo nos edocuit sapientissimus Proust.

Quid Capillus veneris? CAPILLUS VENERIS, planta est officinalis, *adiantum capillus veneris* , à Linneo dicta , cujus herba , in usum venit.

Quid Capparis? CAPPARIS , planta est officinalis , *capparis spinosa* à Linneo dicta , cujus flores et radicis cortex , in usum vocantur.

Quid Cardamomum minus? CARDAMOMUM MINUS , seu *amomum cardamomum* Linnei , in Indiis crescens , semina præstat angulosa , fusca , in siliquis pallidis triquetris contenta : eligantur siliquæ recentes, aromaticæ , sapore gratæ.

Quid Carlina? CARLINA , planta est officinalis , *carlina acaulis* à Linneo dicta , cujus radix extus grisea, intus albida , odoris et saporis aromatici grati, in usum venit.

Quid Caryophylli? CARYOPHYLLI , flores sunt nondum expansi et exsiccati *caryophylli aromatici* Linnei , in Insulis Moluccis enascentis , rufo-nigricantes , quorum calix , quatuor apiculis corollæ rudimentum circumdantibus , constat : eligendi sunt oleosi , saporis fervidi , odoris aromatici suavis.

Quid Cascarilla? CASCARILLA, seu *croton cascarilla* Linnei , in Perù et Florida nascens , cortices præbet officinales , extus griseos , intus ferrugineos , saporis acris , et amari : eligantur resinosi et summè odoriferi , moschum redolentes , maxime si accendantur.

Quid Cassia fistula? CASSIA FISTULA Linnei , in Ægipto , et America enascentis , siliquas præstat officinales , longas , cylindraceas , nigricantes , in plurima loculamenta divisas , pulpam nigram , dulcem , cum seminibus fulvis , depressis includentes: optima censetur Alexandrina , recens , et medullæ gravis.

- Quid Cassia lignea? CASSIA LIGNEA, seu *laurus cassia* Linnei, corticem præbet officinalem lignosum, gustus mucillaginosi, odoris, saporisque cinnamomo plerumquæ debilioris: ad cinnamomum valdè accedens eligatur.
- Quid Catechu? CATECHU, seu TERRA JAPONICA, succus est inspissatus, gummeo-resinosus, ex *mimosa catechu* Linnei, in India orientali procedens: eligatur durus, purpureo-nigricans, saporis subamari, postmodum dulcioris, odoris expers, in aqua tepida facilè solubilis.
- Quid Centaurium? CENTAURIUM MINUS, planta est officinalis, *gentiana centaurium* à Linneo dicta, cujus flores, et herba in usum veniunt.
- Quid Chamomilla? CHAMOMILLA ROMANA, planta est officinalis, *anthemis nobilis* à Linneo dicta, cujus sumitates et flores, in usu sunt. Vulgaris autem chamomilla, qua sæpè utimur, *matricaria chamomilla* à Linneo vocatur.
- Quid Chelidonium? CHELIDONIUM MAJUS Linnei, planta est officinalis, cujus radix et herba, in usum vocantur.
- Quid China? CHINA, radix est *smilacis chinæ* Linnei, in China et Japonia nascentis, crassa, lignosa, tuberculis inæqualibus prædita, foris fusca, intus albo-rufescens: eligatur recens, ponderosa, resinosa, minimè cariosa.
- Quid Cichorium? CICHORIUM, planta est officinalis, *cichorium intybus* à Linneo dicta, cujus tota planta sine caule in usum venit.
- Quid Cicuta? CICUTA, planta est officinalis, *conium maculatum* à Linneo dicta, cujus herba, usui officinali deservit.
- Quid Cinnamomum? CINNAMOMUM, cortex est tenuis, interior surculorum *lauri cinnamomi* Linnei, in Ceylan nascentis, canaliculatus, coloris ex flavo-rubentis, saporis acris, subdulcis, odoris grati, fragran-



grantissimi : eligatur longum, sapidum , ac fragrans.

Quid Citreum ? CITREUM , fructus est arboris , *citrus medica* à Linneo dictæ , cujus singulæ fructus partes in usum veniunt.

Quid Cochlearia ? COCHLEARIA OFFICINALIS Linnei , planta est anti-scorbutica , cujus herba recens opportunè in usum vocatur.

Quid Colchicum ? COLCHICUM , planta est officinalis , *colchicum autumnale* à Linneo dicta , cujus radix summè activa in officinis prostat ad usum.

Quid Colocynthis ? COLOCYNTHIS , planta est officinalis , *cucumis colocynthis* à Linneo dicta , fructum usui præbens fungosum , pomi magnitudine , semina albicantia et plana occludentem : eligatur alba , levis , amara , et à cortice exteriori mundata.

Quid Colophonia ? COLOPHONIA , residuum est post olei therebinthinæ destillationem superstes : eligatur fragilis , et translucida.

Quid Contrayerba ? CONTRAYERBA , radix est *dorsteniæ contrayerbæ* Linnei , in nova Hispania nascentis , nodosa , fibrosa , extus rufa , intus pallida : eligatur recens , ponderosa , saporis subastringentis aromatici.

Quid Coriandrum ? CORIANDRUM , semen est *coriandri sativi* Linnei , parvum , leve , flavum , cujusdam particularis odoris : eligatur rotundum , plenum , et aromaticum.

Quid Cortex Winteranus ? CORTEX WINTERANUS , *Winteræ aromaticæ* Linn. fil. suppl. p. 269 , in America nascentis , cortex est , crassus , canaliculatus , foris cinereo-rufescens , intus solidus , densus , pallidus , saporis acris aromatici , odoris fragrantissimi : Differt à canella alba off. et Murrei in Linn. syst. vegetab. pag. 443.

Quid Crocus ? CROCI nomine veniunt , stigmata *croci sativi* Linnei : optimus censetur crocus , aureo purpu-

pureus , amariusculus , fragrans , nec nimis pinguis , nec nimis marcidus , et aquam subito , et copiosè tingens.

Quid Cubebæ ?

CUBEÆ , fructus sunt *piperis cubebæ* Linnei , in Insula Java nascentis , rotundi , piperis magnitudine , coloris fuscii , saporis acris , aromatici , subamari : eligantur majores , recentes , ponderosi , et oleosi.

Quid Cuminum ?

CUMINUM , semen est *cumini cymini* Linnei , oblongum , angustum , et odoris summè penetrantis.

Quid Cyclamen ?

CYCLAMEN , radix est *Cyclaminis Europæi* Linnei , carnosa , albida intus , et acerrimi saporis.

Quid Cynosbatos ?

CYNOSBAMOS , fructus sunt *rosæ caninæ* Linnei , foris rubri , intus pallidi et summè villosi , semina plura continententes.

Quid Dactyli ?

DACTYLI , fructus sunt arboris , *phænix dactylifera* à Linneo dictæ , subpyriformes , pulpa pingui , dulci , et ossiculo duro instructi : eligantur magni , et recentes.

Quid Dictamnus Creticus ?

DICTAMNUS CRETICUS , planta est officinalis , *origanum dictamnus* à Linneo dicta , cujus folia tomentosa , recentia , integra , et odorifera , eligenda sunt.

Quid Dulcamara ?

DULCAMARA , planta est officinalis , *solanum dulcamara* à Linneo dicta , quæ primò dulcem , postea amarum saporem præbet : tota planta in usu est.

Quid Euphorbium ?

EUPHORBIVM , gummi-resina est , ex *euphorbia officinali* Linnei , in Africa procedens , in grana concrescens pallescentia , cavernosa , saporis acerrimi , urentis , ac nauseosi : eligatur albicans , et in granis majoribus. Non sine sternutatione molesta contundi potest , nisi naribus obturatis.

Quid Fœniculum ?

FOENICULUM , planta est officinalis , *anethum*

*thum fœniculum* à Linneo dicta , cujus radix, summitates , et semina in usum veniunt.

Quid Folium Indum?

FOLIUM INDUM seu MALABATHRUM , varietatis *lauri Cinnamomi* Linnei , in Ceylan nascentis folium est , oblongum , acuminatum, densum , tribus nervis donatum : eligenda folia , recentia , viridiuscula , et odorifera.

Quid Fumaria?

FUMARIA OFFICINALIS à Linneo dicta , planta est hispanica , annua , cujus herba in usum venit.

Quid Galanga?

GALANGA MINOR , radix est *marantæ galangæ* Linnei , in China nascentis , nodosa , foris rufescens , intus pallida , saporis aromatici fervidi : eligatur ponderosa , non fibrosa, odorifera , minimè cariosa.

Quid Galbanum?

GALBANUM , gummi-resina est *bubonis galbani* Linnei , in Arabia et Syria nascentis , coloris flavescentis , subfusci , saporis amaricantis , acris , odoris gravis : ejus grana eligantur.

Quid Gentiana?

GENTIANA , radix est *gentianæ luteæ* Linnei : eligatur recens , ponderosa , crassa , foris fusca , intus ex flavo-rufescens , saporis intensè amari.

Quid Glycyrrhiza?

GLYCYRRHIZA , planta est officinalis , *glycyrrhiza glabra* à Linneo dicta , cujus radices, et succus , per decoctionem è radicibus extractus , et inspissatus , in usum veniunt : eligendæ radices recentes , non cariosæ , flavescentes , saporis dulcis : succus purus eligatur, et penitus aqua solubilis.

Quid Grossularia?

GROSSULARIA , planta est officinalis , *ribes rubrum* à Linneo dicta , cujus fructus rubri, aciduli , maximè in officinis usitantur.

Quid Guayacum?

GUAYACUM OFFICINALE à Linneo dictum , in America crescens , lignum , corticem , et resinam , præbet officinalem : lignum solidum est,



est , aqua ponderosius , foris buxum , intus nigricans , odoris resinoso-suavis , saporis aromatici , paulò acris : resina arida , ac dura est , coloris viridescens , fuscus , saporis acris , odoris ferè nullius : cortices eligendi tenues , lignosi , cinerei , maculati , saporis amaricantis , aromatici.

Quid Gummi Am-  
moniacum ?

GUMMI AMMONIACUM , ex arbore Ægyptiaca adhuc ignota proveniens , gummi-resina est , in grumos facilè sibi adhærentes , concreta : eligenda in granis , à quisquillis libera , odoris gravis , saporis amari , extus flava , intus candida.

Quid Gummi Ani-  
me ?

GUMMI ANIME , ex arbore Americana , *Hymenæa courbaril* , à Linneo dicta , proveniens , resina est albicantis coloris , intus pallescens , friabilis , saporis therebintinacei , aliquatenus translucens , odoris dum accenditur suavis.

Quid Gummi Ara-  
bicum ?

GUMMI ARABICUM , ex MIMOSA NILOTICA Linnei in Ægipto nascente , proveniens , substantia gummosa est , in granis concreta , albo-flavescens , pellucida , fragilis , et insipida : pura , et albicans eligatur.

Quid Gummi Ele-  
mi ?

GUMMI ELEMI , ex arbore americana , *amyris elemifera* à Linneo dicta , profluens , resina est , semidiaphana , pinguis , ex flavo-albicantis coloris , in viridem vergentis , in massam coacta : eligenda odorifera , pura , et pinguis.

Quid Gummi Gut-  
ta ?

GUMMI GUTTA , succus est gummoso-resinosus , inspissatus , ex *cambogia gutta* Linnei , in Indiis procedens , coloris croceo-flavi , saporis primò insipidi , mox acris : vel in cylindros eformatus , vel in baccillis cerei instar contortis , advehitur.

Quid Gummi He-  
dera ?

GUMMI HEDERÆ , ex arbore , *hedera helix* à Linneo dicta proveniens , substantia est , resi-

nosa , arida , splendens , saporis acris , sub-  
astringentis , coloris , fusco-nigricantis , thu-  
ris odorem , dum inflammatur , spirans.

Quid Hedera Ter-  
restris ?

HEDERA TERRESTRIS , planta est officinalis,  
*glechoma hederacea* à Linneo dicta , cujus her-  
ba in usum venit.

Quid Helleborus  
Niger ?

HELLEBORUS NIGER , radix est *bellebori nigri*  
Linnei , tuberosa , nodosa , ex qua numerosæ  
pendent fibræ , foris nigræ , intus albæ.

Quid Hermodac-  
tyli ?

HERMODACTYLI , radices sunt *iridis tuberosæ*  
Linnei , in Syria , et Smirna nascentis , cordis  
figuram referentes , intus albidæ , saporis sub-  
dulcis , nullius odoris : eligantur ponderosi,  
integri , non cariosi.

Quid Hypecacua-  
na ?

HYPECACUANA , radix est *violæ ipecacuanæ*  
Linnei , in Brasilia nascentis , fusca , annulis  
instructa , tortuosa , exiguo nervo albo inte-  
riori donata : eligatur compacta , aspera , re-  
sinosa , et à fibris mundata. Alia quæ ex Pe-  
ruvio advehitur Hipecacuana , cinericia est.

Quid Hyoscyamus ?

HYOSCYAMUS , planta est officinalis , *hyoscy-  
amus niger* à Linneo dicta , cujus folia , et se-  
mina , in usum veniunt.

Quid Hypericum ?

HYPERICUM , planta est officinalis , *hyper-  
icum perforatum* à Linneo dicta , cujus folia,  
et floridæ summitates in usu sunt.

Quid Jalappa ?

JALAPPA , radix est *convolvuli jalapæ* Lin-  
nei , in America nascentis , oblonga , orbicu-  
latim incisa , dura , saporis acris , et nauseo-  
si : eligatur nigricans , resinosa , ponderosa,  
et inflammabilis.

Quid Iris Floren-  
tina ?

IRIS FLORENTINA , radix est *iridis florenti-  
næ* Linnei , in Italia nascentis : eligantur ra-  
dices albæ , longiores , crassæ , non cariosæ,  
odore violas martias æmulantes.

Quid Juniperus ?

JUNIPERUS COMMUNIS Linnei , planta est of-  
ficinalis , cujus lignum odoriferum , et baccæ,  
in

in usum veniunt : eligendæ sunt istæ maturæ , nigrae , rotundæ , et resinosæ.

Quid Kina-Kina ?

KINA-KINA seu CORTEX PERUVIANUS , eximius cortex est *Cinchonæ officinalis* Linnei , in Peruvio nascentis : eligatur cortex amarus , sine molestia astringens , non nimis crassus , musco cinereo quandoque obductus , intus ruber , ad cinnamomum colore accedens.

Quid Labdanum ?

LABDANUM , seu LADANUM , substantia est resinosa , nigricans , in spiras contorta , saporis amari , ex *cisto cretico* Linnei proveniens : eligatur resinosum , pingue , inflammabile , et odoriferum.

Quid Lacca ?

LACCA , substantia est gummo-resinosa , ex *crotone laccifero* Linnei , in India orientali proveniens , parvis arboris ramulis adhærens , fusca , saporis subastringentis , parum resinosi , odoris dum accenditur , grati.

Quid Laurus ?

LAURUS , planta est officinalis , *laurus nobilis* à Linneo dicta , cujus fructus , et folia in usum veniunt.

Quid Lepidium ?

LEPIDIUM LATIFOLIUM Linnei , planta est antiscorbutica , summè efficax , cujus herba , et folia in usum vocantur.

Quid Lignum Aloes ?

LIGNUM ALOES , seu AGALLOCHUM VERUM , rârò ad nos advehitur ; cujus defectu , *agallocho spurio* , ex Sumatra aliisque Insulis , in frustis lignosis variæ magnitudinis , transportato , utimur : eligatur densum , aquis subsidens , resinosum , nigro-purpureum , amarum , caloris vel fricationis ope summè fragrans.

Quid Linum ?

LINUM USITATISSIMUM Linnei , planta est officinalis , cujus semina in exteriori pellicula mucillagine abundant , et maximè in usu sunt.

Quid Lujula ?

LUJULA , planta est officinalis , *oxalis acetosella* à Linneo dicta , quæ antiscorbutica



ca est, ejusque herba in usum venit.

Quid Macis ? MACIS, non est flos, sed involucrum, putamini duro nucis moschatæ, instar reticuli, circumductum : eligendum recens, integrum, pingue, oleosum, odore suavi, sapore subacri, colore ex aureo-rufescenti præditum.

Quid Manna ? MANNA, substantia est gummoso-mellea, ex *fraxino orno*, in Calabria spontè vel per incisionem profluens, quæ vel in lacrimis est, alba, sicca, levis, saporis dulcis, non injucundi, vel aliquantulum pinguis, quæ in grummis crassioribus affertur : eligenda recens, à sordibus libera ; rejicienda pinguior, mellea, sordida, et adulterata.

Quid Mastiche ? MASTICHE, substantia est resinosa, ex *pistacia lentisco* Linnei procedens : eligatur in granis majoribus, alba, pellucida, friabilis, ductilis, odoris grati.

Quid Mechoacanna ? MECOACANNA, est radix insipida ferè, et inodora, quæ ex Americæ regione, ejusdem nominis advehitur : eligenda alba, ponderosa, non cariosa.

Quid Melilotus ? MELILOTUS, planta est officinalis, *trifolium melilotus* à Linneo dicta, cujus floridæ summitates, et semina in usum veniunt.

Quid Melissa ? MELISSA OFFICINALIS Linnei, planta est frequentè usitata, et odorifera, cujus folia maximè in usu sunt.

Quid Mentha ? MENTHA SATIVA Linnei, planta est officinalis, odorifera, cujus summitates, folia, et herba in usum veniunt.

Quid Meum ? MEUM, radix est plantæ officinalis, à Linneo *Æthusa meum* dictæ, in Galliæ et Hispaniæ montibus crescentis, oblonga, digito crassa, foris fusca, intus albida, aromatica : recens eligatur.

Quid Myrabolani ? MYRABOLANI, fructus sunt, qui ex India orien-

orientali adferuntur , et eorum quinque in officinis adnumerantur species : *Bellirici* nempe , qui oblongi sunt , nonnumquam angulosi , ossiculum durum sub putamine carnosio , et rubente occludentes : *Chæbuli* omnium maximi , rugosi , in quinque costas elevati , ossiculum continentes oblongum , cavernosum : *Citrini* , chæbulis minores , sub-rotundi , pentagoni , rugosi , coloris citrini : *Emblīci* , rotundi , nigri , sexangulares , saporis acerrimi , cum ossiculo hexagono : *Indici* tandem , longi , rugosi , angulares , extus nigri , saporis acerbi , et astringentis. Eligantur *mirabolanti omnes* , carnosiores , crassiores , et ponderosiores.

Quid Myrrha ?

MYRRHA , substantia est gummo-resinosa , ex arbore ignota , in Arabia nascente , proveniens , arida , fusca , amara , aromatica , fragrans , friabilis , et levis : eligatur pura.

Quid Myrthus ?

MYRTHUS , planta est officinalis , *myrthus communis* à Linneo dicta , cujus folia , et baccae in usum veniunt.

Quid Nardus Celtica ?

NARDUS CELTICA , planta est officinalis , *valeriana celtica* à Linn. dicta , in alpibus Helvetiae et Pyrineis nascens , cujus radices cum foliis , *spicae celticae* dictae , in usum vocantur : eligantur recentes , odoris aromatici , suavis , radiculis numerosis cohaerentes , plenae , non fragiles.

Quid Nardus Indica ?

NARDUS INDICA , planta est officinalis , *andropogon nardus* à Linneo dicta , in India Orientali nascens , cujus radices , digiti crassitiei et longitudinis , cum nervosis filamentis , spicae figuram referentes , coloris rufescentis , saporis aromatici , *spicae nardi dictae* , in usu sunt : eligendae recentes , coma longa donatae , cyperum redolentes.

Quid Nux Mos-  
chata?

NUX MOSCHATA , fructus est *myristicæ moschatae* Linnei , in insula Banda Indiæ Orientalis nascentis , foris rugosus , cinereus , intus variegatus , odoris grati : eligenda venit rotunda , recens , pinguis , ponderosa , acus calentis puncta oleum emittens.

Quid Nymphæa ?

NYMPHÆA , planta est officinalis , *nymphæa alba* à Linneo dicta , cujus radices , et flores in usum veniunt.

Quid Olibanum ?

OLIBANUM , sive THUS MASCULUM , substantia est resinosa , ex arbore , *juniperus thurifera* à Linneo dicta , proveniens , duriuscula , semidiaphana odorem in igne fragrantem exhalans : eligatur albescens , friabile , purum , et in guttas concretum.

Quid Omphacium?

OMPHACIUM , succus est expressus , ex uvis immaturis *vitis viniferae* proveniens.

Quid Opium ?

OPIUM , succus est inspissatus , ex capsulis *papaveris somniferi* Linnei proveniens , nigricans , gummeo-resinosus , ponderosus , inflammabilis , saporis amari : eligatur lucidum , purum , odoris saporiferi , nauseabundi , digitorum contractione mollescens , è regione Thebaica advectum.

Quid Pæonia ?

PÆONIA , planta est officinalis , *pæonia officinalis* à Linneo dicta , cujus radix , flores , et semina , in usum veniunt.

Quid Papaver Album?

PAPAVER ALBUM , planta est officinalis , *papaver somniferum* à Linneo dicta , cujus capsulae , seu capita in officinis prostant.

Quid Petroselinum  
Macedonicum ?

PETROSELINUM MACEDONICUM , planta est officinalis , *bubon macedonicum* à Linneo dicta , cujus semina in usu sunt : eligantur recentia , nitida , odoris , et saporis grati , aromatici.

Quid Piper ?

PIPER , in officinis triplex habetur , *nigrum* nempe *album* , et *longum* : *Nigrum* fructus est *piperis nigri* Linnei , in Malabaria , et Java nas-



nascentis , rugosus , pisi magnitudine : elegantur majores , non inquinati , aromatici , saporis fervidi : *Album* , est piper prius descriptum , sed maceratum , et cortice mundatum : *Longum* , fructus est oblongus , teres , griseus , saporis fervidi , amaricantis , odoris aromatici , ex *pipere longo* Linnei in Bengala proveniens.

Quid Pix nigra ? PIX NIGRA , substantia est resinosa , in massam coacta , nigra , pellucida , friabilis , per combustionem *pini silvestris* Linnei producta.

Quid Polygala ? POLYGALA , planta est officinalis , *polygala vulgaris* à Linneo dicta , cujus herba in usum venit.

Quid Polypodium ? POLYPODIUM , radix est *polypodii vulgaris* Linnei , nodosa , dulcis saporis , rufescens : eligatur recens , et ex albo flavescens.

Quid Populus ? POPULUS , planta est officinalis , *populus nigra* à Linneo dicta , cujus gemmæ in usum veniunt.

Quid Potassa ? POTASSA SEU ALKALI VEGETABILE FIXUM , substantia est concreta , alba , in aëre liquescens , saporis caustici , urinosi , salia neutra cum acidis efformans , violarum infusionem viridi colore tingens , per incinerationem plantarum , cinerum solutionem in aqua , filtrationem , et evaporationem producta.

Quid Pyrethrum ? PYRETHRUM , radix est *anthemis pyrethri* Linnei : elegantur radices instar piperis acres , teretes , majores , et recentes.

Quid Resina Pini ? RESINA PINI , substantia est resinosa , concreta , ex albo rufescens , summè inflammabilis , ex *pino sylvestri* deprompta , unde fluida manat , ibique exsiccatur.

Quid Rhabarbarum ? RHABBARBARUM , radix est *rhei palmati* Linnei , in China et Siberia nascentis , quæ in

frustula dissecta nobis affertur, flava, amara, substringens, odorifera, nucis moschatæ venas confrica imitans: eligatur compacta, non cariosa, quæ mansa, salivam luteo colore subito tingat.

Quid Rhamnus  
catharticus?

RHAMNUS CATHARTICUS Linnei, planta est officinalis, cujus baccæ in usum veniunt.

Quid Rosa?

ROSA ALEXANDRINA seu *rosa centifolia* Linnei, et ROSA RUBRA, seu *rosa gallica* Linnei, plantæ sunt officinales, cujus flores in usum veniunt.

Quid Ruta?

RUTA, planta est officinalis, *ruta graveolens* à Linneo dicta, cujus herba, semina, et floridæ summitates in usu sunt.

Quid Sabadilla?

SABADILLA, semen est *veratri sabadillæ* Retz. observ., parvum, nigricans summè acre, et ad sternutationem facile provocans.

Quid Sabina?

SABINA, planta est officinalis, *juniperus sabina* à Linneo dicta, cujus herba, et baccæ in usum veniunt.

Quid Saccharum?

SACCHARUM, est succus dulcis, concretus, ex *saccharo officinali* Linnei in India proveniens, et repetitis solutionibus, et purificationibus, in salis formam redactus: eligatur purum, album, et siccum.

Quid Sagapenum?

SAGAPENUM, gummi-resina est, seu lacrima ex planta ignota, fortè umbellata, in Persia proveniens: eligatur aliquantulum diaphana, in granis, acris, foris flava, vel rufa, intus dilutioris coloris, odore, ad porum accedens.

Quid Salvia?

SALVIA, planta est officinalis, *salvia officinalis* à Linneo dicta, cujus summitates, et folia, in usum veniunt.

Quid Sanguis Dra-  
conis?

SANGUIS DRACONIS, succus est resinosus, concretus, friabilis, ex arbore in India nascente, *dracæna draco* à Linneo dicta, proveniens: eligendus clarus, pellucidus, et elegantè ruber.

SAN-

Quid Santalum?

SANTALUM , duplex in officinis habetur, *rubrum* , et *citrinum* : *Primum* , lignum est rubrum , ponderosum , fibrosum , densum , saporis astringentis , ex *pterocarpo sandalino* Linnei , in India nascente , proveniens : *Citrinum* verò est lignum durum , ponderosum , pallidum , saporis subamari , odoris aromatici fragrantis , partem interiorem ligni *santalii albi* Linnei , in Asia nascentis , constituens : *Santalum album* , est pars exterior ejusdem ligni , citrino minus fragrans , et levius.

Quid Sapo?

SAPO ALBUS OFFICINALIS , substantia est concreta , alba , unctuosa , in aqua solubilis , ex oleo olivarum , et soda caustica coalescens.

Quid Sarsaparilla?

SARSAPARRILLA , radix est oblonga , calami scriptorii crassitiei , facilè fissilis , coloris foris obscuri , intus albicantis , ex *smilace sarsaparrilla* Linnei , in America proveniens : eligatur albida intus , non cariosa , nec pulverulenta.

Quid Sassafras?

SASSAFRAS , radix est ex rubro-albicans , levis , et rara , saporis debilitè aromati , cortice fungoso cincta , ex *lauro sassafras* Linnei , in America nascentis deprompta : eligatur recens , admodum odorifera , saporis suavis.

Quid Scammonium?

SCAMMONIUM , resina est nigrescens , friabilis , odoris ingrati , è radice plantæ , *convolvulus scammonia* à Linneo vocatæ , educta , et concreta : eligatur Alepense , leve , nitidum , splendidum , madefactum lactescens , et linguam non vehementer vellicans.

Quid Scordium?

SCORDIUM , planta est officinalis , *teucrium scordium* à Linneo dicta , cujus folia , et summitates , in usum veniunt.

Quid Scylla?

SCYLLA , radix est bulbosa *scyllæ maritimæ* Linnei , summa acrimonia oculos pungens.



Quid Semen Alexandrinum ?

SEMEN ALEXANDRINUM , semen est ex *artemisia contra* Linnei , in Arabia proveniens ; elegantur semina oblonga , pura , ex viridi flavescencia , saporis acris , amari.

Quid Senna ?

SENNA , planta est officinalis , in Alexandria nascens , *cassia senna* à Linneo dicta , cujus folia flavo-viridescencia , amaricantia , nauseosa , in usum veniunt : elegantur acuta , recentia , integra. Hispanica senna , hujusce plantæ varietas est , cujus folia , quæ majora sunt , felici cum successu præscribuntur.

Quid Serpentaria Virginiana ?

SERPENTARIA VIRGINIANA , radix est *aristolochiæ serpentariæ* Linnei , in Virginia crescentis , foris ferruginea , intus albida , odore camphoram æmulans , saporis acriusculi , et amaricantis , ex tenui capite plures longas fibrillas emittens : recens , et odorifera eligatur.

Quid Sinapi ?

SINAPI , semen est *sinapis nigræ* Linnei , parvum , rotundum , saporis admodum acris , linguam , et nares irritans.

Quid Soda ?

SODA , seu ALKALI MINERALE , substantia est salina , concreta , saporis caustici , urinosi , salia neutra cum acidis efformans , violarum infusionem viridi colore tingens , quæ acido carbonico saturata , in efflorescentiam desinit ; ex maritimis plantis , *salsola sativa* Linnei , et aliis , per incinerationem , solutionem , et evaporationem educta , coloris griseo-nigricantis ; pura autem alba est.

Quid Styrax calamita ?

STYRAX CALAMITA , resina est pinguis , rufescens , multis granulis albicantibus mixta , odoris suavis , ex *styrace officinali* Linnei , in Oriente procedens : rejicitur nigra , et furea.

Quid Styrax liquida ?

STYRAX LIQUIDA , resina est , quæ unguenti spissioris consistentiam habet , grisea , fæculenta ,

ta , sordida , styracis calamitæ odorem spirans , ex *liquidambare styraciflua* Linnei in America Septentrionali proveniens.

Quid Symphytum? SYMPHYTUM , radix est fibrosa , aliquot pollices crassa , foris nigra , intus albida , insipida , inodora , ex *symphyto officinali* Linnei deprompta.

Quid Tacamahaca? TACAMAHACA , resina est arida , flavescens , vel rufa , in glebas compacta , saporis resinosi , aromatici , odoris suavis , ex *fagara octandra* Linnei , in nova Hispania proveniens: eligenda pura , et fragrans.

Quid Tamarindi? TAMARINDI , sunt fructus acidi , nigro-rufescentes , in massam coacti , semina dura , angulosa continentes , ex arbore *Tamarindus indica* , à Linneo dicta , procedentes , in Ægypto , et hodie in America frequenter culta.

Quid Tartarus? TARTARUS , est sal essentialis , concretus , in succo uvarum contentus , ex vino albo griseus , ex rubro ruber , per fermentationem in doliis secedens , odore levi , sapore acido imbutus , ex potassa et acido tartaroso coalescens , acido multum excedente. Tartarus ab exteris corporibus purgatus solutionis ope , et terræ absorbentis auxilio , albus , et cristalinus redditur , et *crystalli* seu *cremoris tartari* nomen audit.

Quid Terebinthina Chia? TEREBINTHINA CHIA , substantia est fluida , resinosa , pellucida , ex flavo-cærulescens , amaricans , suaviter olens , ex arbore , *pistacia terebinthus* à Linneo dicta , in Chio et Cipro Insulis procedens : Communis terebinthina ex *pinu silvestri* profluit.

Quid Tormentilla? TORMENTILLA , radix est nodosa , undique fibrillas emittens , foris ferruginea , intus pallido-rubra , inodora , astringens , ex *tormentilla erecta* Linnei proveniens.

- Quid Tragacantha ?     TRAGACANTHA , est lacrima gummosa , lucida , tenax , levis , mucillaginosa , ex *astragalos tragacantha* Linnei , per incisionem in Oriente profluens : eligenda alba , pura , vermicularis , subdulcis.
- Quid Turpethum ?     TURPETHUM , radix est *convolvuli turpethi* Linnei , in India nascentis : elegantur cortices , resinosi , albicantes , non cariosi.
- Quid Tussilago ?     TUSSILAGO , planta est officinalis , *tussilago farfara* à Linneo dicta , cujus folia , et flores in usum veniunt.
- Quid Valeriana ?     VALERIANA , radix est , foris fusca , intus albida , odorem fortem , nardi similem , spirans , saporem exhibens salsum , innumeras fibras filiformes emittens , ex *valeriana officinali* Linnei deprompta.
- Quid Viola ?     VIOLA , planta est officinalis , *viola odorata* à Linneo dicta , cujus folia , et flores in usu sunt.
- Quid Viscum ?     VISCUM , gluten est , seu massa spissa , unguenti consistentiæ , ex flavo-viridescens , tenacissima , difficulter inflammabilis , in alcoholis et oleis solubilis , nequaquam in aqua , ex *foliis ilicis aquifolii* Linnei depromptum.
- Quid Zedoaria ?     ZEDOARIA , radix est *Kæmferiæ rotundæ* Linnei , in India orientali nascentis , tuberosa , nodosa , fragrans , cinerea , sapore acri , amaricanti , ad camphoram accedente : eligatur ponderosa , non cariosa.
- Quid Zingiber ?     ZINGIBER , radix est *amomi zingiberis* Linnei , in America nascentis , ramosa , nodosa , compressa , pallida , aromatica , saporis fervidi : eligatur ponderosa , minus fibrosa , intus albida , non cariosa.



SECTIO II.<sup>a</sup>*De Simplicibus ab animali regno.*

Quid Ambra gri-

**A**MBRA GRISEA, substantia est concreta in frustula variæ magnitudinis, consistentiæ molli, et tenacis instar ceræ, grisei coloris, maculis flavis vel nigricantibus intercepta, frictionis, vel calefactionis ope, fortissimum ac suavem spirans odorem, in stomacho cujusdam ceti *physeter macrocephalus* à Linneo dicti, eformata: in sinu Madagascariensis, et Indiæ orientalis maris, aquis supernatans, colligitur.

Quid Asellus ?

ASELLUS, *oniscus asellius* Linnei, insectum est, ovale, quatuordecim pedes habens, in umbrosis ac humidis locis habitans: nigri, majores, corpus in globulum contrahentes, reliquis præferendi.

Quid Axungia ?

AXUNGIA, substantia est oleosa, et unctuosa, albi vel flavescentis coloris, odoris saporisque ferè nullius, fluidæ vel spissæ consistentiæ, prout ex animalibus diversæ naturæ ac ætatis depromitur, et prout eorundem diversas occupat partes; *sebum* dicta, quando dura est; animalium renes, musculos, et viscera tegens.

Quid Bezoard  
ntale ?

BEZOARD ORIENTALE, calculus est, depromptus ex *Cupra bezoartica* Linnei, in Persia degente, subrotundus, solidus, non bibulus: eligatur lamellatim concretus, et qui chartæ creta oblitæ affrictus, lineam ducat ex luteo viridem. (1)

BU-

(1) Substantiam hanc, et hujusmodi plurimas revera à materia medica eliminarem, earum namque adeo decantatæ vires,

Quid Butyrum ?

BUTYRUM , est lactis pinguedinis strenuè agitatae coagulum , consistentiam habens spissioris unguenti , colorem flavicantem , odorem proprium , saporem mitem : recens eligatur.

Quid Cantharides ?

CANTHARIDES , insecta sunt oblonga , trium granorum circiter pondere , ex aureo-virescentia , nauseosa : eligantur integra , recentia , non pulverulenta.

Quid Castoreum ?

CASTOREUM , substantia est fusca , foetida , amara , ingrata , in duobus folliculis , membrana coriacea obductis contenta , hærentibus circa præputium *Castoris fibri* Linnei : optimum è Russia affertur , ponderosum , carnosum , acre , odore gravi.

Quid Cera ?

CERA , substantia est flava , odoris mellei , pinguis , oleosa , flexilis , è favis apium , calore liquescens , et expressa : solis et aëris actione diutiùs continuata , fit alba , per oxygenii absorptionem ; citiùs autem per acidi muriatici oxigenati contactum.

CO-

res , tamquam vanæ et commentariæ optimo jure deprehenduntur ; ideoque tanquam inutiles et superfluas recentiorum medicina merito contemnere jubet ; ex quo quidem materia medica faciliùs et contractior evaderet , ac tyronum memoria non inutilitèr gravaretur. Profectò aptius utiliusque foret , in harum substantiarum applicatione artibus vel usui æconomico perquirenda , tempus et oleum impendere ; uti in bezoardico peruviano lapide ( ut reliqua silentio premam ) nobis exemplum præbet sapientissimus et eruditissimus D. *Ludovicus Proust* in suarum observationum collectione , qui prædictum lapidem chemicis tentaminibus subjiciens , eo scientifico modo , eaque infatigabili applicatione quæ suæ magnæ eruditioni respondet , copiosè *phosphatè calcaream* in bezoardico calculo reperiri demonstravit. Non possum revera istius magni viri , in Segovia Chemiæ Professoris , observationes et experimenta chimica pervolvere , quin admiratione me aficiant maxime ejusdem solertia ac rapidi ejusdem in chimica progressus ; quo quidem sapientissimo professore , nec exterarum nationum professoribus æmulari debemus. Utinam sapientis *Proust* efulgens chimica doctrina , per totam Hispaniam effunderetur ; ex quo Monarchiæ ingens utilitas resultaret , ac chemicam cum successu percolendi singulis omnibus aptitudo prodiret , qui huic scientiæ animi ardore operam damus.

Quid Coccinellia? COCCINELLÆ , insecta sunt fœminea , duas lineas circiter longa , utrinquè rugosa , coloris intus punicei , foris ex atro-rubri , variis *opuntia* speciebus , in Megicano Regno hærentia : eligantur ponderosæ , foris albicantes , tritæ verò purpureæ.

Quid Corallina? CORALLINA , substantia est filamentosa , calcarea , odoris marini nauseosi , saporis salini , sub stirpis forma adhærens rupibus , et conchis , in Mari Mediterraneo : eligatur pura , integra , albicans , et grisea.

Quid Corallium  
rum? CORALLIUM RUBRUM , substantia extat rubra , lapidea , creberrimè ramosa , odoris saporisque vacua , è Maris Mediterranei sinu exempta , innumera ex poliporum genere animalcula occludens ; ejusque substantia inter calcareas terras jure annumeratur.

Quid Cornua Cer-  
rum? CORNUA CERVI , bina in quolibet cervo , ossi frontali adhærentia et juncta , quorum amplitudo , progrediendo crescit , solida sunt , ramosa , nigricantia , teretia , tuberculis obsessa.

Quid Ebur? EBUR OFFICINARUM , dicuntur Elephantis dentes laniarii superiores , albissimi , variæ magnitudinis , quinque pedes et ultra longi , summè compacti , qui ex Africa et Asia Meridionali advehuntur.

Quid Gallæ? GALLÆ , sunt excrescentiæ à punctura Cynipis *Quercus* ortæ : eligantur nigræ , nodosæ , aculeatæ , ponderosiores , minores , quæ ex Alepo , et Smyrna asportantur.

Quid Kermes ? KERMES GRANA , insecta sunt fœminea , rotunda , pisorum magnitudine , ex rubro-fusca , splendentia , *quercui cocciferæ* Linnei in Europa Meridionali adhærentia , ova ex quibus animalia prodierunt , occludentia : eligenda integra , et recentia.



Quid Lac ?

LAC ANIMANTIUM , liquor est ex eorum mam-  
mis emulsus , vix odoratus , dulcis , spissius-  
culus , albus , spontè in cremorem , serum ,  
et caseum secedens.

Quid Lumbricus ?

LUMERICUS TERRESTRIS , ita quoque à Lin-  
neo dictus , vermis est calami scriptorii cras-  
sitiei , digito et ampliùs longum , molle , car-  
neum , coloris rubro-pallidi , odoris nullius.

Quid Margaritæ ?

MARGARITÆ SEU PERLÆ ORIENTALES , SUNT  
calculi seu lapilli rotundi , angulosi , albi ,  
pellucidi , ex squamis sibi invicem incumben-  
tibus efformati , naturæ calcareæ , in conchis  
margaritiferae reperti.

Quid Mater per-  
larum ?

MATER PERLARUM , nominatur concha seu  
testa valida , ponderosa , foris rugosa , aspe-  
ra , non striata , intus levis , argentei colo-  
ris , ex Oceano utriusque Indiæ asportata : uti  
cæteræ testæ , calcarea est.

Quid Mel ?

MEL , substantia est liquida , crassiuscula ,  
ex albo-flavescens , è favis apum collecta , va-  
ria in variis regionibus : *album* seu *virgineum* ,  
sine igne et à favis recentibus ; *flavum* , ig-  
nis ope , et è vetustioribus favis elicitur : op-  
timum censetur purum , spissum , Narbonen-  
se ; eligatur aromaticum , fragrans , gustui  
gratum.

Quid Moschus ?

MOSCHUS , substantia est pulveris speciem  
referens , granulata , inflammabilis , ferruginei  
coloris , saporis amari , odoris proprii fra-  
grantissimi ; à folliculo prope umbilicum *Mos-  
chi Moschiferi* Linnei , in Asia excerpta ; ve-  
siculis inclusa ad nos pervehitur : eligatur sic-  
cum , è ferrugineo nigricans , impuratum  
expers.

Quid Mumia ?

MUMIÆ nomine prostant hodie in officinis ,  
partes humanæ bitumine conditæ , et exsiccæ-  
tæ , nigrae , bitumen redolentes : eligatur , odo-  
ris

ris non ingrati , amara , bituminosa , et splendida.

Quid Oculi can-  
crum ?

OCULI CANCRORUM , lapilli dicuntur naturæ calcareæ , duri , albi , convexo-concavi , ex lamellis sibi arcuè incumben-  
tibus compositi , hærentes inter utramque ventriculi tunicam *cranci astaci* Linnei , in Europæ fluviiis viventis.

Quid Os Sepiæ ?

SEPIÆ OFFICINALIS OS , testa est à squamis coalitis orta , oblonga , utrinque angustata , albissima , dura , salsa , cujus faciei convexæ inhæret substantia pulverulenta friabilis , insipida , quæ in usu est : in Oceano et Mediterraneo Mari invenitur.

Quid Sperma Ceti ?

SPERMA CETI , substantia est alba , pinguis , lamellatim congesta , odoris saporisque proprii , è cerebro *ceti* educta : eligatur recens , non rancida , et albissima.

Quid Vipera ?

VIPERA , seu *coluber berus* Linnei , serpens est , pollicem circiter crassa , et sesquipedem longa , squamis instructa griseo-nigris , caude terete , conica , acutè terminata , in calidioribus regionibus frequens , et morsu venenoso lædens : sana et crassa seligatur.

Quid Ungula Alcis ?

UNGULÆ ALCIS , *cervi alcis* Linnei in Borealibus Europæ , Asiæ , et Americæ regionibus occurrentis , ungulæ sunt , magnæ , coloris grisei ad nigrum vergentis , quæ cultro rasæ nullum fœtorem spargunt.

SECTIO III.<sup>a</sup>*De Simplicibus à minerali regno.*

Quid Alumen ?

**A**LUMEN, est sal neutrum minerale, in Italia fræquens, in crystallos octaedras coadunatum, gustus stiptici, stringentis, igne intumescens, ex acido sulphurico, et alumina, compositum.

Quid Antimonium ?

**ANTIMONIUM**, substantia est mineralis, quæ in Ungaria reperitur, friabilis, coloris griseo-nigricantis, strias, seu acus longas splendentes habens, sub variis directionibus, ex sulphure, et metallica quadam substantia, composita: Substantia hæc metallica, sulphure mineralisata, albescens, fragilis, laminatim contexta, propriè *antimonium* dicitur; quod autem in officinis *antimonium* vocatur, *sulphuretum antimonii* propriè appellari debet.

Quid Argentum ?

**ARGENTUM**, substantia est metallica, alba, ductillissima, sonora, pellucida, quæ aëris et calorigi ope non oxidatur, sulphuris vapore nigricans evadit, ac electrica commotione viridem flammam ostendit: in America, et Norbegia coposius reperitur.

Quid Aqua ?

**AQUA**, tanquam elementum impropiè considerata, substantia est plerumquè fluida, insipida, inodora, diaphana, in glaciem calorigi extractione, et in fluidum vaporosum summè elasticum, calorigi additione convertenda; ex sex oxigenii partibus, et hydrogenii una circitèr coalescens.

Quid Arsenicum  
Album ?

**ARSENICUM ALBUM**, est oxidum arsenici, seu substantia ex metallo quodam, laminis griseo-ceruleis contexto, et fragili, quod *arsenicum* dicitur, cum oxigenio combinata coales-



lescens ; volatile est , in aqua calida solubile , vapores allium redolentes in igne exhalans , summè acre ac venenosum , et per majorem oxygenii absorptionem , *acidum arsenicum* efformans : Ex arsenici albi cum sulphure combinatione , *arsenicum flavum* , et *rubrum* prodiit.

Quid Aurum ?

AURUM , substantia est metallica , omnium metallorum nobilior , lutea , ponderosissima , ductilissima , sonora , violacei coloris oxidum electrica commotione præbens , aëris , et aquæ actione nequaquam alterabilis , in acido nitromuriatico , et in sulphureto potassæ , omnimodè solubilis.

Quid Bismuthum ?

BISMUTHUM , substantia est metallica , splendens , magnis laminis albo-pallescentis coloris contexta , fragilis , admodum fusilis , quæ ignis vi in fumos elevatur , ac copiosè cum oxygenio combinationem subit.

Quid Bitumen Judaicum ?

BITUMEN JUDAICUM , seu ASPHALTUM , substantia est solida , fragilis , ponderosa , nigricans , et splendens , quæ in igne liquescit , intumescit , flammam , ac fumum acrem et injucundum exhalat.

Quid Bolus Armena ?

BOLUS ARMENA , est argilla subtilis , pinguis , lubrica , impalpabilis , quæ olim ex Oriente advehebatur , hodie ex Italiæ et Galliæ Provinciis affertur : laudatur pallido-rubra , non arenosa.

Quid Borax ?

BORAX , est sal neutrum , sapore obtusum , igne intumescens , vitrescens , à Batavis collectum , et depuratum , ex acido boracico , et soda compositum ; quæ tamen in borace nativo aliquatenus est excedens.

Quid Calx ?

CALX , substantia est terrea , alba , fixissima , caustica , saporis acris et urinosi , syrupum violarum viridi colore tingens , in aquam immersa hanc calefacit , partim in vapores  
re-

resolvit, et in illa portio calcis aliqua solvitur: Aëris contactu, acidum carbonicum et aquam denuò recuperat.

Quid Cerusa?

CERUSA, est oxidum plumbi album, seu substantia ex plumbo, et oxigenio constans, ab actione vaporum acidi acetosi plumbum laminatum penetrantium, emergens: alba et ponderosa eligatur.

Quid Cinnabaris?

CINNABARIS, substantia est mineralis, rubra, ponderosa, longitudinalitèr striata, ac splendens, ex sulphure et mercurio combinatis, constans.

Quid Cobaltum?

COBALTUM, substantia est metallica albo-roseo colore micans, durissima, fragilis, fusioni admodum resistens, summè fixa, amalgamationem respuens, et in oxidum cinereum per ignem convertenda, *zâfra* dictum, quod cum silica, et potassa fusum, in vitrum elegantèr cæruleum redigitur; ex cujus pulverisatione prodiit *smaltum*.

Quid Creta?

CRETA, substantia est terrea, alba, et friabilis, digitos maculans, in massas variæ magnitudinis concreta, ex calce et acido carbonico composita, cujus expulsionem cum acidis effervescit.

Quid Cuprum?

CUPRUM, substantia est metallica, venenosa, flavo colore fulgens, ductilis, elastica, sonora, edura, stiptici, et nauseabundi saporis, igne violento excandescens, antequàm liquetur, quæ aëris humidi contactu oxidum efformat viride: Acidi acetosi contactu valdè oxygenatur cuprum, et *viride æris officinarum* prodiit.

Quid Ferrum?

FERRUM, substantia est metallica, durissima, summè elastica, difficillimæ fusionis, aquæ oxigenium auferens, nigricantis coloris, dum impolita est, albidum et splendentis, quando

ex-

expolita manet, quæ à magnete attrahitur: Ferrum ignis vi expositum, cum inflammabilibus substantiis permixtum, oxigenio exactissime spoliatur, carbonii paululum absumit, minus fusioni resistit, et *chalibis* nuncupatur.

Quid Granatus?

GRANATUS, est lapis pellucens, crystallum polyedram referens, colore profundius rubro tinctus, limæ cedens, cultro resistens, igne in vitrum fundendus.

Quid Hydrargyrus?

HYDRARGYRUS, seu MERCURIUS, substantia est metallica, valdè ponderosa, argenteo splendore nitens, igne facilè evolans, plerumquè fluida, quæ tamen frigoris vi solida et maleabilis redditur, aëris aut aquæ actione difficultè alteratur, tactu friget, odore, atque sapore caret.

Quid Hyacinthus  
orientalis?

HYACINTHUS ORIENTALIS, est gemma limæ pariter ac igni resistens, colore rubro, submixta flavedine, distincta, quæ in eisdem fodinis cum crystallo montana reperitur.

Quid Lapis Hæ-  
matites?

LAPIS HÆMATITES, substantia est ferruginea, ponderosa, glebosa, obscurè rubra, sapore ferreo, et astringente prædita, in qua striæ oblongæ ad centrum tendentes, dum frangitur, cernuntur: Ex Germania affertur, et inter ferri mineras adnumeratur.

Quid Lapis Lazuli?

LAPIS LAZULI, est lapis durus, compactus, cæruleus, collisione scintillans, punctulis, ac venis veluti aureis sæpè ornatus.

Quid Lytargyrus?

LYTARGYRUS, seu LYTARGYRUM, est plumbum oxidatum, seu cum oxigenio combinatum, et ignis actione semivitrificatum, quod in argenti purgatione, plumbi ope facta, obtinetur: Ex violentissima ignis actione prodiit Lytargyrum coloris pallidioris, *argenteum* dictum; ex minus violenta ignis actione Lytargyrum *aureum* resultat, præcedenti rubicundius: hæc autem distinctio absona est.

MAG-



Quid Magnes ?

MAGNES , est lapis grysei plus minus lutescentis coloris , qui ferrum dum funditur dimittit , integer illud attrahit , et ad polos mundi vim suam dirigit : Passim in ferri fodinis reperitur.

Quid Magnesium ?

MAGNESIUM , substantia est metallica , granis contexta , magis quam ferrum fusioni resistens , fragilis , coloris griseo-albicantis ; quæ aëris contactu avidissimè et copiosè oxidatur , et in pulverem nigrum convertitur , à quo , sola ignis actione , oxigenium gaz abundè separatur.

Quid Minium ?

MINIUM , est oxidum plumbi , rubicundi coloris , ex plumbo , et oxigenio constans , per duiturnam vehementis ignis actionem in plumbum , aëris contactu , productum.

Quid Molybdena ?

MOLYBDENA , substantia est metallica , nigricantis coloris , granis splendentibus , coadunatis contexta , summè fragilis , et parum fusilis , quæ aëris contactu , et caloris actione oxidum efformat album , volatile , prismaticum , in acidum convertendum.

Quid Niccolum ?

NICCOLUM , substantia est metallica , granulis contexta , parum fragilis , difficillimæ fusionis , dura , coloris grysei , quæ ignis actione in aëre libero oxidum viride efformat.

Quid Nitrum ?

NITRUM , est sal neutrum , fusile , acris primò , postea frigdi sensu linguam afficiens , crystallos efformans prismaticas , hexagonas , basi acutas ; cum inflammabilibus substantiis permixtum , ignis contactu , detonationem producens , ex acido nitrico et potassa coalescens.

Quid Oleum Petroleum ?

OLEUM PETROLEUM , substantia est oleosa , è marmore vel schisto exsudans , subtilis , penetrans , flammam , igni admota , facillimè concipiens , odoris bituminosi , coloris nunc rubri,  
aut

aut nigricantis , nunc flavescents , quæ pluris fit.

Quid Platina?

PLATINA , substantia est metallica , griseo-albo colore prædita , parùm splendens , quæ reliquis metallis ponderosior est , magis fusioni resistens , magis oxygenii combinationem respuens , minùs aëris et ignis actione alterabilis.

Quid Plumbum?

PLUMBUM , substantia est metallica , colore cærulescente prædita , ponderosa , reliquis metallis mollior , minùs sonora , et minùs elastica , quæ ignis actione facilè funditur , et oxidum rubrum præstat , in vitrum pallidum facilè convertendum.

Quid Pumex?

PUMEX , lapis est porosus , spongiosus , levis , fibris constans setosis , particulis nigris , temporis lapsu cinereis , è montibus ignivomis exturbata.

Quid Saccharum saturni?

SACCHARUM SATURNI , substantia est salina , mediæ naturæ , sive neutra , albescens , dulcescentis saporis , ex plumbo et acido acetoso coalescens.

Quid Sal Ammoniacum?

SAL AMMONIACUM , substantia est salina , mediæ naturæ , saporem habens salinum , quæ in Ægipto , sublimationis ope paratur ex fuligine , quam excrementa brutorum suppeditant : hodie quoque , in Germania , Gallia , et Anglia conficitur ; ex acido muriatico et ammoniaco constans : nobis adducitur sub forma panum candidorum , figuræ rotundæ , convexo-concavæ , vertice crasso et eminente instructorum.

Quid Sal Catharticum?

SAL CATHARTICUM , *Sal Epsom* dictum in Anglia , et *Sal Sedlitz* in Bohemia , à nobis cognitum quoque sub *Salis Matrity* nomine , substantia est salina , neutra , saporis salsi , amaricantis , in crystallos prismaticas quadriangu-

lares coadunata, quæ in aëre crystallisationis aquam non amittit, ex acido sulphurico et magnesia constans.

Quid Sal Marinum? SAL MARINUM, substantia est salina mediæ naturæ, saporis salsi acuti, igne crepitans, in crystallos cubicas coadunata, in aqua maris, aliisque subterraneis aquis universalitèr expansa, quæ in terræ visceribus pura et crystallisata copiosè aliquandò reperitur, et *sal gemmæ* seu *fossile* dicitur; ex acido muriatico, et soda coalescens.

Quid Saphyrus? SAPHYRUS, est gemma cærulea, pellucida, limam respuens, igne colorem amittens, quæ in Indiis reperitur.

Quid Smaragdus? SMARAGDUS, est gemma pellucida, viridis, calefactione phosphorea, colorem in igne retinens, ad boracem figura crystallorum proximè accedens, quæ in India Orientali invenitur.

Quid Stannum? STANNUM, substantia est metallica, albo colore fulgens, admodum fusilis, mollis, levissima, flexione stridens, quæ citò ignis actione in aëre oxidum albescens præbet.

Quid Sulphur? SULPHUR, substantia est solida, sicca, flavâ, fragilis, mediocri calore fusilis, inflammabilis flamma cærulea, fumum odore acido, acuto, pulmonibus infestum exhâlans, in oleo solubilis, frictionis ope electricam vim ostendens. Eadem experimenta, quibus Sthallius demonstrare conabatur, ex phlogisto, et acido vitriolico sulphur constare, evidentissimè evincunt, sulphur tamquam corpus simplex adhuc considerandum esse, atque ex ejusdem cum oxigenio combinatione, acidum sulphuricum efformari.

Quid Succinum? SUCCINUM, substantia est bituminosa, dura, arida, fragilis, inflammabilis, pellucida,  
co-



coloris citrini, nunc fuscus, fusioni resistens, attrita vel calefacta festucas et paleas ad se trahens, cujus constituentia principia sunt oleum volatile, et acidum particularis naturæ: ex Prusia advehitur, in Hispania quoque purissimum et optimum reperitur.

Quid Terra Sigillata?

TERRA SIGILLATA, substantia est terrea, aluminosa, varii coloris, in massas variæ figuræ, ut plurimum rotundas, vel cylindraceas efficta, variisque sigillis notata.

Quid Tunstenum?

TUNSTENUM, substantia est metallica, griseo-albicantis coloris, granulis contexta, ac friabilis, quæ fusioni vehementer resistit, ab acidis dissolvi ferè haud potest, plurimum tamen oxidatur aëris et calorigi actione, atque in acidam substantiam convertitur.

Quid Tuthia?

TUTHIA, substantia est laminarum instar efformata, friabilis, grisea, insipida, inodora, fornacum, in quibus zinci minera funditur, lateribus adhærens; quæ zinci oxidum continet.

Quid Vitriolum?

VITRIOLUM, est sal neutrum minerale, cujus tres in officinis species reperiuntur: *Vitriolum album* nempe, ex zinco, et acido sulphurico constans; *cæruleum*, ex cupro, et acido sulphurico coalescens; et *viride*, ex ferro, et acido sulphurico compositum.

Quid Zincum?

ZINCUM, substantia est metallica, coloris albo-cærulescentis, aliquantulum fragilis, magnis laminis contexta, aquæ oxigenium avidissime auferens, ignis actione facile liquabilis, in vase clauso absque alteratione sublimabilis, quæ in aëris contactu ignita, flammam cæruleam concipit, et oxidum album præstat sublimatum, *Lana Philosophica*, *Pompholix* et *Nihil album*, dictum.

## CAPUT IV.

DE COLLECTIONE, EXSICCATIONE,  
REPOSITIONE, ET DURATIONE  
SIMPLICIUM. (1)SECTIO I.<sup>a</sup>*De Collectione Simplicium.*

Quid Collectio?

**C**OLLECTIO est, debita simplicium officinarum congestio, modo, loco, ac tempore aptioribus facta, quæ futuro usui magis oportuerint, ad quem simplicia colliguntur.

Col-

(1) Solida experientia, ac Chemicorum luce compertum est, innumeras ferè tot substantias ab animali regno depromptas, commentitiis viribus tantummodò præditas esse; ipsarum plurimum virtutes, ferè analogas dijudicari, et pluribus, quæ olim ob raritatem vel difficultatem maximi fiebant, alias vulgarissimas ac facillimæ inventionis substantias, jure optimo substitui posse: Quapropter tot circa animalium collectionem, præparationem, et repositionem præcepta, quibus tyronum memoria torquebatur, silentio premam; uno verbo, hæc præcepta ita compendiosa et trivialia sunt, ut quasi inania et superflua videantur. In minerali regno plurimæ necessariò dignoscendæ tamen à Pharmacopeo extant notiones, circa collectionem simplicium, eorumque præparationem, quæ tamen consultò omittant; earum namque expositio necessariò diffusa foret, atque à meo aberrarem scopo; et ideo pro ipsorum electionis præceptis, historiam naturalem consulere oportet; præparationis autem præcepta, in Pharmaciæ praxi adquiruntur. De solo igitur vegetabili regno, hoc est, de vegetabilium collectione, exsiccatione, repositione, et duratione in præsentī capite pertractabò, ac de solis plantis indigenis verba faciam, cum hæc sint præcepta Pharmacopeo utilissima, ac scientiæ pharmaceuticæ peculiaria.

Pro hujusce materiæ expositione, et accurata ordinatione, aucthores consului; ac quamvis plurimi de ea diffusè pertractaverint, inutilia, superflua, et falsa præcepta sæpè in lucem protulerunt; et licet Baumeus aliquatenus exactiori magisque ordinata methodo regulas has præscripserit, à perfectione ta-

men

Quomodo et quomodo tempore colligendæ sunt radices?

Colliguntur radices, vel ad utendum vel ad aservandum: Si pro usu magistrali colligendæ sunt, necessitatis causa, omni anni tempore eradicari possunt, dummodo sint vegetæ, et in solo naturali collectæ: si pro officinali usu, usus hic attendendus; nempe pro succi expressione, vernali tempore, dum germinare et prima prodire folia incipiunt, quoniam magis humido turgent: pro decoctione, semper recentes siccis anteponi debent radices; si vero siccis necessariò utendum, debito modo collectæ, et decenter siccatae, in usum trahi debent: pro destillatione, maximè si aromaticæ, quantum possibile sit, recentes adhibendæ; pro condimento, necessariò recentes, et semper vernali tempore collectæ, usurpandæ: pulverisationi destinatae radices, in tenuiorem abeunt pulverem, quando succus vegetans incipit moveri; quæ ita collectæ, transversim et in subtilissimas talleolas dissectæ, exsiccandæ, et pulverisationi committendæ: pro combustione, semper radices verna-  
ad-

men ejusdem doctrina plurimùm abest. Verumtamen eruditissimus *Laugerius*, *Mutinensis Medicus*, Botanices, Agriculturæ, ac Phisices fundamentis inixus, hanc materiam omnibus numeris absolutam publicè edidit anno 1789, ita ut ipsi nec quidquam demere nec addere decrevi, sed ipsam prout jacet, tyronibus commendare. At cum diversus fuerit *Laugerii* scopus, diffusè hanc materiam pertractavit; ideoque selectiora præcepta collegi, ac exactiori, quo potui, ordine condidavi.

Propter exactitudinis in hac materia defectum, satis inter Authores communem, *Laugerii* præceptorum collectionem, non tanta brevitate instituere potui, ut mihi in animo erat; hoc verò majoris oneris pondus, tyrones præcor ne molestè ferant, opimos enim fructus absdubio colligent. Ad possibilem autem huic materiæ conciliandam breviter, utiles plures notationes, non tamen omninò necessarias, prætermisi; aliqua verò quæ pro adducta in hoc capite doctrina capiendæ præsupponi debent, et expositione indigent, ab eodem quoquè *Laugerio* collecta, in annotationibus, huic materiæ pertinentibus, brebiter exponam.



adhibendæ. Ad aservandum verò , vel exsiccan-  
 dum , radicum natura et indoles consulenda;  
 durationis nempe ratione , annuæ radices cir-  
 ca florescentiæ tempus colligi debent : biennæ  
 radices , principio secundi anni , vel etiam  
 media hieme eradicari possunt : vivaces radi-  
 ces , exfoliaturæ tempore , cuique speciei  
 proprio , colligendæ sunt : perennes , quæ ra-  
 rò in usum veniunt , media hieme effodiendæ:  
 radices autem aquaticæ , ut arundinis , omni  
 tempore æquè colligi possunt , hiemali excep-  
 to. Attenta verò radicum substantia , radices  
 fibrosæ vel lignosæ , uti sunt eringii , gra-  
 minis , et similibum , incohata jam germina-  
 tione , vel quidè m toto vernali tempore , è ter-  
 ra erui possunt : crassiores succulentæ vel car-  
 nosæ , ut bardanæ , bryoniæ , et similibum , an-  
 te hiemem vel paulò post seminis maturitatem  
 evelli debent , et statim ad exsiccationem ap-  
 tari : excipiuntur aliquæ mucilaginosæ radices,  
 ut altheæ , quas vernali tempore colligere præ-  
 stat ; radices etiam aromaticæ plurimæ , ut vale-  
 rianæ , quæ incipiente vere majorem habent  
 fragrantiam ; tandem radices ari , quæ verna-  
 li tempore colligi debent , majori namque  
 acrimonia gaudent. Quæcumque autem sint ra-  
 dices , ab stirpibus semper à natura in pro-  
 prio loco positæ , utpote absdubiò efficacioribus ,  
 decerpendæ. (1)

Ple-

(1) Istius doctrinæ expositione evidentissimè demonstratur ,  
 generalem legem , pro tempore collectionis radicum , nequa-  
 quàm stabiliri posse ; sed radicum durationem , solum naturale ,  
 tempus vegetationis , magnitudinem , substantiam , earumque  
 usus , sedulò attendendos esse : Hoc modo videtur hanc diffi-  
 cilem atque densa caligine obscuram collectionis radicum theo-  
 riam et methodum satis dilucidari ; atque si forsitan non ple-  
 narie , exactius tamen hunc campum exaratum videri , magis-  
 que

Quomodo et quo-  
n tempore colli-  
gendi sunt cortices?

Plerumque interior et exterior cortex, absque separatione una colligitur, et usui sic adhibetur, ut cortex sambuci, quercus, et alii; aliquando vero interior tantum cortex secernitur, ut in ebulo, juglande et aliis. Tempus autem pro cujuslibet corticis collectione, magis oportunitate censeri debet, quando germinantis plantæ, vel arboris vernans humor sub cortice luxuriat, eumque sponte à ligno divellit; quæ collectio post finitam hiemem aptior censetur.

Quomodo et quo-  
n tempore colli-  
genda sunt ligna?

Exotica ligna eliguntur integra, dura, ponderosa, odorifera pleraque, nec carie erosa; indigena verò, quorum vix usus utiliter commendatur, media hieme colligi debent; lignum autem visci, quod frequentioris est usus, arbori quercus adhærens eligatur, ejusque collectio ante fructus, vel baccarum productionem fieri debet.

Quomodo et quo-  
n tempore colli-  
genda sunt herbæ?

Herbæ mucillaginosæ vel pulposæ, et succulentæ, ut malva, althea, consolida, portulaca, et similes, ubi adollescunt, erunt colligendæ: herbæ salinæ, acres, vel spiritu volatili acuto præditæ, et antiscorbuticæ omnes, ut acetosa, cochlearia, brassica, erysimum, et similes, in ætate juvenili carpi debent, idest quando florere incipiunt: herbæ aromaticæ flore labiato, ut salvia, mentha, scordium, et similes, atque aromaticæ flore umbellato, ut fœniculum, tempore adolescentiæ colligi debent, ad juventutem usque exclusivè; sicut etiam labiatæ non aromaticæ, ut betonica: aromaticæ flore composito vel flosculoso,  
ut

que patere viam, per quam incedere debemus, ut difficultates, et aucthorum ambiguitates circa hanc Pharmaciam partem, feliciter resolvi queant.

ut absinthium, chamomilla, et similes, à juventute usque ad senectutem exclusivè colliguntur: herbæ omnes insipidæ, non odoriferæ, ut bardana, scabiosa, plantago, et similes, omni tempore, infantia et senectutis excepto, possunt decerpi; quæ autem capillares sunt, seu flore carentes, ut adianthum, ceterach, et similes, in majori ipsarum ætatis vigore decerpantur: herbulæ, sive minores plantæ, ut saxifraga, thymus, et similes, ab incipiente juventute ad senectutem usque seligi possunt: gemmæ seu arborum turiones, ut populi, et similes, ante ipsorum explicationem, tempore vernali colliguntur.

His de particulari plantarum collectione dictis, generales istæ superaddendæ sunt observationes. Ex plantis majoribus, ut bardana, nicotiana, et similibus, folia separatim decerpuntur; ex plantis structuræ mediocris, ut borragine, parietaria, et similibus, folia cauli et ramo adnata, plena manu carpuntur; in minoribus autem plantis, ut thymo, tota planta simul cum floribus ad radicem usque decerpitur. Insuper recentes plantæ, generalitèr loquendo, siccis anteponi debent; antiscorbuticis recentibus verò, necessariò utendum. Præterea nullam anni tempora tutam directionem pro herbarum collectione præstant, sed solæ stirpium ætates diversæ (uti hac in methodo exposui), quas sedulo collectores contemplari debent: tandem herbæ nec meridianis, nec serotinis horis colligendæ sunt, sed tempore matutino, difflato rore, atque, nisi necessitas urgeat, diebus canicularibus legendæ; inferioribus plantarum foliis rejectis, quæ ab insectis erosa sunt, tempestative dilacerata, morbo decolorata, vel à pul-



Quomodo et quomodo  
in tempore colligendi  
sunt flores?

pulveribus aut luto conspurcata. (1)

Flores una cum calice carpuntur, ubi ii minores sunt, vel si major aut similis in calyce virtus existimetur, ut sunt flores chamomillæ, arnicæ, salviæ et similes; omnes alii flores sive petala, à calyce segregantur, et si majora sunt, tunc pars inferior crassior, quæ unguis dicitur, resecari solet, ut fit in caryophyllis, pœonia, et similibus: in minimis floribus, ut hyperici, menthæ, et similibus, plantarum pars extrema adnexis floribus resecatur, qui sic collecti, summitates dici solent. Tempus colligendi flores, incipiente pe-

G

ta-

(1) Ut herbarum collectionis doctrina, ordinatè et completè exhiberi possit, herbarum naturam considerando, ipsas genericè in quatuor classes distinguere oportet; nempe in *mucilaginosas*, *salino-spirituosas*, *aromaticas*, et *insipidas* seu *inodoras*. Dicuntur *mucilaginosæ* herbæ, quæ decoctionis ope in aqua mucilaginem deponunt, ut malva, et althea; sub hac classe comprehenduntur herbæ pulposæ, et succulentæ, seu quæ tenera substantia et succulenta conflantur, ut lactuca, pulmonaria, et similes, quæ ejusdem collectionis legibus reguntur. Herbæ *salino-spirituosæ* sunt, quæ spiritu volatili acuto præditæ, ipsum per conquassationem faciliè dimittunt, et gustu quoque percipitur, ut arum, et omnes antiscorbuticæ plantæ. *Aromaticæ plantæ*, seu quæ odorem aromaticum spirant, in *labiatis*, *umbelliferas*, et *compositas* distinguendæ: *labiatæ* dicuntur herbæ, quarum flores duobus labiis, et veluti facie instructæ apparent, ut salvia: *umbelliferæ*, quarum flores pedunculo separatim inhærentes, ab eodem centro procedunt, disgregantur, ac planum efforinant; seu quæ umbellæ expansæ figuram æmulantur, ut fœniculum: *compositæ* dicuntur, quarum flores instar cylindri cohærentes, sub communi receptaculo amplo et integro continentur, ut chamomilla. *Plantæ* quæ *particulari odore et sapore carent*, ut scabiosa, sub quarta classe comprehenduntur.

In plantis quoque considerata veniunt, varia ipsarum vitæ stadia, quæ diversæ vegetabilium ætates nominantur; et sunt, *infantia*, *adolescencia*, *juventus*, *ætas-adulta*, *senectus*, et *decrepitude*. Stirpis *infantia* dicitur, ubi prima erumpunt folia; *adolescencia*, quando caulis elongatur; *juventus*, ubi flores explicantur; *ætas adulta*, dum incipit germinis incrementum; *senectus*, cum fructus spontè decidunt, vel aperiuntur capsulæ seminales; *decrepitude*, quando inarcescit planta.

talorum explicatione, hoc est juventutis tempore, aptius generalitèr censetur; rosa rubra, et aliquibus exceptis, qui ante explicationem colligi deberent: alii autem flores, quorum vis aromatica in calyce residet, sub finem efflorescentiæ, idest ætate adulta carpi debent; tales sunt flores plerique labiati, præsertim rorismarini, lavendulæ, et similes.

Quomodo et quomam tempore colligendi sunt fructus et semina?

Semina propriè dicta, ex planta vegeta desumantur, ita ut sint plena, magna, fæcundata, integra, ab insectis non contaminata, nec ab humiditate ad germinationem abeuntia, eorumque plurima, præsertim si majora, fundum aquæ petentia eligantur; semper matura decerpantur semina, ideoque in plantæ senectute; atque illorum collectio tempore sicco, ac sereno, fieri oportet. Fructus quoque maturi colligantur; si verò ad asservationem vel exsiccationem, paulò ante seligantur; imo equidem à Medicis aliquando immaturi desiderantur, præsertim fructus acidi, austeri, acerbi, et adstringentes.

## SECTIO II.<sup>a</sup>

### *De Exsiccatione Simplicium.*

Quid Exsiccatio?

Quomodo exsic-  
candæ sunt radices  
minores?

**E**XSICCATIO est operatio, qua simplicia, leni caloris gradui subjecta, humiditate superflua liberantur.

Radices minores lignosæ aromaticæ, ut valerianæ, et similes, nulla alia indigent præparatione, nisi ut benè laventur, et purgentur; deinde ut extensæ, solo calore atmospheræ, tempore æstivo, aeri pervio exponantur, donec penitus arescant: si verò parum succu-  
len-

lentæ et inodoræ , maximè si carnosæ sunt, radiis solis exponantur , et tempore humido vernali obscuro , hypocausti vel clibani calor supplere debet : radices autem aromaticæ hujus ordinis , in umbra exsiccandæ , et per horam circiter radiis solaribus postea exponendæ, antequàm receptaculis committantur.

Quomodo exsic-  
candæ sunt radices  
majores ?

Radices omnes majores , priusquàm exsiccantur , primò lavantur , fibrillæ extirpantur, quædam abraduntur , in longitudinem diffinduntur , pars lignosa , sive medullium , si adsit , eximitur , in minores partes secantur , et sic dispositæ , ad exsiccationem exponuntur. Si radices majores , sive odoræ , sive inodoræ, lignosæ sint , ut iridis , bistortæ , et similes, facilè exsiccantur , et quidem per se , dummodo in loco sicco , calido , et pervio per paucos dies detineantur : Si carnosæ sunt , ut cichorei , gentianæ , et similes , calore solis æstivi in aëre aperto exsiccati debent ; si verò hoc non sufficit , ut in nimis succulentis , v. g. scorzonera , contingere solet , tunc calor artificialis hypocausti est adhibendus , quo deficiente clibanus supplere poterit. Radices majores mucilaginosæ , ut althææ , symphyti , et similes , maximè si crassiusculæ sint , minutim dissectæ , statim calore tringinta graduum thermometri Reaumuriani ab humido privari debent ; si verò pulverisationi sunt committendæ, ante exsiccationem in talleolas subtilissimas, eas secare oportet. Radices majores aromaticæ , ut angelicæ , apii , et similes , in partibus minores sunt dividendæ , et in setaceo extensæ , super imposita cartha , circiter gradu 20 , in hypocausto , vel in clibano exsiccandæ , et statim amovendæ , et includendæ : inodoræ autem et insipidæ hujus ordinis , ut cy-



noglosi, buglosi, et similes, absque cautela calore solis exsiccantur.

Quomodo exsic-  
candæ sunt radices  
maximæ?

Maximæ radices, eodem modo ac eisdem cautelis tractantur, ac majores, et minores radices, habito scilicet respectu, ad illarum naturam et substantiam: Ipsarum autem magnitudinis et crassitie causa, per sectiones transversas minutissimas divisæ, filo trajectæ, in aëre libero suspenduntur ad plenariam exsiccationem: si verò fungosæ aut mucilaginosæ sunt, tunc in clibano vel hypocausto eas exsiccare congruit, et diutius ibi relinquere, donec fragiles evadant. Terminus absolutæ exsiccationis radicum est, nempe quando faciliè franguntur, vel quando easdem manu versando, tactum et sonum ligni percipimus. (1)

Quomodo exsic-  
candæ sunt herbæ?

Herbæ cruciformes, ut nasturtium, cochlearia et similes, incassum et stulto labore exsiccantur; omnesque aromaticæ non oleosæ, ut basilicum, mellissa et similes, vix odore proprio post exsiccationem distinguuntur. Oleosæ aromaticæ herbæ, exsiccandæ sunt in umbra, supra cratem, vel lintea raræ texturæ, non coacervatæ dispositæ, dummodo thermometrum supra vigessimum gradum in cubiculo adscendat; deinde ad congruam exsic-  
ca-

(1) In radicibus ipsarum naturam, substantiam, et magnitudinem perpendere debemus. Respectu naturæ dividuntur radices in *mucilaginosas*, seu quæ mucilagine abundant, *aromaticas*, seu quæ aromaticum spirant odorem, et *inodoras* seu quæ odore carent. Respectu substantiæ, dicuntur *radices lignosæ*, seu quæ dura et arida substantia constant; *carneæ* seu quæ pulpam vel teneram substantiam interius continent; et *fungosæ* seu, quæ fungosa substantia coalescunt. Respectu autem magnitudinis, dividendæ sunt, in *majores*, *minores*, et *maximas*. Dicuntur *maximæ*, radices ari, bryoniæ, pæoniæ, scyllæ, et similes; *minores* sunt, uti radices vinetetotoxici, rusci, fragrariæ, pimpinellæ, et similes; *majores* sunt, uti radices althææ, angelicæ, cichorei, liquiritiæ, et similes.

cationem perficiendam , per horam alteramve radiis solaribus exponantur , et sæpiùs versentur : Inter istas verò citiùs et faciliùs exsiccantur quæ siccioris , et strictæ sunt texturæ , ut rosmarinus , salvia , et similes ; diutius autem et majori calore dessiccare necesse est herbas paululùm succulentas , ut anethum , fœniculum , et similes. Herbarum exsiccationis terminus completus dignoscitur , dum herbæ tactu siccæ et friabiles deprehenduntur , qui ultra non prolongandus , earum namque naturam destrueret. Quantum nunc ad herbas inodoras spectat , tantam non exigunt solitudinem , quæ quidem calore clibani vel hypocausti citò arescere vel etiam insolari possunt. (1)

Quomodo exsic-  
candi sunt flores ?

In florum exsiccatione , odor , color , et textura , præcipuè considerandi veniunt. In floribus , ubi spiritus rector aquoso adhæret principio , ut violarum , tiliæ , et similibus , odor per exsiccationem in auras efugit , aut saltem post aliquot dies penitus evanescit ; quæ autem inter has strictioris sunt texturæ , ut meliloti , non ita faciliè spiritu rectore spoliantur. Flores oleosi balsamici , ut salviæ , lavendulæ , et similes , aroma post legitimam  
ex-

(1) Spiritus rector seu aroma in plantis et in floribus aliquando nullo adhæret principio oleoso , seu oleo essentiali , ut in narcisso , et aliis ; aliquando verò cum oleo essentiali coheret , ut in lavendula , et similibus. Primæ speciei plantæ dignoscuntur , dum per confricationem propriam deperdunt fragrantiam , et odorem herbaceum acquirunt ; secundæ verò speciei plantæ , quæ *oleosæ balsamicæ* dici possunt , ab aliis distinguuntur in eo , quod inter digitos confricatæ , odor non evanescit , imò magis penetrans evadit. Notiones circa spiritus rectoris naturam , ejusque coherentiam , pro aquarum destillatione et oleorum essentialium extractione plurimum confert : sic *aromaticæ plantæ non oleosæ* per infusionem in oleo fixo aroma deponunt ; *oleosæ* autem per destillationem in aqua , oleum essentielle aromaticum præstant.

exsiccationem retinent : mollis et laxa textura , ut in floribus nymphaeae , paeoniae , et similibus , difficiliorem reddit exsiccationem : firmior vero textura , ut in floribus genistae , calendulae , et similibus , contrarium producit effectum. Licet in colore vis aliqua medicata non adsit , ejus tamen alteratio aliquem defectum in ipso exsiccandi modo praesupponit , cujus amissio partim in aliquibus , in aliis floribus omnimò impeditur , dùm istae charta obvolutae , exsiccationi traduntur. Laxae itaque texturae flores , aromaticae non oleosae , ut liliorum , violarum et similes , illicò exsiccari debent , supra setacea longè lateque expansi , radiis solaribus vel hypocausti calori expositi , ac saepiùs manu versentur , donec friabiles circiter fiant : firmioris texturae , ut sambuci , tiliæ , et similes , in umbra sub tecto facilè arescunt , et conservantur : Oleosi et balsamici flores , ut aurantiorum , chamomillae , et similes , radiis solaribus trium aut quatuor horarum spatio , charta obvoluti leviter exsiccantur ; postea per duos tresve dies in cubiculo aperto detineri , et aliquando manu versari debent : Succosi flores , ut papaveris erratici , altheae , et similes , hypocausti calore vel in aprico , citò exsiccari , ac longè latequè explicari debent : flores autem macilentos ut primulae , fabarum , et similes , in aprico ponere oportet , vel clibani calore supra setaceum charta coopertum exsiccare.

Quomodo exsic-  
canda sunt semina ?

Oleosae sive emulsivae semina , involucro lignoso praedita , à carnoso verò liberata , exsiccationi tradantur , quae tempore aestivo in aprico , nunquam autem hypocausti calore fieri debet. Semina farinacea , solis calore exsiccari possunt , quod sufficit , ut per anni spatium



tium sana conserventur ; quæ ulteriori exsiccatione , caloris hypocausti ope , diu perdurare , possunt. Semina mucilaginosa simul atque collecta , calore clibani sunt exsiccanda , donec quidem penitus arescant. Semina spirituosissima acuta , nullo modo exsiccari debent , sed in eorum siliculis , si fieri potest , asservari. Semina communia per duos tresve dies , secundum humidum in iis contentum , soli exposita , ad conservationem satis aptantur. (1)

Quomodo exsiccandi sunt fructus ?

Fructus majores carnosii , pellicula spoliati , in partes secti , calore hypocausti mediocriter exsiccari debent ; exceptis granatorum pomis , et similibus , quæ cortice forti loracata sine ulla præparatione per anni spatium recentia conservari possunt : Fructus vero mino-

(1) Semina ratione naturæ considerata , dividi possunt , in *oleosa* , *farinacea* , *mucilaginosa* , *spirituosa* , et *communia*. *Oleosa* sive *emulsiva semina* dicuntur , quæ in aqua pistata , lactescentem liquorem sive emulsionem præbent , ut semen cucurbitæ , papaveris albi , et similia : *Farinacea semina* sunt illa , quæ in pulverem plerumque album seu farinam triturationis ope facillè reducuntur , ut triticum , castanea , et similia : *Mucilaginosa* vocantur *semina* , quæ in ore detenta , vel aqua humectata , glutinosa evadunt , ut semina cydoniorum , althææ , et similia : *Semina spirituosissima* nominari possunt , quæ odorem vel saporem acutum patefaciunt ; quæ in duos alios ordines subdividenda veniunt ; *alia* quæ *aromatica sunt* et *oleo essentiali facta* , ut sunt pleraque semina plantarum flore umbellato , ut anethi , fœniculi , et similia ; *alia* quæ *odore et sapore vel acrimonia quadam volatili atque penetrante* ab aliis distinguuntur , uti sunt semina plantarum antiscorbuticarum , ut nasturtii , cochleariæ , et similia : primi ordinis semina , *spirituosissima aromatica* , secundi verò *spirituosissima acuta* possunt appellari. Cuncta alia semina quæ ad antecedentes ordines referri nequeunt , ut aquilegiæ , portulacæ , et similia , *semina communia* dici possunt. Hæc omnes seminum differentiæ , ab aliis neglectæ , vel non observatæ , admodum tamen necessariæ videntur pro debita illarum collectione , et asservatione. Antiqui pauca quædam semina in *frigida* , et *calida* , *majora* , et *minora* distinguunt ; sed absque fundamento , vel conjuncta utilitate : At verò , quod valdè ridiculum est , hæc ineptiæ usque ad nostra tempora , in antidotariis locum habent , et hac futilitate tionum memoria gravatur.

nores succulenti , ut juniperi , solani , et similes , integri in clibano ad mediam siccitatem usque humido privantur , et in siccis asservantur.

### SECTIO III.<sup>a</sup>

#### *De Repositione , et Duratione Simplicium.*

Quid Repositio ?

**R**EPPOSITIO , est simplicium collocatio , loco , modo , ac vasibus aptioribus facta , ut meliùs ac diutiùs conservari possint.

Quid Duratio ?

**D**URATIO , est illa peculiaris cujusvis corporis constitutio , qua citius vel tardiùs destructioni resistit.

Quisnam est radicis durationis terminus , et reponendi modus ?

Radices illæ quæ tenues sunt vel fungosæ, bulbosæ, carnosæ , ut cichorei , asari , apii, et similes unicum perdurant annum : Radices illæ quæ majores sunt , et sublignosa substantia pollentes , ut rhapontici , bryoniæ , lapati , et similes , per duos tresve annos conservari possunt : Radices illæ quæ compactæ, et lignosæ sunt , ut bistortæ , gentianæ et similes , per plures annos asservari queunt ; inter quas plures quoque radices exoticæ , ut china , hyphecacuada , et similes adnumerari debent. Termini autem isti præfixi non sunt , sed exploratio sedulò tentanda , dumquè colore , odore , et sapore , radices destitutæ percipiantur , ac cariosæ et in pulverem abeuntes adinveniuntur , omnimodè rejiciendæ ; resinosi exceptis radicibus , ut jalappa , et similibus , quæ licet cariosæ , minimè rejiciendæ , imò magis efficaciares sunt , quoniam superest in eis integra pars resinosa. Radices omnes vasibus vel pi-

xi-

Quisnam est cor-  
m durationis ter-  
us et reponendi  
us?

xidibus ligneis benè obturatis committantur,  
et in loco probè sicco custodiantur.

Lignosi cortices, præcipuè balsamici resi-  
nosi, per plures annos absque virtutis detri-  
mento asservari possunt: Cortices verò te-  
nuiores, et aromatici, ut cinnamomum, ubi  
odor in illis evanescere observatur, dimitti  
debent: Nostrates cortices tenuiores, ut esu-  
læ, sambuci, et similes, omni biennio sal-  
tè renovandi sunt. Corticum repositio à ra-  
dicum repositione differre haud debet.

Quisnam est ligno-  
durationis ter-  
is, et reponendi  
us?

Si ligna tempestivè fuerint collecta, si sunt  
ponderosa, dura, resinosa, per sæculum du-  
rare possunt; si verò substantia rara vel aro-  
matica conflantur, ut rhodii, et similia, ul-  
tra tres vel quatuor annos custodiri nequeunt:  
cæterùm ligna carie destruuntur, vel humi-  
do putrescunt. Ligna, sicut radices et corti-  
ces, reponenda veniunt.

Quisnam est plan-  
n durationis ter-  
is, et reponendi  
us?

Plantæ mucilaginosæ, ad biennium facilè  
durant et ultra: Herbæ salino-spirituosæ, ut  
antiscorbuticæ, absque utilitate, à pharma-  
copeis asservantur: Aromaticæ balsamicæ plan-  
tæ, ad triennium, et ultra quandoque custodiri  
possunt: Insipidæ, et inodoræ plantæ, quæ  
tenui textura constant, et humido abundant,  
ut parietaria, portulaca, et similes, sæpiùs  
renovandæ, nam vix annum perdurant; illæ  
verò, quarum folia magis consistunt, ut ve-  
ronica, scabiosa, et similes, ad biennium  
usque conservari possunt: Plantæ cryptogamæ  
Linnei (1) ut capillus veneris, lingua cervina,  
et similes, per spatium trium vel quatuor

H

an-

(1) *Plantæ cryptogamæ* dicuntur, quæ sub classe vigesima  
quarta Systematis Botanici Linnei, *cryptogamia* dicta, com-  
pre-



annorum , efficaces perstant. At verò cum omnium plantarum ultimus durationis terminus , sit ipsarum facultatum extinctionis principium , ideo longè ante hunc fatalem rerum exitum , quantum possibile est , eas adhibere oportet. Reponendæ sunt plantæ in lagenis vitreis benè obturatis , ab aëris visciditibus , ac à nimio lucis et solis accessu liberæ.

Quisnam est florum durationis terminus , et reponendi modus ?

Odor et color in floribus facilè evanidus est , ideoque absque integritatis detrimento custodiri nequeunt ; sicque flores plerique , omni anno necessario renovari debent , vel quando odor et naturalis color alterantur : flores quidam excipiuntur , qui post exsiccationem fragrantiores sunt , ut rosa rubra , ac flores plerique labiati in calyce contenti , ut salvia et similes , quorum vis balsamica ad duos tresve annos contineri potest. Reponendi sunt flores eisdem adjunctis , quibus plantæ reponuntur.

Quisnam est seminum durationis terminus , et reponendi modus ?

Semina capsula obvoluta , et in hac asservata , ut papaveris , leguminosa semina , siliquosa , et nucleata , diutius perdurant quam semina nuda , ut fœniculi , scabiosæ , et similia : Semina in calyce maturescentia , ut pulmonariæ , symphyti , et similia , primis accedunt : Oleosa semina non aromatica , involucre lignoso asservata , biennium et ultra durare possunt ; illo verò spoliata , omni anno renovari debent : Semina farinacea , benè exsiccata , et ab humiditate remota , perennant , atque rarò renovanda sunt : Semina spirituo-

sa

prehenduntur ; sub qua plantæ includuntur , quarum flores et fructificatio ob suam parvitatem vix digosci possunt.

sa aromatica , per duos tresve annos circiter durare possunt : Semina spiritiosa acuta , annuatim sunt renovanda : Semina communia , si majora sunt , corticeque duriusculo obducta , ad duos tresve annos sunt durabilia ; minutiora verò , tenui cortice involuta , singulis annis mutare opus est. Semina , in vasibus vitreis accuratè reponantur , ab humiditate remota , à murium occursu defensa : Ad seminum conservationem pariter ipsa sæpius commovere , ac ventillare , multum juvat , imò eadem cribare necesse est.

Quisnam est fructuum durationis terminus , et reponendi modus ?

Exotici et nostrates fructus molles , ut dactili , fici , jujubæ , et similes , vix ultra annum sani perdurant : duriores verò , ut mirabolani , tria vel quatuor lustra perdurare queunt : Baccæ decentè siccatae , et intelligentis pharmacopei custodiæ commissæ , per tres aut quatuor annos subsistunt. Fructuum repositio , seminum repositioni analoga debet esse.

## CAPUT V.

### DE OPERATIONIBUS PHARMACEUTICIS.

Quid per operationes Pharmaceuticas intelligendum ?

**O**PERATIONES PHARMACEUTICÆ nominantur , actiones illæ , quibus corpora subicere cogimus , regulas à pharmacia traditas insequendo , ut oportuna in eis transmutatio fiat , vel ut compositum aliquod medicamentosum efformetur.

Quot et quænam sunt operationes pharmaceuticæ ?

OPERATIONES PHARMACEUTICÆ , plurimæ variaeque sunt ; hæ tamen præcipue : *calcinatio* , *clarificatio* , *comminutio* , *crystallisatio* , *decocctio* , *distillatio* , *dissolutio* , *effervescentia* , *expurgatio* , *fermentatio* , *filtratio* , *infusio* , *lotio* ,

*mixtio, oxygenatio, præcipitatio, solutio, sublimatio, torrefactio, et vaporisatio.* Cæteræ quæ in officinis sub aliis nominibus operationes exequentur, sub harum doctrina, et definitione, propter earum analogiam, optimo jure comprehenduntur. (1)

CAL-

(1) Inter dilucidandos tractatus pharmacie peculiare, operationum pharmaceuticarum doctrina, tamquam maximi ponderis et principalior jure optimo adnumeratur; ex illa siquidem pharmacopeus scientificus ac rationalis emergit, eum namque manipulationum suarum rationem reddere docens, artium mechanicarum professoribus elevatiorem et digniorem constituit. Doctrina hæc inter pharmacie autores præ ceteris quidem à perfectione et exactitudine abest; quoniam illi phisicis ac chemicis notionibus carentes, operationum naturam indagare haud poterant, quarum ope diversis mutationibus corpora subjiciuntur, solius chemie ac phisice luce perceptibilibus. Eruditissimi Baumeus, et Laugerius aliquibus chemicis notionibus imbuti, quarundam operationum aliqua exhibebant phænomena, inter quasdam operationes analogiam edocebant, mutationesque, quibus in earum decursu corpora subjecta sunt, patefacere conabantur: verum cum illorum nemo solidæ ac demonstrativæ recentiorum chemicorum doctrine operam dederit, sub una et eadem classe operationes essentialiter distinctas sæpius collocabant, eodemque tempore plurimas operationes, quas inter differentia tantummodò accidentaliter est, essentialiter distinguendas esse, firmiter contendebant. Præterea talium virorum scopus non fuit, materiam hanc Tyronibus simpliciorum reddere, antiquorum superfluitates et errores expurgando; quomodo ad illam discendam, candidatis facilius, aptior, et utilior evaderet. Hac de causa operationum doctrinam simpliciorum ac breviorum tironibus commendare, ac sub generalibus exactis definitionibus illam comprehendere, totis viribus curavi; quod in pluribus, sola chemie recentioris in pharmaceuticam doctrinam applicatione, adeptus fui, maximo (ni fallar) Tyronum memorie auxilio: Quod mihi tamen in ista simplicitate cum exactitudine concilianda, non parvi momenti difficultates sæpius obvix fuerint, quilibet qui logicis notionibus imbutus, in exactis adhibendis definitionibus difficultatem cognoscat, pro comperto habebit. Ut labor iste pro hac parte, his meis præpositis valeret ideis respondere, necessarium duxi, diffusas adnotationes huic materie superaddere, possibilibus tamen brevitatis habita ratione: in quibus patefacere conatus fui, fundamentum seu rationem adducendarum definitionum; harum plurium impropriam nomenclaturam, ac ipsæ definitionis essentia contrariam; authorum definitiones cuilibet operationi respondentes, ut probè noscant Tyrones, cui operationi exactè respondeant tot inutiles sæpè ac superflue



Quid Calcinatio?

CALCINATIO est operatio, qua corpora, violenta ignis actione diu extorquentur, ut aqua, acido carbonico, aliisque variis substantiis volatilibus liberentur, eorumque fixa principia remaneant. (1)

Quid Clarificatio?

CLARIFICATIO est operatio, qua corpora liquida à partibus impuris et extraneis, seu fæcibus liberantur.

Quotuplex Clarificatio?

CLARIFICATIO triplex est: *Prima* fit, dum corpora liquida per quietem fæces deponunt, à quibus filtratione liberantur; ut in succi acidi fructus citrei depuratione evenit: *Secunda* fit, dum caloris ope fæces coagulantur, quibus à liquido per filtrationem postea separa-

flæ diversarum operationum ab authoribus adductæ definitiones; ac paucis verbis illis exactè satisfacere valeant.

(1) Chimici Sthaliani omnia metalla ex quadam particulari terra et phlogisto composita esse, firmitè credebant, et metalla igni exposita à tali phlogisto liberari, eorumque terream substantiam, fixam solummodò remanere, unanimiter autumabant; quapropter operationem qua metalla in has veluti terreas substantias ignis ope convertuntur, *calcinationem* vocabant, omnesque aliæ operationes, quarum auxilio eadem in metallis alteratio producitur, diversæ apud ipsos erant, *calcinationis* species. Cum autem evidentissimis demonstrationibus à recentioribus Chimicis compertum sit, metalla corpora simplicia esse, ideoque igni exposita nullum amittere principium, atque acidorum actioni subjecta, vel salinis substantiis permixta, minimè phlogistum dimittere; omnes has operationes, *calcinationis* nomine indignas esse firmiter propugnandum; atque *oxigenationis* species esse, inferius patefaciam, ubi de oxigenatione pertractabo. Insuper animadvertendum, *amalgationem* adhuc in Sthalianorum doctrina, inter calcinationis species immeritò ab ipsis connumerari; metalla namque mercurio soluta, solummodò extremam divisionem, nullam autem in eorum substantia essentialem alterationem patiuntur. Præterea *reberberatio* à chimicis vocatur, corporum calcinatio igne flammæ in furno reberberii facta; sicque operatio non est à calcinatione distincta, ut à pluribus edocetur, sed ipsa calcinatio, ita peracta, ut vehementior sit ignis ad corpus applicatio. Rursus præsciendum ad calcinationem opus esse, aliquarum volatilium substantiarum elevationem fieri, nequaquam verò necessarium, corpus fixum remanens causticitatem acquirere, ut in calcinationis definitione plerumque adducitur: Hujus exemplum habemus in *magnesia Black*, quæ licet valido igne calcinetur, nec minimam causticitatem acquirit.

ratis, liquidum purificatum manet; ut in antiscorbuticis aliisque succis depurandis contingit: *Tertia* fit, dum ovorum albumina, aut aliæ glutinosæ substantiæ, cum corpore liquido decoquantur, quæ extrahendas fæces secum abrripientes, sub forma spumæ in liquidi superiori parte simul elewantur, à quibus liquidum, per despumationem et filtrationem postea liberatur, ac purum obtinetur; ita clarificantur vegetabilium succi aliquantum mucilaginosi, saccharum liquido solutum, et alia.

Quid Comminutio?

COMMUNITIO est, corporum divisio mechanica in partes integrantes variæ molis, atque magnitudinis.

Quotuplex Comminutio?

COMMUNITIO duplex est, *alia* quæ maximè in recentibus et succulentis corporibus exequitur; *alia* quæ in corporibus siccis operatur: *Prima* fit corpora conquassando: *Secunda* verò illa trititando.

Quotuplex Comminutio, in corporibus siccis?

COMMUNITIO quæ in corporibus siccis operatur, triplex est: *Prima*, quæ corpora reducit in partes plus minusve exiguas, nunquam tamèn reddit subtiles, et *trititatio* dici potest: *Secunda*, quæ corpora in partes admodum subtiles dividit, quæ ut facilius exequatur, plerumque per cribum illa transmittuntur, et nominari potest *pulverisatio*: *Tertia* tandem, quæ, prioribus divisionibus jam subactis, lapide molari super porphyritem corpora lævigando, eadem in partes ferè impalpabiles convertit, ac *lævigatio* appellatur. (1)

CRYS-

(1) Hæc prima comminutionis species, quæ fit in corporibus duris, prout variis modis exequitur, diversas quoque ac-

io? Quid Crystallisa-

CRYSTALLISATIO est operatio, qua corpora solida, liquido soluta, istius separatione solidum statum naturalem denuò adquirentia, symetrica et peculiari figura donantur. (2)

Quid Decoctio?

DECOCTIO est operatio, qua solidis corporibus, in idoneo fluido immersis, ignis actione, liquidi aliquantum in vapores abire cogimus, ut compactam corporum substantiam magis penetrare, et activa eorum principia liquidum remanens solvere queat.

io? Quotuplex Decoc-

DECOCTIO triplex est; *levis* nempe, *mediocris*, et *fortis*: *Decoctio levis* est illa, quæ non ultra horæ quadrantem protrahitur, et minori liquidi agitatione, sive bullis minoribus absolvitur: *Mediocris* est illa, quæ majoribus bullis celebratur, et à semihora usque ad

accipit denominationes: Apellatur *limatio* vel *rasio*, quando corpora lima vel radula in minores partes dividuntur; *incisio* aut *sectio*, dum forficibus vel cultello inciduntur et secantur; *granulatio* vocatur, dum metallum fusum, per vas minutissimè perforatum, in aquam frigidam defluit, et granulatum condensatur: Singulæ verò hæ operationes, sub hac prima divisionis specie absdubiò complectuntur. *Porphirisatio* et *præparatio*, lævigationis synonyma sunt; improprie autem *præparatio*; aliquid enim magis universale ex propria ejusdem significatione expositum habemus: *Alcoholisatio* quoque subtilissimæ æquivalet pulverisationi aut lævigationi; istius autem vocis impropria significatio, omnibus nota et comperta est.

(2) Corporum particulæ licet minutissimæ, propria ac peculiari figura donatæ, propter liquidi solventis separationem, pacifica aggregatione inter se coadunantur, ac corpora ejusdem figuræ, majoris tamen molis efformant; quæ quidem efformatio, respectu salium tantummodo *crystallisatio* dicta fuit, propter ipsorum pelluciditatem: Sed tamen operatio, qua metalla ac quælibet alia substantia, quæ calorico aliæve liquido soluta, istius separatione, determinatam figuram accipiunt, *crystallisatio* quoque dici meretur, licet opaca corpora resultent; ut evenit in plumbi et antimonii fusi pacifica refrigeratione; quoniam operatio est, cum salium crystallisatione essentialitèr conveniens. Præterea, quod dicitur *candisatio* in saccharo, *congelatio* in aqua, et *coagulatio* in liquoribus salinis per effusionem alcohol, veræ crystallisationes sunt; in illis siquidem per fluidi solventis abstractionem, determinatam figuram corpora accipiunt.



ad horam continuari potest : *Decoctio fortis* est illa , quæ summa ebullitione operatur , et ab hora usque ad duas , tresve , et quidem sex horas durare potest.

Quid Distillatio ? DISTILLATIO est operatio qua corpora , ignis actione in vapores conversa , et elevata , condensationis ope in oportunis vasibus sub fluido statu recipiuntur.

Quotuplex Distillatio ?

DISTILLATIO vel consideratur respectu materiæ distillandæ , vel respectu ignis applicandi : respectu materiæ distillandæ , duplex est , *sicca* nempe et *humida* : *Prima* dicitur , dum substantiæ distillationi subjectæ , solidæ sunt ; ut distillatio cornu cervi : *Secunda* verò , quando liquida corpora distillantur , ut aceti distillatio : Ratione ignis , *distillatio* vocatur *igne nudo effecta* , quando ignis immediatè vasi distillatorio applicatur ; quando autem intermedio aliquo , ignis vasi adhibetur , tunc *distillatio in balneo suscepta* dicitur : Hæc balneum , *siccum* appellatur , dum arenæ intermedio fit ; *humidum* verò , quando per aquam calor corpori communicatur , *balneum maris* seu *maricæ* vulgò nuncupatum : Alia ab antiquis balnea excogitata , ut vaporis , cinerum , limaturæ ferri , et similium , praxis rationalis rejecit. (1)

DIS-

(1) Sub variis denominationibus , hæc eadem operatio ab authoribus adfertur , prout diversis conditionibus involvitur : dicitur nempe *rectificatio* , quando ejusdem liquoris distillati , nova fit distillatio ; *coöbatio* vocatur , quando distillatio fit supra operationis residuum ; per *circulationem* intelligitur , liquoris exaltatio per circularem distillationem in pellicano vel alembico cæco : hæc autem operationes distillationis essentiam nequeunt transmutare , adeoque sub generali distillationis definitione complectuntur. Diversa vasorum structura et aliqua adjuncta , quæ in distillatione locum habent , fundamentum præbuerunt tribus distillationis speciebus , nempe  
per

Quid Dissolutio?

DISSOLUTIO est operatio, qua ex mutua inter fluidum et solidum corpus actione, compositum emergit corpus, proprietatibus à componentibus valdè diversis, fruens. (1)

Quid Effervescencia?

EFFERVESCENTIA est motus seu agitatio, quæ in liquido observatur, quando gaseosum corpus, liquidum transgreditur, ac sursum elevatur.

Quotuplex Effervescencia?

EFFERVESCENTIA, triplex est: *Prima* fit, dum principium aliquod è corpore per alterius introductionem separatur, cumque sit gaseosæ naturæ, statum aeriformem acquirit, ac liquidum transgreditur; sicut acidum carbonicum à sale tartari separatur, per istius combinationem cum acido sulphurico: *Secunda* fit, dum in dissolutionis actu, corpus aliquod decomponitur, ut aliqua combinatio fiat, ac principium separatum gaseosæ naturæ, effervescentiam producit; ut gas nitrosum resultans ex decompositione acidi nitrici, dum istud mercurium dissolvit, et gas hydrogenium per aquæ decompositionem productum, cum ferrum dissolvitur ab acido sulphurico, aquæ permixto: *Tertia* fit, dum in operationis decursu novum corpus efformatur, quod cum

I

ga-

*per ascensum, per latus, ac per descensum*; quæ diffusè ab aliis exponuntur: Ista verò inter distillationes differentia, accidentalis est, sicque tamquam inutilis prætermittenda.

(1) Ex adlata definitione inter *solutionem* et *dissolutionem* differentia evidentissimè patet; *solutione* namque corpora solummodò in minores partes divisa, omnes eorum proprietates retinent, illorumque essentia non mutatur, ut inferius patebit; *per dissolutionem* autem, nullæ corporis dissolventis nec dissoluti proprietates apparent, sed tantum novo corpori producto propriæ ac peculiæ. *Solutionis* exemplum præbet, salium, sacchari, mannæ, et similium combinatio cum aqua; combinatio verò metallorum cum acidis, calcis cum sulphure, aliæque hujusmodi, *dissolutiones* proprio jure appellantur.

gaseosum sit , sursum elevatur ; ut in oleorum cum acidis concentratis combinatione , ac in oxidorum metallicorum revificatione aliquandò contingit. (1)

Quid Expurgatio? EXPURGATIO est operatio , qua solida corpora à partibus extraneis , ac fortè nocivis respectu operationis , cui subjici debent , liberantur. (2)

Quid Fermentatio? FERMENTATIO est motus intestinus , qui à viribus naturæ ortus , in corpore aptè disposito excitatur , magnam in illius substantia mutationem producit , ac diversæ naturæ corpus efformatur.

Quotuplex Fermentatio? FERMENTATIO triplex est ; *spirituosa* scilicet , *acida* , et *putrida*. *Fermentatio spirituosa* est illa , cujus productum seu corpus resultans , est spiritus ardens seu alcohol ; ad quam pro-

(1) Corpus ab aliqua combinatione per alterius introductionem expulsum , si admodum solubile est , in liquore solutum perstat , et licet revera decompositio fiat , nulla tamen visui perceptibilis in liquore transmutatio observatur ; sicut evenit in decompositione nitratis sodæ , aqua soluti , dum cum potassa soluta quoque permisceetur : quando corpus expulsum liquore supernatante ponderosius est , et ab eodem insolubile , in fundum decedit , et *præcipitatio* fit : quando autem corpus , separatum , naturæ est gaseosæ , sursum extollitur , et *effervescentiam* producit. Ex his patet in eadem operatione diversa phænomena observari , prout separata corpora diversæ naturæ sunt ; sicque *effervescentiam* et *præcipitationem* casu fieri ; atque adeo istæ potius ut operationis effectus , quam ut veræ operationes contemplandæ sunt ; quæ tamen inter operationes connumerantur , quoniam corpora , quæ ex tali effectu proveniunt , tanquam operationis producta aliquando accipiuntur , cæteris contemptis substantiis remanentibus : *Præcipitationis* exemplum habemus , in operatione mercurii præcipitati albi , et in præcipitatione oxidi bismuthi ; *effervescentiæ* autem , gas hepaticum , et gas acidum carbonicum , pro aquis mineralibus artificialibus parandis , exemplum præbent.

(2) Hæc operatio , prout diversæ naturæ sunt corpora , quæ separari debent , diversis quoque nominibus insignitur : Dicitur nempe *exacinationis* , dum fructus ab acinis liberantur ; *excorticatio* , dum cortices separantur , et sic de aliis : omnes autem hæ operationes , sub generali *expurgationis* nomine exactè comprehendendi possunt.



promovendam requiritur primò aëris contactus, secundò decem aut quindecim gradus caloris thermometri Reaumuriani, tertiò fluiditas corporis, quartò sufficiens copia materiæ. *Fermentatio acida* est illa, cujus productum, est acidum vegetabile seu acetum; ad quam subeundam requiritur primò, existentia materiæ mucilaginosæ in corpore, secundò octodecim, aut viginti sex gradus caloris, tertiò gas oxigenii contactus. *Fermentatio putrida* est illa, cujus ope natura corpora decomponit, et magna gas ammoniacalis copia producitur; ad quam fovendam, requiritur primò, quidam humiditatis gradus, secundò aëris contactus, tertiò quinque, aut decem gradus caloris. (1)

Quid Filtratio?

FILTRATIO est operatio, qua corpora perexiguos poros pervadunt, ut solida à liquidis, ac subtilissimæ particulæ à crassioribus separentur. (2)

I 2

IN-

(1) Hæc operatio inter pharmaceuticas operationes nequaquam connumeranda foret, quoniam ipsa arti veluti extranea videtur, solùmque naturæ viribus absolvitur, ac secundum naturæ leges in corporibus ritè dispositis naturalitèr instituitur; quemadmodùm plurimæ aliæ operationes naturales in ipsis fiunt, quæ à phisico contemplantur, respectu autem pharmaceuticæ doctrinæ extraneæ censentur: prætereà nulla fermentationis species pro pharmaceutico usu hodie in praxim venit. Nihilominus in pharmaceutica doctrina, fermentatio plerumque locum habet, quoniam fermentationis producta in usu sunt, et aliundè fermentatio spirituosus pro aliquibus medicamentis parandis in usu erat apud antiquos; qua de causa antiquum morem insequendo, inter pharmaceuticas operationes fermentationem collocavi. Si quis fortè totam fermentationis doctrinam omnibus numeris absolutam ac perfectissimè dilucidatam cupiat perscrutari, chemiæ elementa, à sapientissimo Lavoisier scripta, diligenter percurrat.

(2) Per filtrationem nedum inter corpora solida, et liquida fit separatio, sed etiam inter fluida diversæ densitatis, ac trajectoryum major vel minor tenuitas, à diversa pororum parvitate dependet. Vulgò dicimus corpora *filtrare*, dum separatio

Quid Infusio?

INFUSIO est operatio, qua corpora in idoneo liquore aliquandiù immerguntur, aliquo caloris gradu sæpiùs adjuvante, vel ut eorum principia efficacia in liquido solvantur, vel (quod rariùs fit) ut decoctioni subeundæ aptiora reddantur: Quæ operatio, si nullo calore adjuvatur, et multum protrahitur, *maceratio* solet nuncupari; *digestio* verò dicitur, quando calore foveniente, plurimum elongatur.

Quid Lotio?

LOTIO est operatio, qua corpora solida in liquido agitata, à facibus repurgantur, vel ab extraneis substantiis sibi permixtis separantur.

Quotuplex Lotio?

LOTIO SEU LAVATIO quadruplex est: *Prima* fit, dum corpus per agitationem in liquido, à sordibus seu facibus sibi adhærentibus repurgatur, sicut radices et herbæ in aqua abstergantur, antequàm usui veniant: *Secunda*, dum substantiæ separandæ in liquido solvantur, et ab insolubili corpore residuo separantur; sicut colchotar à vitriolo nondum omninò per calcinationem decomposito, liberatur: *Tertia*, dum corpus lavandum subtilissimè tritum, in liquido agitatur, in quo separandæ particulæ, utpotè minus ponderosæ, aliquandiù suspensæ, per liquidi adhuc turbidi effusionem, à residuis corporis particulis, subito fundum petentibus, manent segregatæ; sicut metallicæ mineræ à terreis aliisque levioribus substantiis expurgantur: *Quarta* tandem, dum corpus subtilitè tritum, in liquido

zio fit per emporeticam cartham; *colare*, dum fit per linteum vel pannum; aliquandò per infundibulum vitro pulverisato repletum corpora trajicimus, ut fit in acidis liquoribus seu corrosivis: quolibet autem modo fiat operatio, *filtratio* dici poterit.

do agitur , ejusque expurgandæ particulæ magis ponderosæ , subitò præcipitantur , corporis verò particulæ minùs ponderosæ , in liquido aliquandiù suspensæ , per istius adhuc turbidi effusionem , ejusque repositionem subsidunt , ac puræ obtinentur ; sicut bolus armena arenulas sibi permixtas deponit, ac æthiops martialis jam præparatus , à reliquis ferreis particulis nondum sufficientè divisis, nec oxygenatis , liberum obtinetur. (1)

Quid Mixtio?

MIXTIO est operatio , qua diversorum corporum debitè electorum particulæ , nulla combinatione , sed simplici interpositione simul permiscuntur , vel ut plurimum cumulata virtute , mixti medicamenti effectus intenduntur, aut diversi simul producantur : Huic operationi respondent mixturæ , pulveres compositi, et alia operata.

Quid Oxygenatio?

OXYGENATIO est combinatio oxygeniî cum corporibus , quocumque modo facta sit.

Quotuplex Oxygenatio?

OXYGENATIO est duplex ; scilicet *oxygenatio rapida* , et *oxygenatio lenta* : *Prima* est rapida , et copiosa combinatio basis gas oxygenii, caloricum deserentis , cum corporibus facta , calorem

(1) Operationum diversitas ab actionum diversitate , quibus corpora subjiciuntur , solummodò dependet. In quatuor lotionis speciebus nuper expositis , actio una et eadem est , nempe corporum agitatio in liquido ; finis actionis quoque idem, scilicet partium impurarum separatio ; solûnque attendenda diversa corporis lavandi , ac partium extrahendarum natura , ut corpus post lotionem purificatum debitè colligatur. Nihilominus lotioni primæ speciei , et aliquandò lotioni tertię speciei , *lotionis* nomen solummodò tribuitur : Lotio secundæ speciei , *dulcoratio* communiter vocatur ; improprie autem , eadem enim denominatio aliæ longè diversæ operationi ut plurimum applicatur ; *dulcoratio* enim in potionibus dicitur , dum istæ saccharo vel syruposo liquido , dulces fiunt. Lotio quartæ speciei , quo ad actionem , à tertię speciei lotionem nihil difert ; in hac autem operationis productum , in residuo corpore habemus , in altera verò per lavationis liquidum , à residuo ipsius extrahimus ; utraque hæc operatio æquivalet *cribationi*.



rem magis vel minus intensum producens , sæpiùs cum flamma , lucis , ac diversæ indolis vaporum effusione ; quæ duplici perficitur modo ; vel dum oxigenium in corpore aliquo contentum , ob majorem cum alio affinitatem , cum ipso combinatur ; ut evenit aliquandò in metallorum dissolutione ab acidis effecta ; vel dum basis gas oxigenii à calorico , et luce separatio , ejusque cum corporibus combinatio , sensim et longo tempore fit ; ut in oxigenatione metallorum ignis ope , in aëre facta contingit : quæ operatio , *calcinatio* hucusque improprie dicta fuit. (1)

PRÆ-

(1) Exacta hujus operationis , ejusque divisionis adlatæ intelligentia , illis facillima profectò erit , qui recentiori chemicorum doctrinæ operam dederint ; in illorum autem gratiam qui tali doctrina careant , ea tantùm breviter adducam , quæ ad definitionis intelligentiam magis necessaria sint. *Gas oxigenium* , fluidum est aeriforme , seu gas , ex simplici quadam substantia , *oxigenium* nuncupata coalescens , in fluidum aeriforme conversa , calorici ac lucis combinatione , quod quidem fluidum gaseosum , unicum est respirationi et combustioni aptum , ita ut in cujuslibet alterius fluidi gaseosi atmosphæra pereunt animalia , et corpora combustionis incapacia sunt : hoc ipsum fluidum , quartam circiter nostræ atmosphære partem constituit. Demonstratum est prorsus , aërem atmosphæricum , respectu gas oxigenii , combustioni necessarium esse , in qua ejus basis , seu oxigenium , ob majorem affinitatem cum corpore combustibili , cum illo combinatur , caloricum autem et lux ab eo derelicti , in auras evolvant ; qua quidem effecta combinatione , corpus oxigenatum , ulterius combustibile non est. Quando hæc gas oxigenii decompositio , ac oxigenii cum corporibus combinatio , rapidè et copiosè operantur , lux et caloricum copiosè evolvant , et maximè sensibilia fiunt ; tuncque si corporis combustibilis principia , volatilia sunt , calorici ope , aliqua corporis portio gaseosa fit , et sursum elevatur ; in quo quidem statu , maximam superficiem gas oxigenio offerens , summè rapita fit oxigenii cum illa combinatio , maximaque fluidi luminosi et calorici effusio ; in quo revera consistit flamma , quæ in combustionem olei , ceræ , et aliorum observatur ; at si corpus combustibile gaseosum factum , elevationis tempore non omnimodam combustionem patitur , ob gas oxigenii defectum , sub vaporum forma sursum tollitur et fumum constituit. Quando gas oxigenii decompositio , lento modo contingit , seu oxigenii combinatio cum corpore , longo fit temporis spatio ,

lu-

Quid Præcipitatio?

PRÆCIPITATIO est operatio , qua corpus menstruo aliquo solutum , seu dissolutum , per istius combinationem cum nova adveniente substantia , ab illo separatur , ac corporis separati particulæ , liquido remanente ponderosiores , et ab eodem insolubiles , in vasis fundo præcipitantur.

Quotuplex Præcipitatio ?

PRÆCIPITATIO duplex est : *Prima* fit , dum corpus absque alteratione à menstruo separatur , et præcipitatur ; sicut oxida metallica acidis dissoluta , potassæ dilutæ additione , deorsum veniunt : *Secunda* fit , dum corpus prout à menstruo separatur , cum aliquo ex principiis , in præcipitationis liquido contentis , combinatur,

lucis ac caloricæ separatio , parùm aut nihil percipi valet ; ut evenit in plurimis metallis igni expositis , et in aliis quoque aëris humidi contactu , ut in ferro. Quando autem corpora oxigenantur per oxigenii combinationem in alio corpore contenti , licet pauco temporis spatio , multa fiat oxigenii cum corpore combinatio , hoc tamen lento modo quoque contingit , quoniam nulla penè datur caloricæ nec lucis separatio ; hujus exemplum habemus in metallis acidorum actioni subjectis ; acida enim oxigenium metallis præstant , oxida metallica efformantur , quæ apta sunt , ut ab acidis dissolvantur. Ex dictis profectò patet , in combinatione oxigenii cum corporibus , pro vario oxigenii statu , ac diversa corporum natura , diversa phænomena evenire ; quolibet autem modo combinatio fiat , semper *oxigenatio* dici meretur ; adeoque *oxigenationis* species sunt , seu inter *oxigenationes* debent numerari sequentes operationes : *detonatio* , seu *deflagratio* nitri cum sulphure , carbonio , aliisque substantiis , provenientes ex rapida combinatione oxigenii acidi nitrici cum inflammabilibus substantiis , ac repentina vaporum eruptione ; *fulminatio* quæ observatur ; v. g. in pulvere fulminante , igni admoto , resultans ex combinatione oxigenii atmospheræ cum gas hydrogenio sulphurato erumpente ; *ustio* seu *combustio* quæ in cornubus aliisque animalibus substantiis fit , ut terræ ac salinæ substantiæ remaneant , reliquæ enim per gas oxigenii atmospheræ combinationem inflammantur , et in auras evolant ; *combustio* quoque vegetabilium , quæ dicitur *cinefactio* , facta , ut partes vegetabilium fixæ post cæterarum combustionem , puræ obtineantur ; *cæmentatio* , et *stratificatio* quæ fiunt in metallorum laminis cum cæmento permixtis , igni expositis , ab acidis enim in cæmento contentis , oxigenantur ; *vaporatio* , qua metalla acidorum vaporibus subjecta , eorum oxigenium abripiunt et in oxida convertuntur ; aliæque hujus generis operationes.

tur, ac corpus diversæ naturæ præcipitatur; sicut evenit in operatione præcipitati albi, in qua acidum muriaticum cum oxido mercurii combinatur, ac simul præcipitantur; et in præcipitatione magnesiæ, salis tartari ope confecta, in qua acidum carbonicum istius cum magnesia combinatur, ac carbonas magnesiæ in fundum delabitur. (1)

Quid Solutio?

SOLUTIO, est operatio, qua ex mutua inter fluidum et solidum corpus actione, solidam istud aggregationem amittit, liquidumque corpus mixtum resultat. (2)

SU-

(1) *Præcipitati* nomen sæpè tribuitur corpori, quod à menstruo dissolutum, istius vaporisatione, in inferiori parte fixum remanere observatur; ut evenit in operatione præcipitati rubri; hæc autem operatio *præcipitatio* improprie vocatur, sed *vaporisatio* aut *calcinatio* dici meretur. Corporis, in operationis decursu efformati, præcipitatio, aliquando fit, ob liquidi solventis defectum, ut in operatione *tartari vitriolati* aliquando contingit; verum hujus præcipitati efformatio accidentalis est, si enim sufficiens liquidi quantitas impendatur, nullum fit præcipitatum; sicque *præcipitatio* improprie talis operatio quoque nuncupatur; consequenterque horum operationum producta improprie dicuntur *præcipitata*. Præterea *magisterii* nomen antiqui quibusdam præcipitatis adhibere solebant, quæ, vel eminente et heroica qualitate distincta judicabant, ut *magisterium perlarum*, vel quæ albisimo colore aut nitenti fulgore prædita videbantur, ut *magisterium bismuthi*; quæ quidem vocabula tantummodò in hodierna Pharmacia sonant, ad quorundam remedium vanos, sed usu consecratos titulos, conservandos. Verum rationalis chimica, bina hæc vocabula *magisteria* nempe et *præcipitata*, tamquam pura synonyma, vel ejusdem esse significationis aperte declaravit; adeoque cuncta hujus speciei præparata, sine ulla distinctione, *præcipitata* vocari merentur.

(2) Menstrui seu liquidi differentia in corpore solido solvendo, operationis diversitatem non constituit; sicque corporum solutio calorico facta, ac eorundem solutio ope aquæ, vel alterius fluidi, ejusdem operationis, hoc est *solutionis* species sunt. Salium solutio in aqua, ceræ in oleo, et aliorum hujusmodi, sub *dissolutionis* nomine ab authoribus complectuntur; hujus autem propriæ denominationis à solutione differentiam, superius exposui. Resinarum, ceræ, et aliorum solutio calorico facta, *liquatio* communiter appellatur: Salium in aqua solutio, dum cineres in aqua immerguntur, ad liquida

ex-



Quid Sublimatio?

SUBLIMATIO est operatio , qua solida corpora , calorico soluta , et sub vaporum forma elevata , minùs calidiori loco impingentia , solidam aggregationem recuperant , et ibidem adhærent.

Quid Torrefactio?

TORREFACTIO est operatio , qua solida corpora in oportunis vasibus reposita , ignis non validi actioni aliquandiù subjiciuntur , ac sæpiùs subagitantur , ut oportuna inter eorum principia alteratio obtineatur , vel ut à volatilibus substantiis liberentur , vel ut humiditate sublata , mixtioni aptiora reddantur , aut meliùs conservari possint. (1)

Quid Vaporisatio?

VAPORISATIO est operatio , qua corpora calorico soluta , et sub vaporum forma elevata , in auras evolant , ac ab illis residuum corpus liberum obtinetur. (2)

K

CA-

extrahenda corpora , *lixivia* dicta , *lixiviatio* solet nuncupari: Metallorum et plurium mineralium substantiarum solutio in igne , quoque *fusio* vocatur : Corporum autem solutio calorico effecta , *vitificatio* dicitur , dum corpora fusionis ope , in vitrum convertuntur. Omnes istæ operationes , aliæque hujusmodi , sub adducta solutionis definitione complectuntur.

(1) Caloris applicatio ad corpora torrefacienda , dicitur *calefactio* , quando per ignem fit ; *insolatio* quando per radiorum solarium applicationem perficitur , ac diversus caloris gradus adhibetur , prout diversus est torrefactionis finis : Hæc autem caloris applicatio ad salia muriatica , ut à crystallisationis aqua liberentur , *decrepitatio* vocatur ; quæ revera *torrefactionis* species est.

(2) Fluidorum corporum elevatio , ignis ope facta , *evaporatio* ab authoribus vocatur ; impropriè tamen , *evaporatio* namque propriè dici meretur , operatio qua aqua , v. g. in apertis vasibus , nullo adjuvante artificiali calore , aëri exponitur , à quo soluta , et in fluidum aërifforme conversa , sursum evehitur ; *vaporisatio* autem dici debet , operatio qua aqua , v. g. igni exposita , octoginta caloris gradus acquirens , sursum elevatur , seu , ut operationis nomen indicat , in vapores convertitur : Adeoque regulæ quæ ab authoribus docentur observandæ , nempe aëris ambientis renovatio , et major quo fieri possit contactus inter liquidum et aërem , ad operationem promovendam , quam illi *evaporationem* vocant , et *vaporisationem* ego nuncupavi , non congruæ imò potiùs nocivæ sunt ; propriæ autem

## CAPUT VI.

## DE OPERATIS PHARMACEUTICIS

## OFFICINALIBUS.

Quid per operata  
Pharmaceutica intelli-  
gendum?

Quot et quænam  
sunt operata Phar-  
maceutica officinalia?

**O**PERATA PHARMACEUTICA sunt operationum producta, generatim accepta, artis præceptis elaborata.

OPERATA PHARMACEUTICA OFFICINALIA, seu quæ in officinis parata ad tempus servantur, usui medico dicata, sunt: *Acetum, Alcohol, Aqua, Balsamum, Conserva, Confectio, Emplastrum, Extractum, Oleum, Pasta, seu Massa, Pulvis, Sal, Syrupus, Tabella, Vinum, et Unguentum*. Licet alia nomine diversa à prædictis sint medicamentorum genera, cum istis essentialiter conveniunt; ideoque sub eorum doctrina meritò complecti valent. (1)

ACE-

tem *evaporationi* absdubiò conveniunt. Fluidi aquosi ab acidis liquoribus separatio, ignis effecta, *deflegmatio* vel *concentratio* ab aliquibus vocatur; ac ejusdem elevatio ex succis, decoc-tis, vel infusis, ad extracta paranda, dicitur *inspiratio*; his autem, aliisque hujusmodi, prædicta *vaporisationis* definitio congruit.

(1) In operatorum profectò statuendis generibus (hic de officinalibus et magistralibus operatis, simul intellige) magnis pressus difficultatibus, stabiliendam doctrinam constitui, perspicuus maximam authorum discordiam, dum medicamentorum classes constituunt: Alii siquidem operatorum differentiam ab eorum viribus desumendam, alii à medicamentorum usu; plurimi à consistentia medicamenti propria accipiendam propugnant; cum tamen nemo ferè propositum systema completè absolvere queat. Hanc autem maximi ponderis questionem studioso animo pervolvens, mihi rationi consonum videtur, virium atque usus in operatis differentiam, ad Medicorum potius quam Pharmacopœi contemplationem pertinere; diversamque in operatis consistentiam, nequaquam essentialiter distincta medicamenta constituere; consistentia namque à diversa ingredientium

na-

Quid Acetum ?

ACETUM est medicamentum liquidum, ex purissimo aceto tamquam excipiente constans, quod è substantiis ejusdem actioni subjectis, efficaciora extrahit principia, ac solvit.

Quotuplex Acetum ?

ACETUM respectu ingredientium consideratum, duplex est, *simplex* scilicet, et *compositum*: *Primum* dicitur, quando unica substantia aceti actioni subjicitur; *secundum* verò, quando plurium ingredientium concursu acetum paratur: quoad procedendi modum in extractione, duplex quoque acetum adhibetur; *aliud* nempe quod simplici infusione absolvitur; *alterum* verò quod distillationis ope perficitur.

Quisnam sunt præsciendi canones seu regulæ pro acetis parandis ?

Ad aceta rectè paranda, hos canones seu regulas præ oculis habere, ac diligentè attendere, pharmacopeo opportunum est:

I Aroma cum aceto intimum connubium subire nequit; sicque in odorantibus acetis ritè distillandis, aliquantulum alcohol rectificati, cum aceto et aromatibus simul commiscendum est, antequàm ad distillationem aut infusionem procedamus.

K 2

Ne-

natura prodiit; præcipuamque inter operata distinctionem, à diversa manipulatione seu operandi modo ortum ducere; operata enim tamquam operationum producta, ab istarum diversitate distincta considerare oportet. Præterea quicumque operatorum doctrinam in Pharmaciæ Elementis pertractandam accuratè contemplari velit, apertè dignoscet, generalia præcepta seu regulas operatorum elaborationibus necessaria, et à Pharmacopeo præscienda, tamquam præcipuum hujusce materiei scopum esse dilucidanda: Non autem aptiori methodo talium præceptorum doctrinam, tyronibus exhiberi poterat, nisi sub eodem generico nomine singula operata includerentur, quæ eadem vel simili manipulatione elaborantur, ut ipsorum elaborationis præcepta idoneè singulis applicarentur; aliàs præcepta hæc sæpius repetere necessarium foret, eaque memoriæ mandare difficilis esset. Hoc modo videtur mihi, clariori aptiorique methodo doctrinam hanc à tyronibus disci posse; quæ quidem maximi facienda est, ac diligentè colenda, quoniam praxis singula principaliora continet præcepta: An verò rectè fecerim, æqui bonique æstimatores judicent.



II Neque in distillatione, neque in infusione, valido caloris gradui acetum subjiatur, quoniam facillimè empyreumaticum fit; sicque illa, balneo mariæ commodius instituitur; ista verò solis calore, vel gradu huic æquivalenti, semper instituenda est.

III Substantiæ admodum aquosæ, uti scylla, accuratè exsiccandæ sunt antequàm cum aceto infundantur; quoniam humiditate acetum debilius reddunt, eumque ad alterationem prædisponunt; illæ verò substantiæ, quæ per exsiccationem principia efficaciora deperdunt, ut antiscorbuticæ plantæ, recentes cum aceto infundendæ sunt.

IV Ad aceta infundenda, acetum album rubro tenuius, impendatur; imò acetum distillatum anteponendum, cum sit corruptionis expers: apud plures, macerationis loco, levis digestio diutiùs continuata, in usum venit; sed incongruè; acetum namque debilitatur, et aliquam patitur degenerationem.

V Metallica vasa quibus utimur in officinis, et terrea vitreata, nocivam et perniciosam vim aceto communicare valent; sicque vitreis vasibus ad aceta paranda uti debemus.

Quid Alcohol?

ALCOHOL est medicamentum liquidum, et spirituosum, ex spiritu vini tamquam excipiente conflatum, quod è corporibus ejusdem actioni subjectis, substantias efficaciores, et ab eodem solubiles deprompsit.

Quotuplex Alcohol?

ALCOHOL duplex est, ingredientium respectu consideratum; *simplex* nempe, et *compositum*: *Primum* dicitur, quod ex unico tantum ingrediente, præter excipiens, conficitur; *secundum*, verò quod ex pluribus paratur. Quo ad

ad procedendi modum in extractione , duplex est ; *alterum* quod sola infusione perficitur ; *aliud* verò , quod ope distillationis exequitur.

Ad alcohol rectè parandum , hos canones seu regulas diligenter servare oportet :

I Corpora menstrui actioni subjicienda, subtiliori comminutione sunt prædisponenda, prout difficilioris solutionis sit substantia extrahenda : perfecta vasis occlusio semper curanda , parva tamèn adhibita punctura , maximè si calor adhibetur : vas ad summum ad medietatem usquè materia oneretur , et ad ingredientium alterationem producendam ineptum eligatur : exactissima quoque colatio seu filtratio his operatis perficiendis sedulò adhibenda.

II Substantiæ quæ diversos habent solubilitatis gradus , non eodem instanti in spirituosio menstruo sunt infundendæ , sed illæ primò quæ minùs solubiles sunt , postea quæ facilius solvuntur , ut ex omnibus ingredientibus medicamentum debitam virtutem adquirat.

III Vegetabilia admodum aquosa, menstrui spirituosii vim dissolventem reddunt imbecillio-rem ; sicque accuratè exsiccata aptius menstruo commiscuntur ; cruciformibus plantis aliisque exceptis , quæ exsiccatione maximè efficacia-ritate privantur.

IV Distillatio in medicamentis valdè spirituosis in balneo mariæ semper est instituenda ; ac distillati liquores rectificandi sunt , ut perfectiores evadant.

V Substantiæ quæ solùm principia continent extractiva , incongruè subjiciuntur alcohol distillationi aut infusioni : si verò aquosum mentruum simul cum spirituoso permixtum sit , hoc solummodò per distillationem elicien-

Quisnam sunt  
sciendi canones seu  
gulæ pro alcohol pa-  
ado ?

ciendum ; aquoso namque menstruo debilitatur , substantias solutas deponit , et medicamentum lactescente colore afficitur. (1)

Quid Aqua?

AQUA est medicamentum liquidum ac diaphanum , aqua pura tanquam excipiente coalescens , quæ cum substantiis ab eadem solubilibus combinatur , vel substantiarum volatilibus principiis oneratur.

Quotuplex Aqua?

AQUA duplex est , nempe *aqua distillata* , et *aqua sine distillatione confecta* : Prima distillationis ope fit ; secunda verò simplici solutione paratur.

Quotuplex Aqua sine distillatione confecta ?

*Aqua sine distillatione confecta* , iterum duplex est ; altera quæ dici potest *medicamentosa* , et *mineralis artificialis* altera : Prima est aqua , quæ unam aut plures substantias , plerumque salinas , in maxima quantitate continet solutas : De altera verò , utpotè magistrali , suo loco pertractabitur.

Quisnam sunt præsciendi canones seu regulæ pro aquis distillatis parandis ?

Ad aquas distillatas rectè parandas , hi canones sedulò sunt attendendi :

Ex

(1) Quicumque tot varias operatorum descriptiones in Pharmacopæis perlustrare velit , quamplurima profectò operata sub diversis denominationibus adinveniet , quæ essentialiter idem sunt. Sic videmus operata quædam *tincturas* , quædam verò *elixiria* , alia *essentias* , alia verò *balsama spiriosa* , nonnulla *spiritus ardentés* seu *inflammabiles* , plurima tandem *aquas compositas* appellari , et forte alia , quæ omnia , si rem maturè perpendamus , nihil aliud esse videbimus , quam alicujus substantiæ vegetalis , animalis , aut mineralis , vel earum plurium solutiones in spiritu vinu seu alcohol. Hæc denominationum varietas absdubiò in medicamentorum cognitione confusionem parit ; qua de causa omnia illa operata , quæ nihil aliud sunt , quam nueræ solutiones aliquarum substantiarum in eodem et communi menstruo , nempe in alcohol , generico nomine *alcohol* , desumpto ex ipsius menstrui denominatione , cognoscenda esse judicavi. Rescentiores aliqui Pharmacopæi , hujus rei exemplum nobis præstant , in suis Pharmaciæ codicibus ultimò editis , quod quidem in nova chemiæ nomenclaturæ efformatione sapientissimi ejus reformatores quoque præ oculis habuerunt.



I Ex inodoris plantis aliqua absdubiò principia, distillationis ope, aqua depromit, nullius tamen ex illa efficacis virtutis emergunt aquæ: Ex animalibus quoque substantiis nullius virtutis aquæ eliciuntur: aromaticæ verò, ac antiscorbuticæ plantæ, efficaces aquas per distillationem præstant.

II Inodorarum plantarum distillatio cum earum succis expressis, inutilis est, balneum mariæ superfluum quoque, ut aquæ distillatæ viribus efficacibus præditæ obtineantur: Incasum quoque plantarum decoctum, et earum succus adhibetur aquis aromaticis distillandis, ut istarum virtus augeatur: In qualibet autem distillatione, liquoris sufficientem quantitatem, in vasis fundo remanere procuratur, aliàs enim aquæ distillatæ empyreuma contraherent.

III Pro aquæ inodoræ distillatione, herba minutim incisa, medietas circiter vesicæ cupreæ impleatur, superafundatur aqua communis ad duas tertias ejusdem capacitatis, et sequenti die igne moderato ad medietatem distilletur.

IV Pro aromaticis aquis oleosis distillandis, substantiæ minutim incisæ, vel comminutæ, in aqua immerganrur, ità ut commodè per ebullitionem commoveri queant; ad duas tertias partes ad summum alembicus materia oneretur, ac præcedenti digestionem aliqua vel maceratione, igne nudo, ebullientis aquæ gradu, distillatio instituat, quæ continuari debet, quousque stillans aqua parcam vel nullam spargit fragrantiam: In antiscorbuticis aquis eisdem circumstantiis, nulla tamen prævia digestionem, fiat destillatio, quæ, dum aqua stillans insipida percipitur, protinùs cessare debet,

In

V In aromaticis et antiscorbuticis aquis, perfectam vasorum occlusionem, pro earum distillatione et repositione totis viribus curare oportet; ac licet oleo essentiali omninò saturatæ, perfectiores judicentur aquæ oleosæ aromaticæ, tamen ab oleo essentiali supernatante exactè separari debent, ut idoneo usui satisfacere valeant.

VI Alembicorum constructio à Lavoisierio tradita valdè idonea est; et serpentinum quoque feliciter adhibetur aquarum distillationi: Vasa vitrea et terrea præferenda sunt; si cuprea tamen impenduntur, semper illis intus stanno benè obductis uti debemus. (1)

Quid Balsamum?

BALSAMUM est medicamentum liquidum, unguinosum sæpè, oleis aliquantulum densius, et balsami naturalis consistentiam frequentè æmulans, ex oleis crassis, aut essentialibus, vel tincturis spirituosiss, tamquam excipiente compositum, ac per resinosas substantias, vel extractivas, ceram, saponem, aut diversæ indolis pulveres congruentèr spissatum. (2)

CON-

(1) Quamplurima operata in Pharmacopæis transcripta adveniuntur, quæ *simplices aquæ* dicuntur, alia quæ *compositæ aquæ* nuncupantur, quorum excipiens non est aqua sed alcohol; proindeque ab aquarum numero eliminanda, ac potius, ut superius dixi, generico nomine *alcohol* insignienda sunt. Regula hæc Pharmaciae utilissima, in omnibus medicamentorum classibus stabiliendis tamquam generalis observanda est.

(2) *Balsami* nomen ita vagum est, atque volubile, ut ad certam medicamenti classem adstringi non valeat, ut jure advertit Laugerius: Dantur equidem balsama nativa, et artificialia, spirituosissima, oleosa, sulphurea, saponacea, unguentaria, variae formæ, et consistentiæ; quoniam balsami denominatio non à medicamenti forma, nec ab ejusdem manipulatione ortum ducit: Quapropter balsamum exacta definitione aptè explicari non potest; hancque quoad potui, genericam definitionem adduxi, ut Tyrones fortè hac de re interrogati, aliquo modo interroganti satisficiant: cuncta profectò operata *balsama* dicta, sub aliis operatis, uti alcohol, oleis, unguentis, et aliis, sedula inspectione complectuntur.

Quid Conserva?

CONSERVA est medicamentum molle, vegetabiles continens substantias, ope sacchari in forma pultacea conservatas.

Quinam sunt  
præsciendi canones  
u regulæ pro con-  
servis parandis?

Ad conservas rectè parandas, hos canones studiosè observare congruum est:

I Incongrua est vulgaris methodus saccharum pulveratum cum corpore conquasato permiscendi; saccharo enim vegetabili substantiæ tenuitèr adhærente, ejusque substantiam non penetrante, neque solvente, conservæ imperfectæ, et fermentationi citius obnoxia, hac methodo conficiuntur.

II Conservas parandi methodus absdubiò perfectior reddebatur à Mesue, aliisque Pharmaciæ Parentibus, dum conservas paratas per quadraginta dies insolabant, easque quotidie diligentèr permiscebant; non propter eorum animo fictam aqueæ et excrementitiæ substantiæ dissipationem, sed quoniam saccharum solis calore solutum, cum pulposa vegetabilium substantia intimum connubium subiens, completum et stabile efficiebat medicamentum.

II Conservas cum vegetabilibus exsiccatis et pulveratis parandi methodus à Baumeo descripta, et ambabus ulnis ab eodem amplexa, incompleta est; nam substantiis, quæ in exsiccatione alterationem patiuntur, præsertim antiscorbuticis, nequit applicari; longè plus laboriosa est, ut per se manifestè patet; ac conservarum finem et essentiam invertens, quoniam vegetabiles sicci, jam per se conservati, conservatione non indigent: aliundè sacchari dupla vel tripla ingrediens quantitas superflua est, vimque medicamenti minuit; talisque manipulatio potiùs genuinam conservam, quàm electuarium efformat.

IV Methodus magis expedita, et omni-

L

ni-



nibus numeris absoluta, hæc est à Laugerio descripta : Determinata quantitate succi in vegetabili conservando contenti, duplex sacchari puri quantitas ponderatur, in modica aquæ quantitate solvitur, ad tabellæ consistentiam excoquitur, et ab igne remotum, vegetabili substantiæ in pulpam redactæ, et in mortario marmoreo contentæ, successivè additur, conquisitè materiam subigendo, donec æquabilis mixtio perficiatur. Conservæ ita paratæ, dum tepent, reponantur, quæ diutiùs efficaces perdurant; et si decursu temporis granosam formam ostendunt, cum idoneo syrupo triturantur, et liquentur.

V Cum saccharum in conservis, medicamenti potiùs vim minuat, quàm augeat, duplum ratione ponderis succi in vegetabili conservando contenti, non verò totius vegetabilis, ut vulgò fieri solet, adhibere oportet; quam succi, respectu solidarum partium, quantitatem in pluribus vegetabilibus investigavit, et enumeravit solertissimus Baumeus in suis Pharmaciæ Elementis; adeoque istum circa hanc materiam elaboratum consulere indicem, in conservarum præparatione juvabit. (1)

Quid Confectio?

CONFECTIO est medicamentum puliforme, ex pulveratis medicamentis constans, cum excipien-

(1) Apud antiquos, vegetabilium partes recentes, saccharo condire in usu erat, quod duplici modo ab illis exequebatur; nempe saccharum cum vegetabili substantia in pulpam redacta, permiscendo; vel eandem substantiam tantummodò externè saccharo obducendo; quæ quidem singula operata, *condita* ab ipsis vocabantur: primæ autem speciei operata, veræ et propriæ *conservæ* sunt, sicque sub illarum doctrina comprehendenda; secundæ verò speciei operata, Dulciarii potiùs quàm Pharmacopæi objectum constituunt.

piente melleo vel syrupo permixtis , aut pulposis substantiis , pulverum mixtione congruentèr spissatis , coalescens.

Quinam sunt  
præsciendi canones  
u regulæ , pro con-  
fectionibus parandis ?

Ad confectiones rectè parandas , hi canones seu regulæ præsciendæ sunt :

I Confectiones plurimæ seu electuaria à remota antiquitate ortum ducentia , inutilibus et superfluis consarcinata medicamentis , uti metallis , gemmis , aliisque , absdubiò reformatione indigent ; cui operi Baumeus aliique recentiores , Chimiæ luce , felici cum successu operam dederunt ; sicque recentiores istos , pro exacta confectionum elaboratione consulendum.

II Ingredientium subtilissima pulverisatio , perfecta eorum commixtio inter se , et cum liquabilibus corporibus exquisitè solutis , ac eorundem cum excipiente exactissima unio , confectionum operationem constituunt. Confectionum consistentia , mellis vel therebinthinæ spissitudini circitèr æquare debet ; quæ constituitur talis per cohæsionem non diffluentem , et pulposam mollitiem , ac dicitur in praxi , *electuarii consistentia*.

III Ut hæc consistentia adipiscatur , diversa simplicium quantitas requiritur , pro ut diversæ naturæ sunt ; hæc autem generalis regula servanda : Corticum , lignorum , radicum , ac similium pulveres , syrupi excipientis triplum absumunt ; gumi-resinæ , ut galbanum , excipientis æquale pondus ; veræ resinæ , ut mastix , aliquantulum minùs ; metalla , eorum oxida , et ipsorum præparata insolubilia , ponderis dimidium , sicut etiam quamplurima salia neutra ; alkalia verò cum excipientis decima parte confectionis formam induunt ; extracta tandem excipiente non indi-

gent ob blandam eorum consistentiam , nisi admodum dura sint , quæ tunc excipientis tantillo emollida redduntur.

IV Si confectionum ingredientia invicem combinantur , atque adeò diversæ indolis corpora in confectione efformantur , excipientis quantitas non ingredientium proportionem sequitur , sed prout oportuerit , augeatur : Hujus exemplum præbent cremor tartari , et calcareæ terræ , dum electuarium simul componunt.

V Confectiones plurimæ , ut hyacinthorum , diascordii et aliæ , temporis decursu efficacia privantur ; quæ absdubiò in longum tempus magis perdurarent , si pulveres et extracta illas componentia , seorsim præparata , ubi eis uti oportuerit , cum excipiente commiscerentur : dubium autem restat , sola experientia comprobandum , an reliquis confectionibus methodus ista pariter quadret ; constat enim pulveres quamvis sollicitè custoditos , temporis cursu vapidos fieri , et in electuariis efficaces sæpius persistere. (1)

Quid Emplastrum?

EMPLASTRUM est medicamentum externum , solidam et tenacem consistentiam habens , calore ductile , ex oleis et axungiis tamquam excipientibus constans , quæ ceræ ac resinarum

SO-

(1) Differentia inter electuaria , confectiones , et opiatas , accidentalis est , ejusdem namque generis composita sunt ; sicque eodem generico nomine *confectionis* insignienda : *Opiatæ* enim nomen quibusdam confectionibus tribuebatur , inter quarum ingredientia opium numerabamus ; hunc autem loquendi modum jam consuetudo delevit. Excipientis quantitas pro confectionibus parandis , licet tripla , ut nupèr dixi , respectu plurimum corporum ingredientium communiter impendatur , hæc tamen in antiquioribus Pharmacie codicibus , generalis regula servatur : Excipientis quintuplum vel sextuplum pro confectionibus cardiacis , quadruplum pro purgantibus , triplum verò pro reliquis parandis confectionibus desumitur.



solutionis ope , vel plumbi oxidorum coctionis auxilio aptam spissitudinem adquirunt , ut massa commodè malaxabilis efficiatur.

Quotuplex Emplastrum?

EMPLASTRUM respectu materiæ , quæ illi consistentiam præbet , duplex est ; aliud quod à cera , resinis , aliisque aridis substantiis duritiem absumit , alterum verò quod à plumbi oxidorum coctione et solutione hujusmodi consistentiam mutuatur.

Quinam sunt præsciendi canones seu regulæ pro emplastris parandis?

Ad emplastra rectè paranda , hos canones seu regulas diligentè attendere consonum est :

I In primi generis emplastris , sola ingredientium proportio , ac fæcum depuratio est attendenda , eorumque præparatio simplici solutione perfecta , summè facilis evadit.

II Secundi generis emplastra , olei combustionem , ac incipiente oxidorum revificatione nigrescunt , dum sine aqua coquantur ; dum verò hæc coctionem ingreditur , oxidorum solutio ab oleis longiore tempore absolvitur , nulla tamen eveniente combustionem , ac emplastrica massa istius coctionis ope confecta , album vel cinereum colorem acquirit.

III In saturninis emplastris cum aqua decoquendis , primò oxidum plumbi dumtaxat cum oleo lenitè calefiat , et assiduè agitentur ; at studiosè cavendum , ne oleum comburatur ; lebeti postea ab igne remoto modica aquosi fluidi quantitas affundatur , et ad debitam consistentiam decoquatur emplastrum : Si tamen nova hujusmodi affusio fortè necessaria sit , hæc fieri debet , dum materia in lebetem contenta ab igne remota , intensum amiserit calorem , pistillo ligneo materiam in coctione continuò agitando , ut oxidorum combinatio cum oleis et axungiis facilius evadat. Ex hac combinatione , veluti quædam saponis metallici spe-

species emergit , cum quo mucilaginosæ substantiæ exactè combinantur ; quæ propterea in istius efformatione simul decoquantur ; frustrà enim oleorum cum mucilagine directè combinatio tentatur.

IV Cera , terebinthina , cæteraque similia corpora liquationi idonea , in emplastris sub coctionis finem , liquari debent , ac sapo pariter tenuitè abrasus , continua agitatione liquandus. Reliqua verò ingredientia , emplatricæ massæ permiscenda , huic semirefrigeratæ , sequenti ordine ac methodo addenda sunt: Gummi-resinæ in aceto solutæ , et post colaturam ad mellis consistentiam adductæ , aptiùs tamen , si fieri potest , pulveratæ : Resinæ quoque in pulverem redactæ , meliùs si aliis pulveribus pernixtæ : Extracta summè spissata , minimè indurata , strenua agitatione : Mercurius terebinthina extinctus : Camphora oleo soluta : Pulveres subtiles setacei ope inspersi , assidua agitatione extra ignem : Ultimò tandem olea essentialia massæ penè refrigeratæ instillanda.

V Emplastra quæ substantiis carent extractivis , aut gummosis , diutiùs cum aqua malaxare oportet ; quæ verò illas continent , per malaxationem cum aqua , extractorum pars deperditur , ac emplastri consistentia diminuitur ; sicque oleo parumpè tantùm oblinita , papiro obducta reponantur.

VI Debitam consistentiam adquisivisse emplastrum dignoscimus , dum ejusdem massa refrigerata , instar emollidæ ceræ blanda evadit , ac digitis malaxari potest , quin illis adhæreat.

Quid Extractum ?

Extractum est substantia quædam , idonei menstrui ope à corporibus separata , quæ  
mens-

menstrui partiali aut totali segregatione, pura obtinetur.

Quotuplex Extrac-  
tum?

Extractum respectu naturæ et proprietatum ipsius, quintuplex est: Gummosum nempe aut mucilaginosum, resinosum, gummeo-resinosum, saponaceum, et aliud tandem particularis naturæ, substantia, *extractiva* ab authoribus vocata, coalescens. Primum est substantia glutinosa, crassa, insipida, prorsus aquæ, minimè verò alcohol actione solubilis, quæ omninò exsiccata, fragilis evadit, aëris oxigenium non absorvet, acidum pyro-mucosum distillationis ope abundè præstat, in radicibus, foliis, et truncis tenerissimis reperitur, atque vel è vegetabilibus spontè fluens naturalitèr separatur, ut gummi arabicum, vel artificialitèr menstruo aquoso talis separatio fit, tuncque illius productum inter magistralia medicamenta adnumeratur. Secundum est substantia mollis aut sicca, nihil admodum odorifera, minimè aquæ, prorsus verò alcohol actione solubilis, cujus ope è corporibus separatur, ipsiusque natura oleo volatili spissato, ampliùs oxigenato, conformis existimatur. Tertium est succus concretus partim aqua, aut aceto solubilis, et cum ipsis fluidum lactescens efficiens, qui ampliùs alcohol actione solvitur, atque non spontè sed scissionis ope è vegetabilibus effluit. Quartum est plantarum succus idoneè spissatus, præter alias vegetabilibus proprias substantias, salia essentialia abundè continens, qui fluidum aëris aquosum validè attrahit, tuncque in liquidum syruposum convertitur. Ultimum tandem est substantia fusca et arida, aqua omninò solubilis, ex vegetabilium succis, infusis, aut decoctis idoneè spissatis



tis educta , acidum quoddam , ammoniacæ paucum , et oleum præbens distillationis ope , ex carbonio , hydrogenio , azotico , et oxigenio constans , quæ humidum aëris aquosum paululum attrahit , et illius oxigenium avidè absorbet , cujus combinatione , extractiva substantia resinosam naturam absumit , et aquoso menstruo insolubilis , ab illo præcipitatur.

Quinam sunt præsciendi canones seu regulæ pro extractis parandis?

Ad extracta rectè paranda , hos canones seu regulas accuratè servare opus est :

I      Liquida , ex quibus vaporisationis ope extracta obtinentur , sunt vegetabilium succi , eorundem infusa aut decocta ; adeoque pro istorum præparatione adducti canones , ad hæc operata pertinentes , consulantur : Hic tamen pro comperto habeatur , extractivæ ac saponacæ indolis substantiarum extractionem , aquæ puræ actione accuratissimè perfici ; si verò aliqua resinosa principia illæ contineant , earum tunc , sicut etiam gummeo-resinosæ indolis substantiarum extractio , aquosi et spirituosi menstrii actione separatim perficienda , atque ambarum solutionum extractionis residuum , idoneè permixtum , extractum congruentè elaboratum præbebit.

II      Vegetabilium infusa , succos , et decocta pleraque , albuminum ovorum ope , antequàm spissentur , clarificanda esse , edocent plurimi ; nequaquàm è diverso defæcanda , aliqui autumnant ; nimiam autèm purificationem , sicut etiam nimiam impuritatem , tamquam duo extrema æquè vitanda esse , Laugerius opinatur ; cujus sententiam , rationali praxi magis conformem , insequendo , succos , infusa , et decocta , non aliter quàm per subsidentiam et colum accuratè defæcanda esse , congruum videtur.

Li-

III Liquidorum vaporisatio pro extractis parandis , lenissimo calore est exequenda ; quapropter vehiculi tantummodò necessarium impendatur , ejusque subtractio balneo mariæ absque ebullitione efficiatur ; quoniam substantiæ in vaporisationis decursu secedentes , ( ut in saponaceis extractis præsertim contingere solet ) vasis fundo adhærentes , ustioni subjectæ sunt , et empyreumaticum odorem extractum acquireret.

IV Ut resinæ perfectè solvi et extrahi valeant, spirituosum menstruum adhibeatur, et istius nova quantitas sæpiùs infundenda cum resinosis corporibus , subtilissima pulverisatione prædispositis : Spirituosum menstruum efficaciori vi solvente præditum , est æther exactè depuratus : Alcohol quamvis rectificatum non puris resinosis principiis oneratur ; quo magis autem aquosum est , magis extractiva et gummosa principia , solvere valet. Aqua his solutionibus affusa , cum spirituosum menstruo combinatur , et substantia soluta in fundum delabitur , quæ filtrationis ope separatur , et exsiccationi traditur ; si verò in alembico vitreo , balneo mariæ instructo , distillatio instituitur , spirituosum menstruum obtinetur , quo ut antea commodè uti possumus.

V Vinum vaporisatione spissatum , crassam et spissam substantiam præstat , quæ permixta manet cum extractis menstruo vinoso confectis ; sicque extracta vino confecta , pura non sunt ; at si ejus ope parentur , minori quoad fieri possit vehiculi quantitate efficiantur.

VI Vasa extractorum vaporisationi destinata , debent esse terrea vitreata , porcel-

cellanea , aut argentea ; hæcque operatio in apertis vasibus instituenda : Pro solutionibus autem extractivæ materiæ perficiendis , earumque vaporisatione rectè exequenda , aëris contactus cum liquido in harum operationum decursu sedulò vitandus ; extractivæ namque substantiæ indoles , oxygenii combinatione , invertitur : an verò hæc resinosa , et liquido aquoso insolubilis efformata substantia , omni virtute careat , aut vi aliqua efficaciori polleat , experientia comprobandum est.

VII Extractorum consistentia per illorum densitatem dignoscitur , quæ generalitèr idonea judicatur , dum extracta mellis spissioris densitate gaudent , aut eorundem portiuncula super cartham extensa , nullum humiditatis signum in adversa parte observatur ; saponacea verò extracta , ut magis conserventur , ad siccam ferè consistentiam reducuntur ; resinosa tandem , seu puræ resinæ , perfecta soliditate ferè semper donantur. (1)

Quid Oleum?

Oleum est medicamentum liquidum , unguedinosum , plerumque fluidum , in aqua insolubile , et inflammabile.

Quotuplex Oleum?

Oleum vel consideratur ut medicamentum ex diversarum substantiarum artificiali combina-

na-

(1) *Rbob* , *sapa* , et *defructum* , vocabula sunt ab antiquis desumpta , ad quasdam extractorum species designandas , quæ vera extracta sunt ; sicque sub eodem capite et doctrina meritò includantur : *Rbob* enim aqud antiquos erat , succus depuratus cujuslibet fructus , ad mellis consistentiam spissatus : *Sapa* vocabatur uvarum succus , ad eandem consistentiam coctus ; sicque *rbob* species est : *Defructum* verò , idem uvarum fructus dicitur , tertia saltèm suæ humiditatis parte , evaporatione destitutus. Resinæ menstruo spirituroso extractæ , licèt communem extracti consistentiam non habeant , essentialitèr tamen quoad operationem , cum ipsis coeunt , sicque inter extractorum species enumerandas fore judicavi , ut à meo proposito systemate nullatenus discedam.



natione , aut mixtione resultans , vel ut substantia , quæ in corporibus naturaliter efformata , ab ipsis , artis auxilio segregatur ; cujus constituentia principia sunt carbonium , hydrogenium , et oxygenii parum. Si primo aspectu consideratur , est medicamentum liquidum et unguedinosum , ex oleo communi seu olivarum , plerumque tamquam excipiente constans , quod unius vel plurium substantiarum principia ab eodem solubilia extrahit , ac solvit , infusionis , digestionis aut decoctionis auxilio. Oleum verò , ut substantia è corporibus extracta , triplex est ; nempe *oleum fixum* , *oleum volatile* , et *oleum empyreumaticum* dictum , seu *fætidum*. Primum est corpus crassum et unguedinosum , saporis dulcis et nauseabundi , inodorum , spiritu vini insolubile , quod calore aquæ ebullientis nequit elevari , materiæ mucosæ aliquantulum retinens , et butyraceam aliquandò consistentiam habens , dum ab aliquibus seminibus extrahitur. *Oleum volatile* corpus est plerumque fluidum , et unguinosum , saporis acris , et caustici , spiritu vini omninò solubile , quod calore aquæ ebullientis elevatur , acidorum contactu inflammatur , aroma sive odoris principium plantarum , è quibus elicitur , continens. *Oleum verò empyreumaticum* seu *fætidum* est corpus fluidum , spissum , unguinosum , nigricantis coloris , odoris summè fætidum , acris saporis , spiritu vini insolubile , quod vehementissimo tantùm caloris gradu elevari potest ; repetitis autem distillationibus , præcipuè aluminosa terra permixtum , tenuitatem , volatiliteratem , ac pelluciditatem recuperat , et causticitatem amittit.

Ad olea rectè paranda , his canonibus seu regulis incumbere , Pharmacopæo oportunum est :

Quinam sunt præ-  
endi canones seu re-  
ulæ pro oleis paran-  
s?

I Oleum, infusionis, digestionis, et decoctionis auxilio, substantias tantum resinosas, oleosas, pinguedinosas, et aroma solvere potest; diversaque methodo prædictis solubilibus substantiis onerantur olea, prout diversæ naturæ sunt extrahendæ substantiæ: Incassum ideò cum oleis coquantur aut infunduntur mucilaginosæ, extractivæ, atque omnes ferè animales substantiæ, in quorum præparatione oleum et opus Pharmacopæos perdidisse, dubitari non licet: Quapropter medicata olea, maxima sanè indigent reformatione.

II Sic flores aroma refertæ, præcipuè non oleosæ, ut jasmini, purissimo oleo permixtæ, et sæpiùs recentè affusæ, prioribus detractis, in vase vitreo optimè clauso, æstivò solis calore foyente, oleum præbent aromaticum præstantissimum: Digestionis quoque auxilio in vase operculato paratur oleum florum et herbarum, quæ oleum essentielle continent, ut rutæ, quod nova infundendæ substantiæ additione, anteriori sublata, summè aromaticum et efficacissimum prodiit: Decoquendæ sunt verum in oleo comuni, herbacæ plantæ recentes conquassatæ, veluti cicuta, ut oleum substantiam earundem resinosam colorantem solvere possit; ac oleum exactè elaboratum, et efficax censetur, dum consumpta humiditate, grato viridi colore satis tinctum videtur: Si autem infundendæ quædam, et aliæ sunt decoquendæ cum oleo substantiæ, semper decoctio infusionem præcedere debet.

III Humiditate olea facilitè rancescunt; adeoque ab humido coctionis ope exactè privari debent; quæ quidè operatio lenissimo calore, meliùs balneo mariæ exequatur; oleum namque, caloris actione, altera-

tio-

tioni valdè obnoxium est , acre fit , et fortè perniciosum redditur : Humidum verò ex toto consumptum esse exactè dignoscitur , dum istius olei decocti aliquot guttulæ , prunis affusæ , non decrepitant , sed placidam et luculentam flammam producunt.

IV Ut oleorum fixorum extractio rectè exequatur , nullus caloris gradus adhibendus , quoniam caloris ope olea facilitè rancescunt ; sed ex diù et validè subæctis corporibus , et cannabino panno involutis , torcularis vi oleum extrahatur ; ea autem corpora quæ plurimum humiditatis habent , aut mucilaginis abundant , idonea præcedenti torrefactione , oleum majori copia præstant , quod magis difficultè rancescit : Olea verò fixa butyracea , ut à seminibus , v. g. cacao , eliciantur , semina conquassata , levitè torrefacta , fervida , et exsudantia aquæ ebullienti committantur per horæ circitè spatium , atque affusa tunc aqua frigida , et vase in quiete reposito , in liquidi superficie olea butyracea colliguntur ; quibus oleosis corporibus aliquandò oleum essentielle , et volatile adhæret , ut nuci moschatæ , et lauri baccis ; at utrumque seorsim obtineri potest , si in alembico , recipiente instructo , decoctio instituat.

V Corpora quæ oleum volatile liberè et copiosè continent , idoneè expressa , oleum præstant aroma refertum , mucilaginis tantillo permixtum , à quo per quietem separantur : A reliquis verò substantiis , oleo essentiali præditis , aquæ affusis , distillationis ope , illud extrahitur , et majori copia obtinetur , si aqua aromatica ex distillatione residua , cum nova quantitate ejusdem materiæ denuò subjiciatur distillationi : Licèt autem olea essentialia tem-



poris decursu fluiditate et odore priventur, nova distillatione, fluiditatem recuperant, et si recenti materia distillatio perficiatur, aromatica quoque redduntur.

VI Olea essentialia exotica, licet aqua ponderosiora, ejus tamen auxilio, in distillatione elevari, et obtineri possunt, sicut indigena olea; ad quam operationem perficiendam, apparatus à Baumeo descriptus idoneè adhiberi potest.

VII Oleorum fixorum mucosa substantia, temporis decursu cum oxigenio combinatur, qua de causa rancescunt olea; adeoque mucilaginis separatio tentanda, et gas oxigenii contactus sedulò vitandus, ut diutius illa conserventur: Olea volatilia oxigenii combinatione, solida redduntur, et veræ resinæ prodeunt. Quæcumquæ olea, validæ ignis actioni subjecta, partim hydrogenio privantur, et empyreumatica fiunt; quapropter hæc, licet naturalia, arte tamen alterata dici debent. Si essentielle oleum empyreumatico permixtum sit, in alembico vitreo, idonea aquæ quantitate affusa, distillatio instituat, cujus ope oleum essentielle exactè separatur.

Quid Pasta seu  
Massa?

PASTA seu MASSA, est medicamentum duriusculum, sectile, pressu sequax, et ductile, commodè autem malaxabile, ex pulveratis medicamentis, apto excipiente subactis coalescens, liquatis aliquandò permixtis corporibus. Ex massæ seu pastæ divisione in minores portiunculas, prodeunt *pilulæ*, *trochisci*, et *tabellæ sine igne*.

Quid Pilula?

PILULA, seu CATAPOTIUM dicitur, massæ pilularis portiuncula in sphæricam formam globata.

Quid Trochiscus?

TROCHISCI vocantur massæ friabilis ac facili-

cilè exsiccabilis portiunculæ , in orbiculos seu placentulas , aut parvos panes satis crassos dispositæ.

Quid Tabella sine igne ?

TABELLA SINE IGNE nominatur , tenuis et plana portiuncula pastæ , ex pulveribus saccharo et mucilagine frigidè conglutinatæ composita , vel ex pulposis substantiis saccharo spissatis conflata , figuram complanato-rotundam , vel quadratam plerumque servans.

Quiaam sunt præcendi canones seu regulæ pro pasta seu massa paranda ?

Ad pastam seu massam rectè parandam , hos canones seu regulas præscire , Pharmaciae candidatis maximè congruit :

I Perfecta substantiarum aridarum pulverisatio , debita liquabilium corporum idoneo menstruo liquatio , exactissima istorum omnium inter se , et cum excipiente permixtio , ita ut ingredientibus æqualitèr distributis , homogenea massa in omnibus partibus , digitis non cohærens , et malaxabilis resultet , atque in minores portiunculas commodè divisibilis , præcipuè attendenda sunt , pro exactiori cujuslibet massæ seu pastæ elaboratione : Ut operatio hæc rectè absolvatur , massa in mortario , idoneo pistillo diutiùs subigenda est ; quæ quidem instrumenta , ingredientium quantitati accomodata , et infestam vim illis conferendi inepta , eligantur.

II Excipiens , ex quo pilularum massa conficitur , debet esse melleus vel syruposus , qui aptus sit , ne efformatæ pilulæ siccæ vel duræ reddantur , difficiliter enim tunc in sthomaco ab humoribus solvi valent , et segniori vi agerent ; quod si fortè contingat , eodem vel idoneo menstruo denuò emollida massa perficiatur : Ad pilularum autem exactiorem , et magis expeditam divisionem , adhiberi potest pilularis machi-

na

na à Germanis inventa , et in Pharmaciæ Bau-  
mei Elementis descripta : Efformatæ verò pi-  
lulæ immediatè in aliquo receptaculo repo-  
nantur , et cum amyli vel liquiritiæ pulve-  
re identidèm pèrvolvantur , ne invicem cohæ-  
reant.

III Trochiscorum excipiens non debet  
esse melleus nec syruposus , sed succus,  
mucilago , vel materia quævis , quæ promp-  
tè et omninò siccetur ; efformati trochisci su-  
bitò leni calore siccentur , et in obturatis va-  
sibus , in loco nequaquam humido reponantur.  
Baumeus aliique Pharmacopæi tamquam inuti-  
lem judicant trochiscorum præparationem , ac  
solos ingredientes pulveres , aptè repositos suf-  
ficere opinantur ; superest autèm demonstran-  
dum repositos pulveres viribus illibatis diu-  
tiùs perdurare , quam trochiscos ; imò veri-  
simile videtur , juxta Laugerii mentem , plu-  
res , quæ difficiliter conservantur pulveres,  
sub trochiscorum forma diutiùs conservari.

IV Excipiens tabellarum , quæ sine igne  
conficiuntur , debet esse mucilago vel simile cor-  
pus , ex cujus prompta et completa exsicca-  
tione , fragiles et aridæ tabellæ valeant pro-  
dire : Saccharum , quod in maxima quantitate  
sæpè tabellarum compositionem ingreditur , al-  
bissimum et siccissimum eligatur. Tabellarum  
pasta efformata , super chartam pulvere amy-  
li conspersam , cilindro ligneo complanetur ,  
ac ferro in coni figuram formato , discindan-  
tur æqualis magnitudinis tabellæ , quæ in  
loco calido suprà cribrum protinùs siccandæ  
sunt : Amylum sacharo præferendum ad ejus-  
modi inspersionem , magis enim tabellarum sic-  
citati conducit ; inspersione autèm levis et æqua-  
lis fiat , et exsiccata tabellæ levi concutio-  
ne



ne ab amylo secernantur , et in loco sicco reponantur.

Quid Pulvis?

PULVIS est medicamentum aridum ex unica substantia pulverisationis aut lævigationis ope , in subtilissimas partes divisa , constans , vel ex pluribus substantiis idoneè pulveratis , simul permixtis , coalescens.

Quotuplex Pulvis?

PULVIS , duplex est, *simplex* nimirum, et *compositus* : *Primus* dicitur , qui ex unius tantum substantiæ pulverisatione , aut lævigatione resultat : *Secundus* verò , qui plurium substantiarum simul , aut per se pulveratarum permixtione , efformatur.

Quinam sunt præciendi canones seu regulæ pro pulveribus parandis ?

Ad pulveres rectè parandos , hos canones seu regulas sedulò perpendere , absdubiò convenit:

I Substantiæ quæ fragilis et asperæ texturæ sunt , nihilque penè flexibiles , porphirio levigandæ veniunt ; quæ duræ , sufficientè tenaces , ac benè flexibiles sunt , in pulverem redigantur : Ante pulverisationem verò à substantiis extraneis , et inutilibus corpora separantur ; quæ summè aquosa sunt , debitè priùs exsiccare debent ; quæ admodum tenacia , ipsa priùs discindere , abraderè , aut crassè comminuerè oportet ; quæ autem durissima sunt , priùs radenda , vel limanda veniunt.

II Actio in trituratione indifferens non est ; fortis enim debet esse ad substantias duras , et lignosas in pulverem reducendas , levis verò ad corpora friabilia , parùmque tenacia pulveranda : Humiditas aquosa mirificè pulverisationem resinarum juvat ; ad sicca et aromatica corpora pulveranda , ipsa quoque levi aspersione convenientis aquæ humectare oportet ; fractu contumaces substan-

tiæ, ut gummi-resinæ, commodiùs in pulverem reducuntur, si olei expressi aliquot guttis vasis pistilli et mortarii fundum inunguntur: Corpora aliquantùm pulverata, per idoneum cribrum trajicere oportet, ut pulverum separatio idoneè perficiatur: Nocivum effectum acrium quorundam particularum, quæ aliquandò pulverisationis ac cribrationis tempore elewantur, Tyrones vitare debent: Vasa tandem et instrumenta materiæ pulverandæ quantitati accomodata, et nocivam vim illi communicandi inepta eligantur.

III In subtiles particulas corpora, quæ lævigari debent, priùs redacta, postea lævigationi subjiciantur; quæ quidè exactioni et faciliori methodo perficitur, si liquidi cujusdam aquosi auxilio instituatur, ita ut fiat massa pultacea mediæ consistentiæ; aliquibus exceptis consortium aquosum respuentibus, ut succinum, quæ aquosi fluidi ope non citiùs lævigantur; illo verò nequaquàm utendum in substantiis lævigandis, quæ principiis salinis vel mucosis, aqua facilè solubilibus, coalescunt, aut liquidi actione alterationi obnoxia sunt. Corpora sufficientè lapide porphirio lævigata dicuntur, quando pulvis vel pasta nullum stridorem sub dentibus exerat, nullusque abrasionis sensus, digiti apice percipi valeat; tuncque (si aquosum menstruum lævigationem intervenit) infundibuli ope in parvulos trochiscos massa subitò reducatur, ac isti promptè excissentur, aliàs enim materia corruptioni subjecta foret.

IV Ad compositam pulverisationem exactè perficiendam, priùs pulverisationi committantur durioris texturæ corpora, ut ligna, et radices; postea substantiæ non adeò compac-

pactæ , ut cortices plurimi ; deindè corpora minùs dura , ut fructus nonnulli aridi , semina non aromatica ; tandem friabilia corpora pulverisationi destinantur : Prætereà humidiora corpora , siccioribus in pulverisatione sunt permiscenda ; oleosa , ut aromatica plurima , lignosis et aridis commiscenda ; si tamen sericum crudum , et spica nardi , pulverem compositum ingrediantur , forficibus minutim incisa , singulis corporibus , in pulverisatione anteponeere oportet : Lævigatæ substantiæ , vel aliæ si fortè seorsim pulveratæ sint , pulvere composito permisceri debent , omnesque pulveres jam permixti rariori cribro trajiciantur , ut exacta inter singula ingredientia mixtio procuratur , quæ sedulò et præcipuè in hoc medicamento tentanda venit.

V Blandæ ac molliores substantiæ , quæ seorsim tritulari nequeunt , in mortario marmoreo idoneè subactæ , cum reliquis substantiis aridis jam pulveratis et permixtis , sensim commiscendæ sunt , ac per idoneum cribrum simul trajiciendæ.

VI Semina , ac omnes oleosæ substantiæ , quæ facillimè rancescunt , cum officinalibus pulveribus incongruè permiscuntur ; sed quoties pulveres præscribuntur , quorum compositionem substantiæ illæ ingrediuntur , pulveribus illas adjungere opportunum judicatur. (1)

SAL , est medicamentum resultans ex perfecta combinatione , ac mutua saturatione acido-

N 2

do-

(1) Pulveres quidam compositi diversas accipiunt denominationes , prout usui diverso destinati sunt : Sic pulveres ad dentes dealbandos et fortificandos , *dentifricum* communiter appellantur ; pulveres ad oculorum morbos curandos compositi , *collyrium siccum* aut *sief* dicuntur ; pulveres verò ex pluribus di-

ver-



dorum cum alkalinis , terreis , aut metallicis substantiis.

Quotuplex Sal?

SAL communiter in *naturale* et *artificiale* dividitur ; *illud* dicitur , quod à natura efformatur ; *istud* verò quod artis auxilio paratur.

Quinam sunt præciendi canones seu regulæ pro salibus parandis?

Ad salia rectè paranda , hos canones seu regulas præ oculis habere , haud absonum erit :

I Perfectam acidorum et basium depurationem , intimam eorum combinationem , et exactam mutuam saturationem , corporis tandem salini efformati perfectam à fæcibus et extraneis substantiis separationem , in salibus rectè parandis præcipuè considerare oportet.

II Ad salia efformanda determinari nequit ingredientium pondus , ab horum namque diversa vi , et puritate dependet.

Sa-

versæ naturæ substantiis coalescentes , at confectiones parandas efformati , *specierum* communiter nomen audiunt : Hæc autem nomina diversissima , ejusdem generis medicamenti absdubio applicantur. *Specierum* nomen tribuitur quoque collectionibus plurium plantarum siccarum , destinatis ad infusionem , vel decoctionem subeundam , alicui morbo curando propriam , uti sunt species pectorales , species vulnerariæ et aliæ ; quæ quidem collectiones hodierna die minime in usu sunt ; neco tamen judicio utilissimum foret similium collectionum usum magis universalem fieri , ut herbarum collectiones à peritis Pharmaceuticis et Botanicis factæ , indicationi jam cognitæ melius satisfacere possent , pro domestica commoditate ; quo quidem auxilio sublata maneret tot perniciosorum errorum causa , qui in decoctionibus et infusionibus domesticis , ægrorum detrimento , quotidie eveniunt. Verùm cum prædictorum collectionum ingredientia , eisdem calori subiciantur , ut illarum usus utilior evaderet , parandæ forent collectiones ex ingredientibus ejusdem vel simili texture , et magis minusve comminutis , prout difficultas in substantiis extrahendis , aut ignis applicatio diversæ forent : Quapropter species aliquæ infusioni deservirent , aliæ decoctioni destinarentur ; species quædam v. g. *apurientes* vel *refrigerantes* , ex radicibus componi deberent ; *adstringentes* species ex radicibus et corticibus ; *sudoriferæ* ex lignis et radicibus ; *emollientes* sicut etiam *amaræ species* , ex foliis et herbis ; *pectorales* ex floribus , et sic de cæteris.

III Sapor, et effervescentia ad saturationis punctum rigurose constituendum non sufficiunt, ac sæpius nos in errorem allicere valent; illius autem puncti solida cognitio tantummodò subjicienda est puris et exactis reactivis: Ad opus hoc perficiendum, usui Pharmaceutico sufficiunt tinctura crotonis tinctorii, et violarum infusio, aut ejus syrupus debito modo paratus.

IV Tinctura crotonis tinctorii, violarum infusio, et ejus syrupus, acidorum abundantiam manifestant, dum rubro colore tinguntur; violarum verò tinctura, aut ejus syrupus alkalia excedere indicant, dum viridi colore afficiuntur: His autem deficientibus reactivis, pulvis subtilissimus violarum benè exsiccatarum adhiberi potest.

V Salia quæ crystallisari possunt, crystallisanda sunt; crystallorum namque figura, salia faciliùs dignoscuntur; ac eorum exsiccatio super emporeticam chartam (quam sæpius mutare oportet) ad exactam perficiendam salium neutralitatem aliquandò jubabit: salia verò deliquescentia, et efflorescentia statim in benè obturatis vasibus reponantur: Vasa salium efformationi, crystallisationi, et repositioni dicata, eligantur materiæ quantitati accommodata, et nocivam vim corporibus communicandi inepta; ut liquidum tandem vasa permeare nequeat, curam adhibere oportet. (1).

Quid Syrupus?

SYRUPUS est medicamentum liquidum, ex infusis, decoctis, succis expressis, vel liquo-  
ri-

(1) Licet inter salinas substantias, acida et alkalina corpora sæpius collocentur, recentiorum chimicorum vestigia premens, sub salinum nomine atque classe, corpora tantummodò ex acidorum  
cum

ribus distillatis , cum idonea sacchari , aut mellis quantitate permixtis , confectum , et ad debitam consistentiam , caloris ope , redactum. *Liquida conserva* à Baumeo dicitur , et non immeritò ; ad corpora enim conservanda syrupi frequentèr conficiuntur , et sub liquido statu usui parata conservantur.

Quotuplex Syrupus?

Triplex est syrupus , *simplex* nempe , *mixtus* , et *compositus* : *Simplex* dicitur , qui unica substantia ( præter saccharum ) coalescit , et unica operatione absolvitur : *Mixtus* appellatur *syrupus* , ex unica substantia , duabus tamen diversis operationibus confectus : *Compositus* nominatur *syrupus* , qui ex pluribus constat ingredientibus , ac unius tantum vel diversarum operationum auxilio paratur. Prætereà syrupus distinguendus venit in syrupum per *solutionem factum* , et syrupum per *coctionem paratum* : *Primus* dicitur , qui solutionis ope fit ; *secundus* verò , qui coctionis auxilio perficitur.

Quinam sunt præsciendi canones seu regulæ pro syrupis parandis ?

Ad syropos rectè parandos , hos canones seu regulas maximè notas habere candidatos , ipsorum erit muneris :

I Substantiæ omnes , quæ ignis actione principia efficaciora amittunt , vel alterationi obnoxia sunt , cum sacchari albissimi pulverati dupla quantitate , respectu liquidi ingredientis , permiscentur , et aquoso bal-

cum aliqua base combinatione prodeuntia , optimo jure enumeravi. Phenomenorum ratio exactaque methodi descriptio , pro omnibus hujus generis operatis explanandis , nimis diffusa foret , atque ut ipsi debito modo incumberem , à mei instituti ratione aberrarem : Ut hanc ergo doctrinam calleant alumni , Fourcroy et Cahptal insignia Chemiæ opera , atque aliorum eximia Pharmaciæ scripta consulantur. Pari jure de acidorum et alkaliū præparatione , idem quoque dicendum ; quapropter generales expositæ regulæ pro salium compositione sufficiant , ut ex hac parte mei instituti rationem adimpleam.



balneo sacchari solutio perficitur ; liquor syruposus colatur , ac syrupus prodiit , qui dicitur per *solutionem factus* : Substantiæ verò illæ , quæ ebullitionis ope efficacia principia non amittunt , cum æquali circiter sacchari quantitate , respectu liquidi ingredientis permiscuntur , simul clarificantur , et despumantur , atque in debitam consistentiam excoquantur ; quorum plurimum compositio , ut cichorei , borraginis , et similium exactior eveniret , si herbarum succus depuratus , cum duabus tertiis partibus sacchari purificati permixtus , ad syrupi consistentiam lento igne excoqueretur : Syrupus ita paratus , vocatur *syrupus coctus* , seu per *coctionem factus*.

II *Syrupos per solutionem* in clausis vasibus parare necessarium est , dum liquidorum ingredientium vis in volatilibus principiis efficaciter residet , ut sunt aquæ spirituosæ aromaticæ , succi antiscorbutici , et alia : In apertis vasibus autem sacchari solutio à liquidis exequi valet , quæ volatilibus principiis carent , licet ignis vi alterationi obnoxia sint , ut corticis peruviani , ac hipecacuanæ infusa , et alia : *Syrupi per coctionem* pariter in vasibus apertis perficiuntur ; quæ ingredientium quantitati accomodata , et nocivam vim liquido communicandi inepta eligantur ; et hac ratione cupreis vasibus non utendum ad syropos acidulos perficiendos : Quidam verò syrupi substantiarum leviter aromaticarum , ut capilli veneris , coctionis opè facti , efficaciori vi gaudent , si ferventes effundantur in vas fictile , in quo fuerit strata eadem recens herba paululum contusa.

III Quando syrupum conficere intendimus , nedum principiis extractivis aut mu-

cosis, sed aromaticis, aut resinosis simul imbutum, eliciantur ista ope distillationis, aut infusionis idoneo vehiculo effectæ; ac sacchari sufficienti quantitate, *syrupus per solutionem* paretur; cum residui postea decoctione, et sufficienti sacchari quantitate, *syrupus per coctionem* conficiatur, cui tepido præcedens syrupus commisceatur; ex qua operatione syrupus exactè elaboratus prodibit, qui *mixtus* appellatur: Si autem liquidi, aromatica aut resinosa substantia imbuti, vel cujuslibet naturæ igne alterabilis syrupo cocto permiscendi modica sit quantitas, illud in *syrupum per solutionem* convertere, minimè opus est, sed syrupo cocto, vel saccharo clarificato, majori densitate prædito, tepido, et potius balneo mariæ temperato, idoneè permisceri potest.

IV Generalitèr syrupus idonea consistentia præditus judicatur, quando ejus gutta super unguem vel patinam effusa, difficultèr defluat; verùm syrupi consistentiam, illius natura, ac operandi tempestate perspectis, aliquantùm variare opus est; sic v. g. syrupi magis æstate sunt spissandi quàm hieme, et mucilaginosos syropos, temporis habita ratione, cæteris magis densare oportet: Ut exactam autem syruporum consistentiam commodiùs ac tutiùs dignoscere possimus, arëometri usum adhibere maximè congruit.

V Pelluciditatem in syrupis sedulò tentare debet Pharmacopæus, eorum namque conservationi plurimùm confert; sedulò tamen inspiciat, ne efficaci virtute hac de causa priventur syrupi, ac licèt aliqui pelluciditate perfecta careant, quoniam principiis extractivis et colorantibus necessariò conflantur, istos tamen aqua dilutos pelluciditatem monstrare opus est; balsamicis exceptis, qui pel-  
lu-

luciditate reverà privantur , et efficaciores sunt.

VI Syruporum exacta elaboratio , his duobus generalibus nititur fundamentis : 1.º , liquida syruporum basim constituentia , majori quoad fieri potest virtute prædita , accipienda veniunt , nisi fortè summa efficacia gaudeant , ut hipecacuanæ infusa , et alia , quæ tunc ad indicationem , et dosim præscribendam componere præstat : 2.º , liquidorum alterationem , in eorundem cum saccharo permixtione sedulò vitare , atque illibatis viribus efformatum syrupum constituere , necessarium est.

VII Non minùs syrupi parùm spissati , quàm candisati , licèt idoneè confecti , fermentationi obnoxii sunt , istorum namque liquor syruposus saccharum conservationi necessarium , ope candisationis amittit ; quibus quidem crystallis separatis , idoneo menstruo solutis , et syrupo additis , atque simul ad idoneam spissitudinem redactis , in pristinum statum syrupus restituitur ; si autem fermentationem passus sit , et acidum spiret , abjiciendus est.

VIII In syruporum superficie crusta quædam temporis decursu efformatur quæ syrupum ingratum , non tamen inefficacem reddit : Cofecti syrupi in phialis omninò humiditate orbatis , probè obturatis , et exiguiori capacitate præditis , prout minùs syrupi expediantur , reponendi sunt , ut magis conserventur ; atque si opus sit , denuò conficiendi. (1)

O

TA-

(1) Mellis naturam ad sacchari naturam accedere , eisdem ferè principiis constitutivis coalescere , ut analysis chimica edocet , ac eadem phænomena in ejusdem cum diversis medicamen-



Quid Tabella?

TABELLA, est medicamentum solidum, siccum, fragile, ex pulveribus saccharo ad plumulam cocto exceptis constans, et in tessellatas partes subdivisum.

Quinam sunt præciendi canones seu regulæ pro tabellis parandis?

Ad tabellas rectè parandas, hos canones seu regulas attentis hærere animis, est summè idoneum:

I Tabellarum massæ confectio, expedita dumtaxat ingredientium pulveratorum commixtione cum saccharo ad tabellandi consistentiam cocto, perficitur: Hæc autem dignoscitur consistentia, si in saccharo spumatorium immersum, dein remotum et sufflatum floccos exhibeat.

II Ingredientium quantitas ad tabellarum massam efformandam, simplicium naturæ et virtutis habita ratione, augenda vel minuenda est; ac licet octava simplicium pars respectu sacchari plerumque impendatur, hæc quantitas aliquandò paululùm augeri potest, si tamen nimium excedat, tabellarum efformationi opponitur.

III Si corpora quæ tabellarum compositionem ingrediantur, caloris actione efficacitate priventur, massa jam confecta, ab igne remota immisceantur, priusquàm illa effundatur: Extracta, conservæ, manna, cæteraque corpora, quæ aëris humiditatem attrahunt, et eorum ope, tabellæ solidam consistenten-

mentis permixtione experiri, omnibus satis notum et perspicuum est: Mellem ac saccharum æquales effectus, in eorundem cum liquidis medicamentis permixtione producere, et ob eundem finem mellea operata ab auctoribus confici, quo syrupi conficiuntur, neminem latet; qua de causa medicamenta mellea, hoc est medicamenta ex infusionum, decoctionum, aut succorum cum melle permixtione confecta, sub syruporum doctrina collocavi, ac sub diversa à syrupis classe occludenda, uti ab aliquibus fieri solet, incongruum judicavi.

tentiam amittunt , ab harum confectione excludere oportet , aliaque ejusdem virtutis , huic operi perficiendo aptiora , subroganda ; si autem magistrales , Medici jussu , efformentur tabellæ , substantiæ illæ tabellarum confectioni non officiant.

IV Tabellarum massa efformata calens, liquida , supra tabulam amylo vel saccharo pulverato conspersam effundatur , cilindro ligneo extendatur , et idoneo cultello in tesellas quadriangulares protinùs secari debet : Siccatæ tabellæ , in vasibus vitreis benè obturatis reponantur , ab aëris visciditudinibus liberæ , ne duritiem et soliditatem amittant , atque in loco nequaquam calido , ne vis ingredientium aromatica dissipetur.

Quid Vinum ?

VINUM , est medicamentum liquidum , ex vino rubro seu albo tamquam excipiente constans , quod macerationis aut infusionis auxilio , alicujus vel plurium substantiarum extrahit principia , ac solvit.

Quotuplex Vinum ?

VINUM duplex est , *simplex* nempe , et *compositum* : *Primum* dicitur , quando unica substantia vini actioni subjicitur ; *secundum* verò , appellatur , quando plures substantiæ in vino macerantur , aut infunduntur.

Quinam sunt præsendi canones seu regulæ pro vinis parandis ?

Ad vina rectè paranda , hos canones seu regulas præterire non debent Pharmacæi alumni :

I Vinum caloris ope principio spirituo-  
so privatur , magisque aciditati obnoxium est ;  
adeoque officinalia vina maceratione perficere , in frigido loco reponere , ac in bene obturatis vasibus conservare oportet ; quæ verò  
magistralia sunt , leni calore confici possunt ,  
ut citiùs obtineantur : Vina medicata quælibet  
priusquam usui veniant , filtrationi subjicere

præstat , nisi expressè contrarium præscribatur.

II Humiditate quoque vina efficacitate privantur , et aciditati magis obnoxia sunt , quapropter substantiæ , illorum confectioni destinatæ , humiditate prorsùs orbatæ insumantur : Ad magistralia autem vina perficienda , quaslibet recentes substantias adhibere minimè obstat , quoniam brevi temporis decursu solummodo conservari debent.

III Antiscorbuticæ plantæ semper recentes , cujuslibet vini , quamvis officinalis , macerationi subjiciendæ sunt , nedum quia per exsiccationem efficaciora principia amittunt , verùm etiam quoniam illarum humiditas non adeò facilitè vina ad aciditatem subeundam disponit : Quapropter antiscorbutica vina , diuturna maceratione conficere præstat , ac officinalia erunt. Plurimum notitia , quæ de alcohol infuso dicta manent , huic operato perficiendo maximè confert ; adeoque jure consulenda.

Quid Unguentum?

Quinam sunt præciendi canones seu regulæ , pro unguentis parandis ?

UNGUENTUM est medicamentum crassum et unguedinosum , usui externo dicatum , ex oleis , axungiis , aliisque crassis substantiis , cum cera , resinosi , aut mineralibus corporibus permixtis , confectum , consistentiam habens oleis densiorem , nunquam ad emplastricam accedentem.

Ad unguenta rectè paranda , hos canones seu regulas callere , Pharmacopeo opportunum est :

I Consimili methodo , eisdem ingredientibus , diversa tamen proportionem commixtis , plurima efformantur *cerata* , *unguenta* , *pomata* et *linimenta* , quæ propterea spissitudine solummodo distincta , sub eadem classe comprehendenda sunt. *Pomata* nempe dicuntur hujus classis medicamenta , quæ consistentiam habent axungie porcinæ similem ; *unguenta* sæpiùs paululum



lùm densiorem ; *cerata* mediam inter unguenta et emplastra ; *linimenta* dicuntur , quæ consistentiam habent oleis aliquantulùm spissiore , seu mediam inter olea et pomata ; linimenta autèm inter magistralia medicamenta numerantur.

II Quando cera oleis consistentiam mutuatur , illius dimidium respectu olei ingredientis sufficit ad efformanda cerata ; ad unguenta conficienda quarta pars tantùm requiritur ; ad linimenta verò solummodò octava pars plerumquè impenditur ; ex olei verò et ceræ æqualibus portionibus prodiit emplastrum.

III Aliquandò cera ab horum medicamentorum confectione prorsùs excluditur , vel minor illius quantitas compositioni adhibetur , habita spissitudinis ratione , quàm ex resinosis , mineralibus , aliisque substantiis olea et axungiae absumere valent ; in quorum commixtione et combinatione ad unguenta , cerata , pomata , et linimenta efformanda , canones pro emplastris adducti plurimùm conferunt , ideoque consulendi sunt : hæc autem singula operata , peculiari consistentia donentur.

## CAPUT VII.

### DE OPERATIS PHARMACEUTICIS

#### MAGISTRALIBUS.

Quot et quænam  
sint operata Pharmaceutica  
Magistralia ?

**O**PERATA PHARMACEUTICA MAGISTRALIA , seu quæ in officinis parantur , ubi præscribuntur , sunt : *Aqua mineralis artificialis* , *Cataplasma* , *Decoctum* , *Emulsio* , *Gelatina* , *Infusum* , *Looch* , *Potio* seu *Mixtura* , *Pulpa* , *Succus* , et *Suppositorium*. Licèt alia nomine diversa à prædic-

dictis sint medicamentorum genera, cum istis essentialitè conveniunt; quapropter sub eorum doctrina non immeritò comprehendi possunt.

Quid Aqua mineralis artificialis?

AQUA MINERALIS ARTIFICIALIS est medicamentum liquidum et diaphanum, ex aqua pura tamquam excipiente constans, quæ vel modicæ doseos substantiarum salinæ indolis solutione perficitur, vel gaseosis corporibus oneratur, vel utrisque coalescit.

Quotuplex Aqua mineralis artificialis?

Quoniam aquæ minerales artificiales ad naturalium imitationem communiter efformantur, sub eisdem divisionibus quibus istæ subjiciuntur, illæ quoque comprehendi possunt; et ideò in quatuor classes partiri queunt; scilicet *in acidulas, ferrugineas, sulphureas, et salinas*. *Acidulae* vocantur illæ, quæ acidum carbonicum sub statu gaseoso continent, ipsiusque propria sensatio in illis percipi valet: *Ferrugineæ* dicuntur, quæ ferro, plerumque ope acidi carbonici soluto, coalescunt: *Sulphureæ* appellantur, quæ gas hepatico, seu hydrogenio sulphurato conflantur: *Salinæ* tandem nominantur, quæ substantiis salinis exquisitè solutis constant, gaseosis verò substantiis, ac salibus ferrugineis carent. Classes istæ in varios ordines dividi possunt: de hac re, insignis Fourcroy consulendus est.

Quinam sunt præciendi canones seu regulæ pro aquis mineralibus artificialibus parandis?

Ad aquas minerales artificiales rectè parandas, hos canones sedulò intueri, maximè consentaneum est:

I ACIDULÆ AQUÆ à cæteris discedunt acidulo sapore, et proprietate tincturam crotonis tinctorii rubro colore tingendi; ad quas perficiendas aquas, gas acidum carbonicum cum aqua pura diutius subagitare oportet; quorum mutua saturatio æquali circitèr amborum volumine exactè conficitur: Quando  
au-

autem acidula aqua salinis substantiis simul imbuta præscribitur, istæ modica aquæ quantitate solutæ, acidulæ aquæ addendæ sunt. Acidum carbonicum huic operationi dicatum, ex creta, vel spatho calcareo pulveratis, acidi sulphurici ope idoneè extrahi valet.

II FERRUGINEÆ AQUÆ è cæteris differunt sapore, qui attramenti saporis consimilis est, et proprietate gallarum tincturam repente fusco vel nigricante calore afficiendi; ad quam operationem perficiendam, limaturam ferri subtilissimam cum aqua acidula idoneè macerare opus est: Aliquandò ferrugineæ aquæ quoque præscribuntur modica sulphatis færræ quantitate coalescentes, quæ simplici istius solutione in aqua perficiuntur: Quandò autem præter sulphatem ferri, vel ipsius carbonatem, aquæ gas acidum carbonicum liberè continentes conficiuntur, tunc *ferrugineæ acidulæ*, aquæ minerales appellantur.

III SULPHUREÆ AQUÆ à cæteris dissentiunt fætido odore, et proprietate sulphur deserendi, acidi nitrici commixtione; ad quam operationem exequendam, gas hydrogenium sulphuratum cum aqua distillata subagitare necessarium est; cujus gaseosi fluidi pollex cubicus circitèr ad libras tres aquæ saturandas sufficere constat: Gas hydrogenium sulphuratum, ope acidi sulphurici diluti idoneè extrahi potest ex sulphureto calcareo liquido, vel ex sulphureto ferreo, tribus ferri partibus, et sulphuris una composito.

IV SALINÆ AQUÆ à cæteris differunt, salso vel amaricante sapore; quæ præterèa nullum ex prædictis phænomenis, adductis reactivis subjectæ, offerunt: Ejusmodi aquæ, simplici solutione substantiarum salinæ indolis in aqua pura, perficiuntur. Quan-



V Quando ingredientium quantitas ad aquas artificiales efformandas à Medico definitè præscribitur, à formula præscripta non discedere, Pharmacopæi muneris est; quando verò aqua artificialis ad alicujus aquæ mineralis naturalis imitationem componi jubetur, istius exactior analysis à peritissimo auctore descripta, attentè consulenda est. Aquæ gaseosæ in crystallinis phialis, operculo crystallino obductis, inversis, et aquæ paululum immersis sunt reponendæ. (1)

Quid Cataplasma?

CATAPLASMA est medicamentum externum, molle, pultis consistentiam habens, ex vegetabilium pulpis, eorum pulveribus, farinis, aliisve corporibus, cum liquidis substantiis, crassis aut unguinis sæpè permixtis conflatum, simplicis commixtionis, et plerumque lenis coctionis auxilio, spissatum.

Quinam sunt præsciendi canones seu regulæ pro cataplasmatibus parandis?

Ad cataplasmata rectè paranda, hos canones seu regulas oportet attentè perspicere:

I Ex vegetabilibus plurimis, quæ cataplasmati conficiendo destinantur, decoctionis liquidum mucilaginosa et efficaciora principia absumit; adeoque remanentes pulpæ, liquidi copia abjecta, inefficaces sunt; quapropter ad has pulpas cataplasmati destinatas, idoneè perficiendas, vegetabilia minutim secta, superaffusa aquæ modica quantitate, lenitè excoquantur, donec inter digitos compressa in pul-

(1) Nimis diffusa foret completa aquarum mineralium artificialium naturæ, methodi parandi, ac instrumentorum quibus efformantur, descriptionis expositio; quæ omnia ab eruditissimis Fourcroy et Bergman omnibus numeris absoluta pertractantur; ideoque eorum scripta meritò consulenda sunt. Adductæ genericæ notiones ut opinor sufficiunt, ut mei instituti ratio, hac in parte completa evadat; aliqua enim adjuncta, operationi excoquendæ necessaria, pharmaceutica praxis edocet.

pultem diffuant; tunc incerniculi ope illa segregare, ac paulum subigere præstat: Quando pulveres vel aridæ substantiæ quælibet, pulpis permiscendæ sunt, sufficienti quantitate decocti residui illas diluere, levis aliquandò decoctionis auxilio, congruit.

II Methodus cataplasmata conficiendi cum vegetabilibus rectè siccatis, et pulveratis, ab eruditissimo Baumeo descripta, laboriosa est, ac præcedenti minùs idonea; aliquandò tamèn in usum congruentè vocari potest.

III Aromaticæ substantiæ exactè pulveratæ aut liquatæ, unguenta, pulpæ, aliæque similia corpora, cataplasmati confecto permiscenda sunt; si emplastra verum, præsertim saturnina cataplasma componunt; sufficienti olei quantitate priùs liquata, sensim cataplasmate commisceantur. (1)

Quid Decoctum?

DECOCTUM est medicamentum liquidum, efformatum alicujus vel diversarum substantiarum decoctione, idonei fluidi ope confecta; cujus auxilio corporum efficaciora principia ab aquoso liquido extrahuntur, ac ab eodem solvuntur.

tuplex Decoctum?

DECOCTUM, duplex est; *simplex* nempe, et *compositum*: *Primum* dicitur, quando unica substantia decoctioni subjicitur; *secundum* verò, quando plures substantiæ in eodem liquido decoquuntur.

P

Ad

(1) *Sinapismi* nomine quædam cataplasmatiss species venit, quæ pedibus admoveatur, acris substantiis coalescens, et plerumque *semine sinapi*, unde *sinapismi* nomen accepit; ideoquè opportunum censui *sinapismos* omnes sub cataplasmatiss generico nomine comprehendere, ac de eisdem separatim minimè pertractare.

Quinam sunt præ-  
ciendi canones seu re-  
gulæ pro decoctis pa-  
randis ?

Ad decocta rectè paranda , hos canones  
seu regulas manifestas habere aptum est , sum-  
mèque idoneum :

I In decoctionibus perficiendis , ingre-  
dientia decoquenda , decoctionis vehiculum,  
ebullitionis tempus , ac vasa huic operationi  
inservientia , considerare oportet.

II Substantiæ ad decoctionem confi-  
ciendam destinatæ , efficacibus principiis li-  
quido solvendis maximè onustæ , atque in exi-  
guas partes divisæ seligantur ; minimè ta-  
men in pulverem redactæ , quamvis enim de-  
bita colatura præcedat , decoctum fortè turbidum emerget.

III Vegetabilium recentium quarta  
pars plerumque impenditur , respectu liquidi  
ex coctione residui ; verùm si corpora exsic-  
cata coctioni subjicienda sunt , habita ra-  
tione diminutionis , decursu exsiccationis effec-  
tæ , exiguiori dosi decoctionem illa com-  
ponere præstat. Huic generali regulæ offi-  
ciunt aliquæ substantiæ efficacitate prædicæ,  
quarum minor dosis adhibenda , et aliæ è  
contrario maximè inefficaces , quarum ratio  
aliquoties augenda , prout usui particulari  
oportuerit , vel à Medico præscribatur.

IV Ad decoctiones perficiendas nun-  
quam vehiculum spirituosum insumatur , sed  
idoneum liquidum , quod extrahendas simpli-  
cium substantias exactiùs solvere possit , ac  
ignis actione alterationi minimè obnoxium sit:  
Absoluta cujuslibet vehiculi quantitas definitè  
constitui nequit , hanc namque ingredientium  
quantitati , et ebullitionis tempori respondere  
necessarium est.

V Ebullitionis tempus , decoquenda-  
rum



rum substantiarum texturæ habita ratione constituendum est , illæ enim quæ duræ admodum texturæ sunt , ut ligna , radices siccæ , animales substantiæ , et similia , aut quorum principia à decoctionis liquido difficiliter extrahuntur , longa seu forti indigent decoctione ; horum tamen plurima si infusione prædisponantur , brevi decoctione efficacius decoctum præstant : Teneræ radices , ut cichorei , et aliæ , satis per horæ quadrantem ad summum decoquuntur : Cortices , semina , ac fructus , minus fortem postulant decoctionem ; herbæ si exsiccatae levi parantur decoctione , ac leviori adhuc si recentes sunt.

VI Ebullitionis tempus ad decoctionem impendendum , liquidi vaporisatione expulsi quantitate perspecta , à plerisque constituitur , atque his pristinis ac peculiaribus regulis explanatur : Ligna ac radices duræ octo librarum vehiculi consumptione , aptè decoquuntur ; radices communes librarum trium ; semina unciarum viginti ; herbæ virides libræ unius et semisis ; fructus libræ unius ; flores denique unciarum duarum. Pro comperto tamen habendum est , plurima corpora incongruè decoctioni subjici solere ; ex eisdem namque faciliori ac feliciori successu efficacia principia , sola infusione eliciuntur , quod in pluribus nullo caloris gradu adhibito , foeliciùs contingit.

VII Istæ tamen observationes peculiares , Pharmaciæ praxi maximè necessariae , tamquam generalium decoctionis præceptorum exceptiones , sedulò attendendæ sunt : Animales substantiæ , quæ principia valdè solubilia vel volatilia continent , ut astacus , solummodò sunt infundendæ : Radices bulbosæ leviter decoque-

re præstat : Fructus aliqui acidi ut, tamarindi, sicut et laxantes, ut mirabolani, levi quoque solummodò indigent decoctione : Omnes adianti species, sicut et omnes flores, antiscorbuticæ plantæ, liquiritia, plantarum umbellatarum semina, quælibet aromaticæ substantiæ sive ligna, sive herbæ, sive cortices sint, purgantia resinosa, ut rhabbarbarum, et senna, ac ejusmodi plurima, decoctis jam paratis solummodò infundantur, ut decoctum accuratè exactèque elaboratum componant : Saccharinæ substantiæ, ut manna, decoctis priùs colatis solvendæ sunt : Resinæ, ut scammonium, semirefrigeratis addendæ.

VIII Ut decoctionis decursus idoneè perficiatur, liquorem sine intermissione levitèr ebullire præstat ; illi autem ebullienti validum adhibere ignem, incongruum est. Vasa ad decoctionem conficiendam destinata, satis capacia sint, ne liquor in ebullitione effundatur ; ac idonea materia constructa, ne liquidum ipsa permeare queat, neque infesta vi liquidum imbuatur. (1)

Quid Emulsio ?

EMULSIO est medicamentum liquidum, lactis colorem et consistentiam æmulans, grati saporis, emulsivarum seminum conquassatione, aquosi menstrui ope confecta, efformatum, ex oleis fixis vegetabilium constans, mucilaginis auxilio, aquoso fluido interjectis, ac

(1) Quando substantiæ animales decoctionem componunt, decoctum effectum, *jusculum* appellatur ; sicque *juscula* inter *decocta* enumeranda sunt, ac eisdem regulis pertractanda : Incongruum ergo foret sub diverso genere *juscula* et *decocta* collocare ; quemadmodùm lignorum et foliorum decocta, tamquam ejusdem generis medicamenta oportet considerare. Sub *Ptilisanæ* nomine quædam veniunt *decocta* tenuia, modica simplicium quantitate conflata, et potui usuali dicata. *Apozemata* è contrariò vocantur decocta, plurium simplicium copia efformata : Hæc autem vocabula tamquam superflua eliminanda, solunquæ *decocti* nomen horum operatorum cuilibet tribuendum esse, non vereor affirmare.

Quinam sunt præ-  
scribendi canones seu re-  
gulæ pro emulsionibus  
mandandis?

ac saccharo vel syrupo aliquo plerumque  
edulcoratum.

Ad emulsionem rectè parandas, hi canones  
seu regulæ observandæ veniunt:

I Ad emulsionem perficiendam hæc  
stabilienda methodus: Amigdalæ, aquæ ca-  
lidæ immersione excorticatæ, ac semina emul-  
siva idoneè expurgata, tantilla vehiculi por-  
tione in mortareo marmoreo exactè accuratè-  
que conquassentur, ita ut seminum medu-  
lla in massam subtilissimam redigatur. Mas-  
sa hæc, magna vehiculi parte diluatur; va-  
lida expressione per pannum cannabinum den-  
sum coletur; materia residua denuò conquas-  
sata, vehiculi reliquo diluatur, ut priùs co-  
letur; isti duo liquores permisceantur, ac sac-  
chari vel syrupi idonea quantitate gustu ju-  
cundi fiant: Liquor hac operatione confectus,  
*emulsio* vocatur.

II Nec substantiæ acidæ, neque liquo-  
res spirituosi, ad emulsionem conficiendam in-  
sumantur; emulsio namque quemadmodum lac,  
acidi contactu coagulatur: Quapropter emul-  
sionis vehiculum debet esse aqua pura, seu  
liquidum quoddam aquosum, accomodatum  
usui, ad quem emulsio destinatur.

III Seminum quantitas in emulsionibus  
conficiendis variè adhibetur, prout diver-  
so usui præscribantur: Sacchari vel syru-  
pi quantitas quoque indeterminata est; hæc  
autem generalis regula observari potest: Drach-  
ma una pulpæ seminum, pro singulis vehicu-  
li unciiis ad summum communiter desumatur;  
sacchari verò uncia una, cuilibet emulsionis  
libræ edulcorandæ destinari solet.

IV In lapideis marmoreis emulsio per-  
ficiatur, ænea namque instrumenta nocivam  
vim



vim emulsioni communicare possunt. Emulsio licèt idoneè confecta , non plus viginti quatuor horis , præsertim loco aut tempore calido , illibatis viribus conservari valet : Dupla autem sacchari quantitate in syrupum conversa , commodè per anni spatium , et ampliùs servari potest ; cujus cochlear unum aquæ sufficienti quantitate dilutum , extemporaneam præbet emulsionem.

Quid Gelatina ?

Quinam sunt præsciendi canones seu regulæ pro gelatinis parandis ?

GELATINA , est medicamentum diaphanum , glutinosum , consistens , tremulum , calore diffluens , frigore concreescens , saporis insipidi , mucilaginoso substantia coalescens , ex vegetabilibus et animalibus substantiis aquosi fluidi auxilio extracta.

Ad gelatinas rectè parandas , hos canones seu regulas diligentè attendere necesse est :

I Mucilaginoso substantia ex cartilaginosis , et osseis animalium partibus , et aliquibus vegetabilium fructibus extracta , *gelatina* semper vocatur ; eadem verò substantia ex radicibus , aliquibus fructibus siccis , ac quorundam seminum corticibus separata , *mucilago* dicitur ; ac ipsamet substantia *collam* efformat , dum ex albis animalium partibus plerumque segregata , in duram vel solidam massam reducitur.

II Licèt mucilaginoso substantia , animalis et vegetalis gelatinæ basim constituat , adeoque ut analogæ substantiæ dijudicentur , tamen si diuturna coctione ex animalibus corporibus gelatinosa substantia extrahitur , ut sæpiùs contingit , animalis limpha cum mucilaginoso substantia permiscetur , tuncque à vegetali gelatina aliquatenùs hæc discedit , ita ut gas azooticum et ammoniacum , ex illa separari valent. Gelatinis animalibus idoneè spissas-

satis, *Fusculi Tabellæ*, viatorum, et navigantium utilitati adeò commendatæ, efficiuntur.

III Gelatinosum decoctum fructibus paratum post idoneam clarificationem et colaturam, levi vaporisatione spissare oportet: Animalium partes duræ, ut ex illis gelatina separaretur, forti indigent coctione; quæ si in vase stanneo obturato exequatur, ita ut per exigua fiat vaporisatio, aptius et facilius ex illis gelatina extrahitur. Vegetabiles mucilaginosæ substantiæ post fortem ac diuturnam infusionem, levi decoctione in aqua mucilaginem præstant, qui calidus colatur per pannum cannabinum aliquatenus rarum, ac corpus emergit spissum et glutinosum, cujus perspecto usu minus quam gelatinis densatur.

IV Animalium duras substantias in exiguas partes divisas, ad gelatinam conficiendam insumere oportet, earumque uncia una vel circiter sufficit pro unciis tribus substantiæ gelatinosæ parandis: Radices ac fructus sicci minutissimè secti, semina semper integra ad mucilagines efficiendos accipere præstat. Licet ingredientium quantitatem ad mucilaginem conficiendum aliquandò variare congruit, hæc tamen generalis et pristina regula aptè stabiliri potest: Libra una circiter ingredientium, et aquæ puræ libræ quatuor sufficiunt pro libris duabus mucilaginis conficiendis.

V Gummosæ substantiæ ex arboribus naturaliter effluentes, mucilagines naturales sunt, quæ aëris contactu solidi redduntur; ex quorum solutione in aqua, mucilagines fiunt in officinis frequentis usus; ac pro varia ipsorum natura, proque diverso mucilaginis usu, quoque variare debet quantitas  
aquæ

aquæ respectu gummi solvendi. (1)

Quid Infusum ?

INFUSUM, est medicamentum liquidum, alijus vel diversarum substantiarum infusione, idonei fluidi ope confecta paratum, ut infundendorum aliquæ substantiæ à liquido extrahantur, et solvantur.

Quotuplex Infusum ?

INFUSUM, duplex est; *simplex* nempe, et *compositum*: *Primum* dicitur, quando unica tantum substantia infusioni subjicitur: *Secundum* verò, quando plures sunt infundendæ substantiæ.

Quinam sunt præciendi canones seu regulæ pro infusis faciendis ?

Ad infusa rectè paranda, hi canones seu regulæ sunt diligentèr servandæ:

I Infusionis vehiculum est eligendum, quod extrahendas substantias exactè solvere possit; ejusque quantitas indeterminata est, à diversa namque ingredientium natura, ac vario medicamenti usu dependet: Quando autem infusum, omni quoad fieri potest infundendorum virtute oneratum requiritur, opus est, ut vehiculum infusam materiam aliquantum superemineat.

II Ut corporum infusio congruentèr perficiatur, maximus inter illa et vehiculum contactus adhibendus; adeoque herbæ, flores, omnesque teneræ substantiæ minutim incisæ infusionibus conficiendis subjiciantur; substantiæ verò duræ, ut ligna, contusæ impendantur, minimè tamen subtilitèr pulveratæ, ne turbidum infusum præbeant: Si autem infundenda substantia admodum ponderosa est, aut infusum substantiis minùs imbutum conficere intendi-

(1) *Mucilagines* et *Gelatinas* sub eadem doctrina collocavi, quoniam substantia extracta ejusdem vel analogæ indolis est; vehiculum extractionis idem, eademque quoque operatio, cujus auxilio hæc obtinentur producta; diuturniori tamen et fortiori coctione indigent gelatarum ab animalibus substantiis extractio, ob compactiorem animalium texturam, è quibus educitur.



dimus , saturata desideretur extractio , in frustulo lintei tenuissimi , in nodulum minimè compressum colligatur , et filo in menstruo suspendatur.

III Infusio caloris artificialis auxilio, vel sine illo paratur , ac magis minusve protrahitur , prout ingredientium principia majori aut minori facilitate extrahi possunt, vel alterationi obnoxia sint ; nunquam tamen ebullitionis ope infusio perficiatur , ne nimia aut nociva principiorum extractio à liquido exequatur.

IV Laxæ texturæ corpora , ut flores et herbæ , brevi infusione parantur ; duræ seu compactæ substantiæ , longa ac forti indigent infusione , quæ aliquando decoctioni prævia est. Corpora plerumque in apertis vasibus infundi possunt ; aromaticæ verò substantiæ , et antiscorbuticæ plantæ in vasibus clausis infundendæ sunt : infusum tandem ne ingratum et turbidum conficiatur , colari debet absque residui expressione , nisi colatura filtrationi præcedat , vel à Medico contrarium præscribatur.

Quid Looch ?

LOOCH est medicamentum densum , mellis consistentiam æmulans , ex liquidis corporibus , crassæ , seu oleosæ substantiæ auxilio spisatis , compositum , sacchari sufficientem quantitatem ad gratum saporem , et debitam consistentiam adipiscendam plerumque continens , pectoris morbis sanandis communiter dicatum.

Quid Potio seu Mixture ?

POTIO SEU MIXTURA est medicamentum liquidum , ex diversis liquidis substantiis simul permixtis constans , salibus aliquandò solutis , pulveribus aliquoties interjectis , confectiones , oleosas substantias , aliaque diversa corpora

sæpiùs continens , diversisque dosibus , prout usui , ejusque naturæ respondeat , Medicorum jussu distributum. (1)

Quid Pulpa ?

PULPA est medicamentum molle , pultis consistentiam habens , ex tenera ac carnosa vegetabilium substantia constans , quæ aliquandò levi caloris auxilio , et sæpiùs aquæ sufficienti quantitate dilutior facta , ab aliis , quibus adhærebat , corporibus separatur.

Quinam sunt præsciendi canones seu regulæ pro pulpis parandis?

Ad pulpas rectè parandas , hos canones seu regulas exactè dignoscere plurimùm confert :

I Fructus exsiccati , herbæ lignosæ recentes ac siccæ , et aridæ radices , in aqua infundi et decoqui debent , usquè dum eorum substantia inter digitos compressa in pulvem diffuat ; quæ ita dispositæ et paratæ , in mortareo marmoreo pistillo ligneo diutiùs subactæ , ac per densum cribrum crinale tractatæ , pulpas idoneè confectas præstant : Ex fructibus verò , herbis , ac radicibus pluribus recentibus , infusione aut coctione non dispositis , sed tantùm aptè subactis et tractatis , pulposa substantia separari potest ; quæ tamèn pulpis coctione separatæ minùs mucilaginosa est , ac per quietem ex illa succus secedit , observante Baumeo.

II Substantiæ admodùm succulentæ in hipocausto , aut in clibano aliquandiù concoqui de-

(1) Prout *mixturæ* seu *potiones* diverso applicentur usui , diversis quoque nominibus insignita ab authoribus tradebantur : *Gargarisma* nempe dicitur , dum mixtura morbis oris interni et faucium dicitur ; *julepium* dum mixtura ad pectoris morbos sanandos destinatur ; *injectio* dum alicui corporis cavitati applicatur ; *collirium* dum oculis adhibetur ; *clyster* verò dicitur injectio tepida per anum injicienda. Hæ tamen accidentales differentiæ impedire haud debent , ne sub eodem potioris generico nomine singula hæc operata meritò includantur.

debent , ut ab humido superfluo orbentur , ac intimior fiat earum succi cum mucilaginosæ substantiæ combinatio ; quæ quidem substantiæ postea à cinere ac exterioribus pelliculis exutæ , eodem modo conquassatæ , ac per cribrum trajectæ , pulpas aptè elaboratas præstant.

III In pulparum coctione , liquidum omne illarum consiententiæ minimè necessarium , in vapores abire , adeoque pulpas humiditate superflua privatas superesse , maxime congruit ; si autem superfluum liquidum in trajectis pulpis remanserit , ut istæ minus alterationi obnoxie sint , balneo mariæ congruentè spissandæ sunt : Quælibet pulpa ut tenuior evadat , per cribrum crinale aliquantum densius denuò trajicienda est.

IV Cassia , tamarindi , aliaque hujusmodi substantiæ , aqua parum irroratæ , leni calore blandæ satis redduntur , ut per cribrum trajectantur. Ex cassia verò mundata , aquæ frigidæ beneficio , extractum quoddam depromitur , viribus pulpa excellentioribus gaudens.

Quid Succus?

succus est substantia liquida , in vegetabilibus contenta , quæ ab ipsis expressione extrahitur , ac à facibus clarificatione depuratur , ut usui medico inserviat.

Quinam sunt præ-  
dicti canones seu re-  
gule pro succis pa-  
ridis?

Ad succos rectè parandos , hi canones seu regulæ exactè cognoscendæ veniunt :

I Ex fructibus semina ac nuclei semper separandi sunt , ut ex ipsis succi extrahantur ; cortices quoque qui admodum densi sunt , aut oleo essentiali abundant , ab eisdem segregandi ; si tenues verò , separari non debent. Fructus ita dispositi , et conquasati , loco frigido macerentur per biduum ; at per aliquarum horarum spatium tantumodò , si saccharinas substantias fructus contineant , fer-



mentationi namquè plurimùm obnoxii sunt ; qua operatione perfecta , misceantur cum tantillo paleæ diligentè lotæ , grosso modo incisæ , atque prælo subjecti succum idoneum et copiosum præstant : Fructus verò aliquantulùm duri , radula rasi prælo subjiciantur.

II Vegetabilia succulenta , valdè mucilaginosa , per aliquarum horarum spatium macerationi subjicienda , et in conquassationis decursu aqua irroranda sunt , ut ex illis succi aptè eliciantur ; si autem aromatica sunt , minimè macerationi subjiciantur , fermentationi namque , aut nocivæ alterationi summè obnoxia sunt : Glutinosæ radices priùs radula rasæ , disponendæ sunt sicut plantæ mucilagosæ , ut commodè ipsarum succi extrahantur.

IV Succi omnes jam expressi , clarificandi sunt , antequam usui veniant vel reponantur. Succi parum mucilaginosi , simul ac expressi sunt , nulla interposita substantia , simplici colatura clarificantur : Ab acidis succis per quietem fæces separantur , et simplici filtratione aptè clarificantur : succos aliquantulùm mucilaginos , in apertis vasibus paululùm effervescere opus est , ac sæpè ovorum albuminis ope ; ipsos postea colare oportet , ut rectè depurentur : Si ex aromaticis tamen , vel antiscorbuticis plantis succi exprimantur , in vase vitreo optimè clauso , balneo mariæ aliquandiù calefaciendi sunt , ac dum frigefacti , per emporeticam cartham filtrari debent , ut idoneè clarificentur.

V Succi plures , antiscorbutici ac aromatici præsertim , magistrales sunt , qui ubi expostulantur , extrahi debent ; aliqui tamen officinales sunt , inter quos acidi melius conser-

servantur. Officinales succi, ut meliori, quo fieri possit, modo conserventur, aptè clarificati ac exactè filtrati, reponantur in exiguis phialis angustioris colli, benè obturatis, superafuso oleo, ac in subterraneo frigido loco custodiantur.

Quid Suppositorium? Suppositorium est medicamentum solidum, emplastri diritiem habens, digiti circitè crassitiei, conicæ figuræ, plerumque ex melle congruentè spissata, vel aliis crassis substantiis, aliquibus pulveribus aliquandò permixtis, confectum (1)

(1) Alia diversæ figuræ conficiuntur medicamina solida, quæ aliis partibus applicantur: Sic *Pessarium* dicitur medicamentum solidum digiti formæ et crassitiei, quod in vulvam muliebrem immittitur; *Herrinum solidum*, quod in nares introduci-  
tur: Hæc et alia medicamenta, quæ licèt differant usu, in manipulatione maximè conveniunt, sub eodem genere ipsa collocare congruum videtur.

# INDEX CAPITUM, ET SECTIONUM.

CAP. I.	<i>De Notionibus Præliminaribus Pharmaciae.</i>	PAG. I
CAP. II.	<i>De Generali Compositione Medi- camentorum.</i>	3
CAP. III.	<i>De Cognitione, et Electione Sim- plicium.</i>	8
SECT. I.	<i>De Simplicibus è vege- tabili regno.</i>	idem.
SECT. II.	<i>De Simplicibus ab ani- mali regno.</i>	31
SECT. III.	<i>De Simplicibus à mi- nerali regno.</i>	36
CAP. IV.	<i>De Collectione, Exsiccatione, Re- positione, et Duratione Simplicium.</i>	44
SECT. I.	<i>De Collectione Simplicium.</i>	idem.
SECT. II.	<i>De Exsiccatione Simplicium.</i>	50
SECT. III.	<i>De Repositione, et Du- ratione Simplicium.</i>	56
CAP. V.	<i>De Operationibus Pharmaceu- ticis.</i>	59
CAP. VI.	<i>De Operatis Pharmaceuticis Of- ficinalibus.</i>	74
CAP. VII.	<i>De Operatis Pharmaceuticis Magistralibus.</i>	109

FINIS.



*Dictámen que dió la Real Academia Medico-Práctica de Barcelona por sus Socios Comisionados los Doctores Don Narciso Rosés y Don Joseph Coll , sobre la Obra intitulada: PHARMACIÆ ELEMENTA CHEMIÆ RECENTIORIS FUNDAMENTIS INNIXA , compuesta por el Doctor Don Francisco Carbonell y Bravo.*

## EXCELENTÍSIMO SEÑOR.

**L**a Obra intitulada : *Pharmaciae Elementa Chemiae recentioris fundamentis innixa* , compuesta por el Doctor Don Francisco Carbonell y Bravo , que por disposicion de V. Exc. hemos exâminado , es recomendable , porque ofrece con buen órden y claridad un breve compendio de las nociones elementares de Farmacia , y porque presenta este arte ilustrado con las luces de la química moderna ; lo que la distingue con preferencia de los pocos escritos que en esta clase se habian publicado hasta ahora. Por lo que creemos que será útil al fin de instruir á los alumnos de aquella profesion , á que la destina particularmente el autor : y como por otra parte no contenga nada que se oponga á su publicacion , la juzgamos digna de darse á la prensa. Barcelona y Marzo 7 de 1796. = Doctor Narciso Rosés , Médico segundo del Hospital General. = Doctor Joseph Coll. = Certifico que los Doctores Don Narciso Rosés y Don Joseph Coll quedaron Comisionados para dar su dictámen á la Obra intitulada : *Pharmaciae Elementa Chemiae recentioris fundamentis innixa* , compuesta por el Doctor Don Francisco Carbonell y Bravo , cuya comision se les hizo por la Real Academia Médico-Práctica de esta Ciudad ; y en su consecuencia dieron el dictámen que antecede. Barcelona y Marzo 8 de 1796. = Doctor Joseph Ignacio Sanponts , Secretario. =

# ERRATA, ET OMISSA.

Pag.	29. lin. 25. absorbentis	<i>lege</i> aluminosæ
	32. lin. 19. <i>adnot.</i> Professores	<i>lege</i> Professoribus
	40. lin. 27. acris primò , postea frigidi	<i>lege</i> acri primò , postea frigido
	70. lin. 3. effusione ; quæ	<i>lege</i> effusione : <i>Secunda</i> est combinatio oxigenii cum corporibus, nulla vel insensibili calorigi et lucis effusione confecta ; quæ
	74. lin. 2. <i>adnot.</i> ignis effecta	<i>lege</i> ignis ope effecta
	75. 77. et 78. <i>interrog.</i> quisnam sunt	<i>lege</i> quinam sunt
	81. lin. 35. potius genuinam conservam , quàm	<i>lege</i> potiùs quàm genuinam conservam ,
	102. <i>interrog.</i> pro syrupus	<i>lege</i> pro syrupis
	115. lin. <i>ultim.</i> bulbosæ	<i>lege</i> bulbosas
	121. lin. 1. intendimus , saturata	<i>lege</i> intendimus , seu minus saturata
	124. lin. 17.	<i>adde</i> III. Vegetabilia quæ succis aquosis abundant, benè conquassata in mortario marmoreo pistillo ligneo , linteo involuta forti , ac prælo expressa , succos præstant copiosos. Plantæ verò lignosæ ac aridæ vegetabilium partes tantillo aquæ irrorandæ sunt dum conquassantur , ut ex ipsis succi eliciantur.







a 543

—

25

